

2.

BIBL. NAZ.

XXV

A

54

NAPOLI

XXV

A

54

NAPOLI

BIBLIOTECA NAZ.
Vittorio Emanuele III


XXV


A

54

NAPOLI







L. ANNÆI SENECAE

Philosophi

*Flores. suae Sententiae insigniores,
excerptae per*

~~FRANCISCVS PLATEROD.~~

item L. Annæi Senecæ Tragicæ
Sententiae.

Amsterodami.

Apud Ludouicum Elzevirium. A. 1677.






3

D. E R A S M V S
R O T E R O D A M V S

Lectori
S.

 *Um nuper in ludo literario, quadam selecta ex L. Annei Senecae operibus praelegerem atque interpretarer, molestis auditorum meorum precibus, quò Typographis traderem adductus sum, ut omnes virtutum ac scientiae amatores, copiam legendi habere possint. Non tamen desunt crassi quidam, qui studiosos adolescentes, ab huiusmodi literis deterreant, ceu Ethnicis aut Poeticis, & ad morum integritatem officientibus. Ego vero dignos censens, quos, & omnibus in ludis praelegant adolescentiae literatores, & sibi legant, relegantque senes. Hic enim noster Seneca, quem animum exigit ab his, qui veras virtutes amplecti desiderant,*

A 2

rant, ut admirabilem illam & amabilem virtutis speciem ponit ob oculos, quàm multa, quam sanctè, imò quàm divinitus tradit: de vero divitiarum contemptu, de salubri carnis mortificatione, de tuenda amicitia, ac bonorum morum disciplina. Pudeat interim nostrorum morum, qui sacris libris edocti, qui tantis & exemplis & premiis provocati, doctrinam Evangelicam profitemur, nec præstamus. Nunquam ante hac magis expertus sum verum esse, quod scribit Augustinus; ex Ethnicorum benefactis, acriores addi stimulos ad virtutem, quàm nostratum, cum subit animo, quàm turpe sit, non ea perspicere pectus Evangelica luce illustratum, quod perspectum est iis, quibus sola nature scintilla pralucebat. Nonne & Augustinus libro de doctrina Christiana, capite quadragesimo, ad philosophorum lectionem hortatur, dicens;

Philoso-

Philosophi autem qui vocantur, si
 qua fortè vera & fidei nostræ accom-
 moda dixerè, maximè Platonici, non
 solùm formidanda non sunt, sed ab eis
 etiam, tanquam injustis possessori-
 bus, in usum nostrum vendicanda.
 Sicut enim Ægyptii, non solùm idola
 habebant, & onera gravia, quæ po-
 pulus Israël detestaretur, & fugeret:
 sed etiam vasa atque ornamenta de
 auro & argento & vestem, quæ ille
 populus exiens de Ægypto, sibi potius
 tanquam ad usum meliorem clancu-
 lò vendicavit, non autoritate pro-
 pria, sed præcepto Dei, ipsis Ægyptiis
 nescienter commodantibus, ea qui-
 bus non bene utebantur: Sic doctri-
 na omnes gentilium non solùm simu-
 lata & superstitiosa figmenta, gra-
 vesque sarcinas supervacanei labo-
 ris habent, quæ unusquisque nostrum,
 duce Christo, de societate gentilium
 exiens, debet abominari atque devi-
 tare; sed etiam liberales disciplinas

*usui veritatis aptiores, & quadam
 morum praecepta utilissima conti-
 nent, deque ipso uno Deo colendo non-
 nulla vera inveniuntur, &c. Multi
 etiam nostris temporibus, itidem ego,
 postulant, ut omnes humana scriptu-
 ra ac disciplina cedant Euangelio. Et
 utinam sic effloruisset Euangelica
 pietas, ut ad illius clarissimam lucem,
 humanarum scripturarum ac disci-
 plinarum lucernae evanescerent.
 Nunc scripturas humanas ac disci-
 plinas obsolescere videmus, pietatis
 vigorem succedere non videmus. In-
 super cum pauperes atque adolescen-
 tes, copias omnium librorum sibi haud
 comparare possint, utile duxi optima
 quaeque moribus ac honestae vitae no-
 stra convenientia, ex magnis illis vo-
 luminibus carpere, ut & ipsi habe-
 ant, quo se oblectent. Vale, & meum
 hunc laborem & sudorem oro per
 Christum ut boni consulas.*

EX PRIMO LIBRO

ET EPISTOLA I.

*De colligenda & sistenda temporis fuga. Et
non esse pauperem, cui etiam modicum satis est.*



Uem mihi dabis, qui aliquod precium tempori ponat, qui diem æstimet, qui intelligat se quotidie mori? In hoc enim fallimur, quòd mortem prospicimus. magna pars ejus jam præterit, quicquid ætatis retrò est, mors tenet. Fac ergo, mi Lucili, quod facere te scribis, omnes horas complectero: sic fiet, ut minus ex crastino pendeas, si hodierno manum injeceris. Dum differtur, vita transcurrit. Omnia, mi Lucili, aliena sunt, tempus tantum nostrum est. Sic evenit mihi, quod plerisque non suo vitio ad inopiam redactis: omnes ignoscunt, nemo succurrit. Quid est? Non puto pauperem, cui quantulumcumque superest, sat est. Tu tamen malo serves tua, & bono tempore uti incipias. Nam ut visum est nostris majoribus; Sera parsimonia in fundo est. Non enim tantum

*Alii
non pro
spici-
mus.*

minimum in imo, sed pessimum remanet.

Ex Epistola 2.

De mutatione locorum, & multiplicium voluminum lectione vitanda, & de commendatione paupertatis, si lata sit.

EX his quæ mihi scribis, ex his quæ audio, bonam spem de te concipio, non discurre, nec locorum mutationibus inquietaris. Ægri animi iactatio ista est. Primum argumentum benè compositæ mentis existimo posse consistere, & secum morari. Illud autem vide, ne ista lectio multorum authorum, & omnis generis voluminum, habeat aliquid vagum, & instabile. Certis ingeniis immorari & innutrirî oportet, si velis aliquid trahere, quod in animo fideliter sedeat. Nusquam est, qui ubique est. In peregrinatione vitam agentibus hoc evenit, ut multa hospitia habeant, nullas amicitias. Idem accidat necesse est iis, qui nullius se ingenio familiariter applicant, sed omnia cursim & prope-
ranter transmittunt. Non prodest ci-
bus, nec corpori accedit, qui statim sumptus emittitur. Nihil æquè sanitatem impedit, quàm remediorum cre-
bra

bra mutatio: non venit vulnus ad cicatricem, in quo crebra medicamenta tentantur. Non coalescit planta quæ sæpius transfertur; nihil tam utile est, quod in transitu proficit. Distrahit animum librorum multitudo. Itaque cum legere non possis quantum habueris, sat est habere quantum legas. Sed modò, inquis, hunc librum evolvere volo, modò illum. Fastidientis stomachi est, multa degustare, quæ ubi varia sunt & diversa, coinquant, non alunt. Probatos itaque semper lege, & si quando ad alios diverti libuerit, ad priores redi. Aliquid quotidie adversus paupertatem, aliquid adversus mortem auxilii compara, nec minus adversus cæteras pestes. Et cum multa percurreris, unum excerpe quod illo die concoquas. Hoc ipse quoque facio, ex pluribus quæ lego; aliquid apprehendo. Hodiernum hoc est, quod apud Epicurum nactus sum. Soleo enim, & in aliena castra transire, non tanquam transfuga, sed tanquam explorator. Honestà, inquit, res est, læta paupertas. Illa verò non est paupertas, si læta est. Cui enim cum paupertate bene convenit, dives est. Non

Quotidie aliquid memoriam condendum.

qui parum habet: sed qui plus cupit, pauper est. Quid enim refert quantum illi in arca, quantum in horreis jaceat, quantum pascat aut fœneret, si alieno imminet, si non acquisita, sed acquirenda computat? Quis sit divitiarum modus, quæris? Primus, habere quod necesse est, proximus, quod sat est. Vale.

Ex Epistola 3.

De modo eligendi & colendi amicum, & quod tam vitium est omnibus credere, quàm nulli.

Sed si aliquem amicum existimas, cui non tantundem credis, quantum tibi, vehementer erras, & non farris nosti vim veræ amicitiae. Nullum habet majus malum occupatus homo, & bonis suis obsessus, quam quod amicos sibi putat, quibus ipse non est. Tu verò omnia cum amico delibera, sed de ipso prius. Post amicitiam credendum est, ante amicitiam judicandum. Diu cogita an tibi in amicitiam aliquis recipiendus sit: cum placuerit fieri, toto illum pectore admitte, tam audacter cum illo loquere, quàm tecum. Quid est ergo, quare ulla verba coram amico retraham? Quid est, quare me coram illo non putem solum?

solum? Quidam quæ tantum amicis committenda sunt, obviis narrant, & in quassibet aures quicquid illos urit, exonerant: quidam rursus etiam carissimorum conscientiam reformidant, & si possent, ne sibi quidem credituri, interius premunt omne secretum: neutrum faciendum est. Utrumque enim vitium est, & omnibus credere, & nulli.

Ex Epistola 4.

De emendando & componendo animum ad contemptum. Quod magna divitiæ sunt secundum naturam composita paupertas.

TEnes utique memoria, quantum senseris gaudium, cum prætexta posita, sumpsisti virilem togam, & in forum deductus es. Majus expecta, ^{Senes} cum puerilem animum deposueris, & ^{pueri} mori-
te in viros Philosophia transcripserit. ^{bus.}

Adhuc enim non pueritia in nobis: sed quod est gravius, puerilitas remanet. Et hoc quidem pejus est, quod auctoritatem habemus senum, vitia puerorum, nec puerorum tantum, sed infantium. Magnæ divitiæ sunt, lege naturæ composita paupertas. Lex ^{Natura} ^{paucis} autem illa naturæ, scis quos nobis ter-
minos statuit? Non esurire, non sitire, ^{conten-}ta.
non algere: Ut famem sitimque de-
pellas,

pellas, non est necesse superbis assidere liminibus, nec supercilium grave, & contumeliosam etiam humanitatem pati. Non est necesse, maria tentare, nec sequi castra. Parabile est, quod natura desiderat, & appositum. Ad supervacua sudatur. Illa sunt, quæ rogam conterunt, quæ nos senescere sub tentorio cōgunt, quæ in aliena littora impingunt. Ad manum est, quod sat est. Cui cum paupertate bene convenit, dives est.

Ex Epistola 5.

De vitanda hypocrisi, & nimia vite distributione.

Illud autem te admoneo, ne eorum more, qui non proficere, sed conspici cupiunt, facias aliqua, quæ in habitu tuo, aut genere vitæ notabilia sunt: Asperum, incultum & intonsum caput, & negligentiorē barbā, & indictum argento odium, & cubile humi positum, & quicquid aliud ambitionem perversa via sequitur, devita. Satis ipsum nomen Philosophiæ, etiam si modeste tractetur, invidiosum est. Quid si nos hominum consuetudini cœperimus excerpere? Intus omnia dissimilia sint, frons nostra populo-

populo conveniat. Non splendeat toga, nec sordeat quidem. Non habeamus argentum, in quo solidi auri cæ- *Alii*
latura descenderit; sed non putemus *diffederis.*
frugalitatis iudicium, auro argentoque caruisse. Id agamus, ut meliorem vitam sequamur quàm vulgus, non ut contrariam. Alioqui quos emendari volumus, fugamus, & à nobis avertimus. Nempe propositum nostrum est, secundum naturam vivere. Hoc contra naturam est, torquere corpus suum, & faciles odisse mundicias, & squalorem appetere, & cibis non tantum utilibus uti, sed tetrīs & horridis. Quemadmodum delicatas res desiderare, luxuriæ est; Ita usitatas & non magno parabiles fugere, dementiæ est. Frugalitatem exigit philosophia, non pœnam.

Ex Epistola 6.

De malo spei & timoris, & de efficacia exemplaris doctrina.

Multa habeam quæ debeant corrigi, quæ extenuari, quæ attolli? Et hoc ipsum argumentum est in melius translati animi, quòd vitia sua, quæ adhuc ignorabat, videt. Quibusdam

ægris gratulatio fit, cum seipsos ægros esse senserunt.

Ego verò cupio in te omnia transfundere, & in hoc gaudeo aliquid discere, ut doceam. Nec me ulla res delectabit, licet eximia sit & salutaris, quam mihi uni sciturus sum. Si cum hac exceptione detur sapientia, ut illam inclusam teneam, nec enunciem, rejiciam. Nullius boni, sine socio, jucunda possessio est. Plus tibi viva vox & convictus, quàm oratio proderit. Homines semper amplius oculis quam auribus credunt. Longum iter est per præcepta: breve & efficax per exempla. Plato & Aristoteles; & omnis in diversum itura sapientium turba, plus ex moribus, quàm ex verbis Socratis trahit.

*Viva
vox.*

Ex Epistola 7.

De fugiendo turba consortio.

Quid tibi vitandum præcipue existimes, quæris? Turbam. Non dum illi te tutò commiseris. Ego certè confiteor imbecillitatem meam. Nunquam mores quos extuli, refero. Aliquid ex eo, quod composui, turbatur; aliquid ex his quæ fugavi, redit. Inimi-

Inimica est multorum conversatio. Nemo non aliquod nobis vitium, aut commodat, aut imprimit, aut nescientibus allinit. Utique quo major est populus, cui commiscemur, hoc periculi plus est. Avarior redeo, ambitiosior, luxuriosior? imò verò crudelior & inhumanior, quia inter homines fui. Necesse est aut imiteris, aut oderis. Utrumque autem devitandum est, ne vel similis malis fias, quia multi sunt, neve inimicus multis, quia dissimiles sunt. Recede in teipsum quantum potes. Cum his versare, qui te meliorem facturi sunt. Illos admittite, quos tu potes facere meliores. Mutuò ista fiunt, & homines dum docent, discunt.

Cum bonis ambulandum.

Ex Epistola 8.

De indulgentia corporis proprii, & turba hominum, & quòd bona fortuna sunt fugienda philosophanti, conscientia sua contento, propter veram libertatem acquirendam, ex servitute animi impendenda philosophia, discenda & operanda.

TU me, inquis, vitare turbam jubes, secedere, & conscientia esse contentum: ubi illa praecepta vestra, quæ imperant in actu mori? Quod ego tibi

tibi videor interim suadere, in hoc me recondidi, & fores clausi, ut prodesse pluribus possem. Nullus mihi per otium dies exit, partem noctium studiis vendico, non vaco somno, sed succumbo, & oculos vigilia fatigatos cadentesque, in opere detineo. Seceffi non tantum ab hominibus, sed etiam à rebus; & primum à rebus meis. Posterorum negotium ago. Illis aliqua, quæ possint prodesse, conscribo; salutare admonitiones, velut medicamentorum utilium compositiones, literis mando, esse illas efficaces in meis ulceribus expertus, quæ etiam si per sanata non sunt, serpere desierunt. Rectum iter, quod serò cognovi, & lassus errando, aliis monstro. Clamo, veritate quæcunque vulgo placent, quæ casus attribuit, ad omne fortuitum bonum, suspiciosi pavidique subsistite. Et sera & piscis, spe aliqua oblectante, decipitur. Munera ista fortunæ putatis? insidiæ sunt. Quisquis nostrum tutam agere vitam volet, quantum plurimum potest, ista viscata beneficia devitet, in quibus hoc quoque miserum fatimur, quòd habere nos putamus, hæcemus. In præcipitia cursus iste

iste deducit. Hujus eminentis vitæ exitus, cadere est. Hanc ergo sanam & salubrem formam vitæ teneto, ut corpori tantum indulgeas, quantum bonæ valetudini satis est. Durius tractandum est, ne animo malè pareat; cibus famam sedet, potio sitim extinguat, vestis arceat frigus, domus munimentum sit adversus infesta corpori. Hanc utrum cespes erexerit, an varius lapis gentis alienæ, nihil interest. Scitote, hominem tam bene culmo, quàm auro tegi. Contemne omnia, quæ supervacuus labor, velut ornamentum, ad decus ponit. Cogita in te præter animum nihil esse mirabile, cui magno, nihil magnum est.

Ex Epistola 9.

Quod sapiens seipso contentus est, ad beatè vivendum, non ad vivendum simpliciter.

Stilpon, quem Epicuri epistola insequitur: hic enim capta patria, amissis liberis, amissa uxore, cum ex incendio publico, solus, & beatus tamen exiret, interroganti Demetrio, si cognomen ab exitio urbium, Porcetes fuit, Numquid perdidisset? **omnia**, inquit, bona mea mecum t. **Ecce vir fortis ac strenuus, ipsam hostis**

hostis sui victoriam vicit. Nihil (inquit) perdidit, dubitare illum coëgit, an vicisset. Omnia mea mecum sunt: Iusticia, virtus, temperantia, prudentia, hoc ipsum, nihil bonum putare, quod eripi possit. Si cui, inquit, bona sua non videntur amplissima, licet totius mundi dominus sit, tamen miser est. Miser est, qui se non beatissimum judicat, licet imperet mundo. Quid enim refert, qualis status tuus, si tibi videtur malus? Quid ergo, inquis? si beatum se dixerit, ille turpiter dives, & ille multorum dominus, sed plurimum servus, beatus sua sententia fiet? Non quid dicat, sed quid sentiat refert, nec quid uno die sentiat, sed quid assiduè. Non est autem quod verearis, ne ad indignum res tanta perveniat. Nisi sapienti sua non placent, omnis stultitia laborat fastidio sui.

Ex Epistola 10.

De solitudine vitanda prudentibus, & de sinceritate orandi Deum.

C Rates, ut ajunt, hujus ipsius Stilponis auditor, cujus mentionem priori epistola feci, cum vidisset adolescentulum secretò ambulantiem, interrogavit; quid illic solus faceret?
Mecum,

ecum, inquit, loquor: cui Crates;
 ve, inquit, rogo & diligenter atten-
 , ne cum homine malo loquaris.
 gentem, timentemque custodire
 emus, ne solitudine malè utatur.
 mo est ex imprudentibus, qui relin-
 i sibi debeat. Tunc mala consilia
 itant, tunc aut aliis, aut ipsis futura
 rricula struunt. Tunc cupiditates im- *Alii*
 obas ordinant, tunc quicquid aut *expro-*
 etu, aut pudore animus celabat, ex- *mit.*
 nit, tunc audaciam acuit, libidinem
 itat, iracundiam instigat.

Votorum tuorum veterum, licet
 is gratiam facias, alia de integro
 cipe, roga bonam mentem, bonam
 etudinem animi, deinde corporis.
 nc scito esse te omnibus cupidita- *Oratio*
 us solutum, cum eò perveneris, ut *qualis*
 il Deum roges, nisi quod rogare *esse de-*
 sis palàm. Nunc enim quanta de- *beat.*
 ntia est hominum? turpissima vo-
 diis insusurrant. Si quis admoverit
 em, conticescent, & quod scire ho-
 nem nolunt, Deo narrant. Sic vive
 n hominibus, tanquam Deus vi-
 e: sic loquere cum Deo, tanquam
 nines audiant.

Ex Epistola 11.

De invincibilis verecundia qualitate, & de imaginaria boni viri præsentia.

*Vere-
cundia
in ado-
lescente,*

Locutus est mecum amicus tuus bonæ indolis, in quo quantum esset animi, quantum ingenii, quantum jam etiam profectus, sermo primus ostendit. Dedit enim nobis gustum, ad quem respondebit: non enim ex præparato locutus est, sed subito deprehensus. Vbi se colligebat verecundia, bonum in adolescente signum, vix potuit excutere, adeò illi ex alto suffusus est rubor. Hic illum, quantum suspicor, etiam cum se confirmaverit, & ex omnibus vitiis exuerit, sapientem quoque sequetur. Nulla enim sapientiâ, naturalia corporis aut animi vitia ponuntur; quicquid infixum & ingenitum est, lenitur arte, non vincitur. Quibusdam etiam constantissimis, in conspectu populi sudor erumpit, non aliter, quam fatigatis & æstuantibus solet, quibusdam tremunt genua dicturis, quorundam dentes colliduntur, lingua titubat, labra concurrunt. Hæc nec disciplina, nec usus unquam excutit: sed natura vim suam exercet, & illos vitii sui, etiam robustissimos admonet. Hæc, ut dixi, nulla sapientia abigit, alioquin habet-

liberet rerum naturam sub imperio ,
omnia eraderet vitia. Quęcunque at-
buit conditio nascendi , & corporis
operatura , cū multū se diuque
imus composuerit, hærebunt. Nihil
rum vitari potest, non magis, quā
cerfi. Accipe & quidem utilem & sa- *Alii*
arem clausulam, quam te affigere a- *vitari.*
mo volo. Aliquis vir bonus nobis eli-
ndus est , ac semper ante oculos ha-
ndus, ut sic, tanquam illo spectante
amus , & omnia tanquam illo vi-
nte faciamus. Hoc mi Lucili, Epicu-
præcepit: custodem nobis & pæda-
gum dedit , nec immeritò . Magna
s peccatorum tollitur, si peccaturis
tis assistat. Aliquem habeat animus
em vereatur, cujus autoritate , e-
m secretum suum sanctius faciat. O
icem illū , qui non actus tantū sed
am cogitatus emendat. O foelicem,
i sic aliquem vereri potest, ut ad me-
riam quoque ejus se componat, at-
e ordinet; qui sic aliquem vereri po-
t, citò erit verendus ! Elige itaque
tonem, si hic videtur tibi nimis rigi-
s, elige remissioris animi virum Le-
n; elige eum, cujus tibi placuit & vi-
& oratio , & ipsius animum ante te
ferens

ferens & vultus, illum semper tibi ostende, vel custodem vel exemplum. Opus est, inquam, aliquo, ad quem mores nostri seipsi exigant; nisi ad regulam prava non corriges.

Ex Epistola 12.

De bono senectutis, & commendatione seu excusatione ipsius.

QUocunque me verto, argumenta senectutis meæ video. Veneram in suburbanum meum, & querebar de impensis ædificii dilabentis. Ait Villicus, non esse negligentia suæ vitium, omnia se facere, sed villam veterem esse. Hæc villa inter manus meas crevit. Quid mihi futurum est, si tam putrida sunt ætatis meæ saxa? Debeo hoc suburbano meo, quod mihi senectus mea, quocunque averterem, apparuit. Complectamur illam & amemus, plena est voluptatis, si illa scias uti; gratissima sunt poma cum fugiunt. Pueritiæ maximus in exitu
Alii vitari. decor est: deditos vino potatio extrema delectat, illa quæ mergit, quæ ebrietati summam manum imponit. Molestum est inquis, mortem ante oculos habere. Primum, ista tam juveni ante oculos debet esse, quàm seni.

Ex

Ex lib. 2. & Epist. 13.

De utilitate exercitationis contra adversa. De remediis contra mala fortuita, & quòd stultitia semper incipit vivere.

Non potest Athleta magnos spiritus ad certamen adferre, qui nunquam fugillatus est. Ille qui fudit sanguinem suum, cujus dentes crepuerunt sub pugno. Ille qui supplantatus, adversarium toto tulit corpore, nec projecit animum projectus, qui quoties cecidit, contumacior resurrexit, cum magna spe descendit ad pugnam. Ergo, ut similitudinem istam prosequar, sæpe jam fortuna supra te fuit, nec tamen tradidisti te, sed subsiliisti, & acrior constitisti. Multum enim adjicit sibi, virtus laceSSita. Inter cætera mala, hoc quoque habet stultitia, semper incipit vivere. Considera quid vox ista significet, Lucili virorum optime, & intelliges quàm fœda sit virorum levitas, quotidie nova vitæ fundamenta ponentium, novas etiam spes, in exitu inchoantium. Circumspice tecum singulos, occurrunt tibi senes, qui se quàm maxime ad ambitionem, ad peregrinationes, ad negotiandum parent. Quid est autem

tem turpius , quàm senex, vivere incipiens ?

Ex Epistola 14.

Vt non serviatur corpori , & qualiter vitanda sit nocitura potentia , & quòd is maxime divitiis fruitur, qui non indiget divitiis.

FAteor insitam esse nobis corporis nostri charitatem. Fateor nos hujus gerere tutelam ; non nego indulgendum illi , serviendum nego. Multis enim serviet, qui corpori servit, qui pro illo nimium timet, qui ad illud omnia refert. Sic gerere nos debemus, non tanquam propter corpus vivere debeamus, sed tanquam non possimus sine corpore. Hujus nos nimius amor, timoribus inquietat, solitudinibus onerat, contumeliis objicit. Honestum ei vile est, cui corpus nimis charum est. Agatur ejus diligentissimè cura, ita tamen, ut cum exigit ratio, cum dignitas, cum fides, mittendum in ignem sit.

Demus itaque operam, abstineamus offensis. Interdum populus est, quem timere debeamus, interdum, si ea civitatis disciplina est, ut plurima per senatum transigantur, gratiosi timeantur; in eo viri interdum singuli, quibus

quibus potestas populi & in populum data est. Hos omnes amicos habere operosum est, satis est, inimicos non habere. Itaque sapiens nunquam potentium iras provocabit, imò declinabit, non aliter, quàm in navigando procellam.

Circumspiciendum nobis est ergo, quomodo à vulgo tuti esse possimus. Primùm nihil inde concupiscamus, rixa est inter competitores: deinde nihil habeamus, quod cum magno emolumento insidiantis eripi possit. Quàm minimum sit in corpore tuo spoliolum. Nemo ad humanum sanguinem propter ipsum venit, aut ad modum pauci, plures computant quàm oderint. Nudum latro transmittit, etiam in obsessa via, pauperi pax est. Ad philosophiam ergo confugiendum est. Hæ literæ, non dico apud bonos, sed apud mediocriter malos, infularum loco sunt. Nam forensis eloquentia, & quæcunque alia populum movent, adversarium habent: hæc quieta & sui negotii, contemni non potest, cui ab omnibus artibus, etiam apud pessimos, honor est. Nunquam in tantum convalescit ne-

*Qui
pauper
est, nihil
timet.*

*Philosofia
laus.*

B

quitia

quitia, nunquam sic contra virtutes conjurabitur, ut non Philosophiæ nomen venerabile & sacrum maneat.

*Divi-
tiarum
contem-
ptus.*

Is maximè divitiis fruitur, qui minimè divitiis indiget. Qui eget divitiis, timet pro illis. Nemo autem sollicito bono fruitur. Adjicere illis aliquid studet, dum de incremento cogitat, oblitus est usus, rationes accipit, forum conterit; kalendarium versat, fit ex domino procurator.

Ex Epistola 15.

De non saginando, vel impinguando corpore, & de exercitatione, & vocis moderatione, & quare vita stulti ingrata sit.

*Amor
corporis
contem-
nendus.*

ADjice nunc, quod majore corporis sarcina animus læditur, & minus agilis est. Itaque quantum potes, circumscribe corpus tuum, & animo locum laxa. Multa sequuntur incommoda, huic deditos curæ. Primùm exercitationes, quarum labor spiritum exhaurit, & inhabilem intentioni, ac studiis acrioribus reddit. Deinde, copia ciborum, subtilitas animi impeditur. Quicquid facies, citò redi à corpore ad animum, illum diebus ac noctibus exerce. Labore modico, alitur ille. Hanc exercitationem, non frigus,

frigus, non æstus impediet, nec senectus quidem. Id bonum cura, quod vetustate fit melius. Neque ego te semper jubeo imminere libro, aut pugillaribus. Dandum est aliquod intervallum animo, ita tamen, ut non revolvatur, sed ut remittatur. Gestatio & corpus concutit, & studio non officit: possis legere, possis dictare, possis loqui, possis audire: quorum nihil, nec ambulatio quidem vetat fieri.

Stulti vita ingrata est, trepida est, incerta in futurum fertur. Quis hæc, inquis, dicit? Idem qui supra. Quam tu hanc vitam dici existimas stultam? Bææ & Ixionis? Non ita est, nostra dici-
tur, quos cæca cupiditas in nocitura, morte nunquam satiatura, præcipitat, quibus si quid satis esse posset, fuisset, si non cogitamus, quam jucundum *Fortunã fallis.*
est nihil poscere, quam magnificum est plenum esse, nec ex fortuna pendere. Discedant aliquando ista inuisiosa bona, & sperantibus meliora, statim affecutis. Si quid in illis esset solidi, aliquando & implerent. Nunc turrientium sitim concitant, quapropter potius à fortuna impetrem, ut det, statim à me, ne petam? Quare autem

petam, oblitus fragilitatis humanæ ?
Congeram, inquit laborem.

- Ex Epistola. 16.

Qualiter ad bonam vitam veniens, in Philosophia robore solidatur, & qui, quoad naturam vivit, nunquam pauper, qui quoad opinionem, nunquam dives erit.

Philosophia studendum.

Illud ante omnia vide, utrum in Philosophia, an in ipsa vita profeceris. Non est Philosophia populare artificium, nec ostentationi paratum. Non in verbis, sed in rebus est. Nec in hoc adhibetur, ut aliqua oblectatione consumatur dies, ut dematur ocio nausea. Animum format, & fabricat, vitam disponit, actiones regit, agenda & omittenda demonstrat, sedet ad gubernaculum, & per ancipitia fluctuantium, dirigit cursum, sine hac nemo securus est. Innumerabilia accidunt singulis horis, quæ consilium exigunt, quod ab hac petendum est. Hæc adhortabitur, ut Deo libenter pareamus, ut fortunæ contumaciter resistamus, hæc docebit, ut Deum sequaris, feras casum.

Sic quoque quod ab Epicuro dictum est: Si ad naturam vives, nunquam eris pauper. Si ad opiniones, nunquam
eris

eris dives . Exiguum natura desiderat , *Divitiæ opinio immensum . Congeratur in te , non satiant .* quicquid multi locupletes possederunt , ultra privatum pecuniæ modum , fortuna te provehat , auro tegat , purpura vestiât , & eò deliciarum opumque perducât , ut terram marmoribus abscondas : accedant statuæ , & picturæ , & quicquid ars ulla luxuriæ elaboravit , majora cupere ab his disces .

Ex Epistola 17 .

Quomodo ad Philosophiam tendenti paupertas expediat .

Projice omnia ista , si sapias , immò ut sapias , & ad bonam mentem , magno cursu , ac totis viribus tende . Si quid est quo teneris , aut expedi , aut incide . Moratur inquis , me res familiaris , sic illam disponere volo , ut sufficere , nihil agenti possit , ne aut paupertas mihi oneri sit , aut ego alicui . Nempe hoc quæris , & hoc ista dilatione vis consequi , ne tibi paupertas timenda sit . Quid si appetenda sit ? multis ad philosophandum obstitere divitiæ , paupertas expedita est , segura *Paupertas philosophiam convenit .* est . Cum classicum cecinit , scit non se peti . cum aliqua conclamatio est , quomodo exeat , non quid efferat , querit .

rit , aut si navigandum est , non per-
strepunt portus , nec unius comitatu
inquieta sunt littora , non circumstant
illum turba fervorum , ad quos pa-
scendos transmarinarum regionum
est optanda fertilitas ; facile est , pasce-
re paucos ventres , & bene institutos ,
& nihil aliud desiderantes , quàm im-
pleri . Parvo fames constat , magno fa-
stidium . Paupertas contenta est , desi-
deriis instantibus satisfacere . Non po-
test studium salutare fieri , sine fruga-
litas cura ; frugalitas autem , pauper-
tas voluntaria est . Tolle itaque istas
excusationes , quantum sat est , non-
dum habeo , si ad illam summam per-
venero , tunc me totum Philosophiæ
dabo . Atqui nihil prius : quàm hoc
parandum est , quod tu differs , & post
cætera paras , ab hoc incipiendum est .
Parare , inquis , unde vivam , volo . Si-
mul & parare discere . Si quid te vetat
bene vivere , bene mori non vetat .
Non est quod paupertas nos à Philoso-
phia revocet , ne egestas quidem : to-
leranda est enim ad hoc properanti-
bus , vel fames ; quam toleravere qui-
dam in obsidionibus . Et quod aliud
erat illius patientiæ præmium , quam
in

*Parvo
fames
constat.*

*Fames
toleran-
da.*

n arbitrium non cadere victoris?
 quanto hoc majus est, quo promitti-
 tur perpetua libertas, nullius nec ho-
 minis, nec Dei timor? Equidem vel
 esurienti ad ista veniendum est. Per-
 cessi sunt exercitus inopiam omnium
 rerum, vixerunt herbarum radicibus,
 & dictu fœdam tulerunt famem. Hæc
 omnia passi sunt pro regno (quo ma-
 gis mireris) alieno. Dubitabit aliquis,
 erre paupertatem, ut animum furo-
 ribus liberet? Quid istuc ab Epicuro
 nutuum sumam? Multis parasse divi-
 as, non finis miseriarum fuit, sed mu-
 tatio. Non hoc miror. Non est enim
 in rebus vitium, sed in ipso animo. Il-
 lid quoque, quod paupertatem nobis
 ravem fecerat, & divitias graves fe-
 cit. Quemadmodum nihil differt, u-
 num ægrum in ligneo lecto, an in au-
 ro colloces, quocunque illum trans-
 leris, morbum suum secum trans-
 ret: Sic nihil refert, utrum animus
 ger, in divitiis, an in paupertate po-
 nitur, malum suum illum sequitur.

*Vitium
 non in
 rebus,
 sed in
 animo
 est.*

*Quòd sine luxuria, dies festus agi debet, & di-
paupertate ultrò petenda, & amore divitiarum tollendo.*

*Festis
animo
impe-
ran-
dum.*

Estis maximè diebus animo impe-
randum est, ut tunc voluptatibus
solus abstineat, cum in illas, omnis tur-
ba procubuit. Certissimum argumen-
tum firmitatis suę capit, si ad blanda &
in luxuriam trahentia, nec adducitur.
Hoc multò fortius est, ebrio ac vomit-
tante populo, siccum ac sobrium esse.

Cæterum adeò mihi placet tentare
animi tui firmitatem, ut ex præcepto
magnorum virorum, tibi quoque præ-
cipiam. Interponas aliquot dies, qui-
bus contentus minimo ac vilissimo
cibo, dura atque horrida veste, dicas
tibi, hoc est, quod timebatur. In ipsa
securitate, animus ad difficilia se præ-
paret, & contra injurias fortunæ, inter
beneficia firmetur. Miles in media
pace decurrit, sine ullo hoste, vallum
jacet, & supervacuo labore lassatur, ut
sufficere necessario possit. Quem in
ipsa re trepidare nolueris, ante rem
exerceas. Hoc secuti sunt, qui omni-
bus mensibus paupertatem imitati,
propè ad inopiam accesserunt, ne
unquam

*In die
bonorum
memor
esto ma-
lorum.*

inquam expavescerent, quod sæpè didicissent.

Exerceamur ad paululum, & ne im- *Amor*
paratos fortuna deprehendat : fiat *divitia-*
aupertas nobis familiaris. Securius *rum tol-*
ivites erimus, si scierimus, quàm non *lendus.*
t grave, pauperes esse. Nemo alius
st Deo dignus, quàm qui opes con-
impfit, quarum possessione tibi non
terdico, sed efficere volo, ut illas
strepidè possideas, quod uno conse-
teris modo, si te etiam sine illis bea-
victurum persuaseris tibi, si illas
am exituras, semper aspexeris.

Ex Epistola 19.

secessu in otium, & de perplexitate concen-
enantium, seu cupiditate vitanda.

Atis multum temporis sparsimus,
incipiamus in senectute vasa colli-
te, nunquid invidiosum est? in fre-
viximus, moriamur in portu.

Subduc cervicem jugo, semel illam
idi, quàm semper premi, satius est.
e ad privata retuleris, minora erunt
nia, & affatim implebunt. At nunc
ima & undique ingesta non sa- *Divi-*
t. Utrum autem mavis ex inopia *tie non*
ritatem, an in copia famem? Et *replent*
a felicitas, est alienæ aviditati. *animum*

exposita. Quamdiu tibi satis nihil fuerit, ipse aliis non eris. Quomodo, inquis, exhibeo? utcunque. Cogita quàm multa temerè, pro pecunia: quàm multa laboriosè, pro honore tentaveris. Aliquid & pro ocio audendum est. Meccœnatis dictum, Attonita habent summa.

Ex Epistola 20.

De concordia doctrina cum vita, & de inaequalitate vitanda, & de paupertatis beneficio, & quod magnus est, qui in divitiis pauper est, sed securior, qui caret eis.

MEa gloria erit, si te istinc, ubi sine spe exeundi fluctuaris, extraxero. Illud autem, mi Lucili, te rogo atque hortor, ut Philosophiam in prœcordia ima demittas, & experimentum tui profectus capias, non oratione nec scripto, sed animi firmitate, & cupiditatum diminutione, verba, rebus proba. Aliud propositum est declamantibus, & assensionem coronæ captantibus. Aliud his, qui juvenum & ociosorum aures, disputatione varia, aut volubili, detinent. Facere docet Philosophia, non dicere, & hoc exigat, ut ad legem suam quisque vivat, ne orationi vita dissentiat, ut ipsa in-

ter

Concordia doctrina cum vita.

ter se vita unius, sine actionum dissensione coloris sit. Maximum hoc est & officium sapientiæ & indicium, ut verbis opera concordent, ut & ipse ubique par sibi, idemque sit. Quis hoc præstabit? Pauci, aliqui tamen. Est difficile: hoc nec dico, sapientem semper uno iturum gradu, sed una via. Observa itaque, nunquid vestistua, domusque dissentiant. Nunquid in te liberalis sis, in tuos sordidus. Nunquid cœnes frugaliter, ædifices luxuriose. Vnam semel, ad quam vivas, regulam prende, & ad hanc omnem vitam tuam exæqua. Quidam se domi contrahunt, dilatant foris & extendunt; titium est hæc diversitas, & signum vacillantis animi, ac nondum habentis tenorem suum, etiam nunc dicam inde sit ista inconstantia, & dissimilitudo rerum consiliorumque. Nemo proponit sibi quid velit, nec si proponit, perseverat in eo, sed transilit, nec tantum mutat, sed redit, & in aquæ deseruit ac damnavit, revolvitur. Itaque ut relinquam definitiones sapientiæ veteres, & totum complear humanæ vitæ modum, hac possum contentus esse. Quid est sapientia?

*Ad unā
regulam
vivendum.*

Vera sapientia quaesita. Semper idem velle, atque idem nolle. Licet illam exceptiunculam non adjiciam, ut rectum sit quod velis, non potest cuiquam semper idem placere, nisi rectum.

O quando ille veniet dies, quò nemo in honorem tuum mentiatùr. Huc ergo cogitationes tuæ tendant, hoc cura, hoc opta, omnia alia vota Deo remissurus, ut contentus sis temetipso, & ex te nascentibus bonis. Quæ potest esse felicitas propior?

Paupertas securata. Multum est, non corrumpi divitarum contubernio. Magnus est ille, qui in divitiis pauper est. Sed securior, qui caret divitiis. Nescio, inquis, quomodo iste paupertatem laturus est, si in illam incideret. Nec scio ego Epicuri angelus, si pauper contempturus sit divitias, si in illas inciderit. Itaque in utroque mens æstimanda est, inspicendumque, an ille paupertati indulgeat, an hic divitiis non indulgeat. Potius ex somno excitandus & vellandus est animus, admonendusque, naturam nobis minimum constituisse. Nemo nascitur dives, quisquis exit in lucem, jussus est lacte & panno esse contentus. Ab his initiis nos regna non capiunt. Vale.

Ex

Ex Epistola 21.

Quòd tendentem ad Philosophiam, impedit mundana felicitatis falsa æstimatio. Et quòd in omni, quod habere cupimus, cupiditatibus detrahendum est.

CUM istis negotium tibi esse iudicas, de quibus scripseras? Maximum negotium tecum habes, tu tibi nolestinus es. Quid velis, nescis, melius probas honesta, quàm sequeris. Vides tibi sit posita felicitas, sed ad illam pervenire non audes.

Epicurus illam nobilem sententiam scripsit, quàm hortatur, ut Pythoclea occupet, non publica, nec ancipiti *Cupiditatibus* via faciat. Si vis, inquit, Pythoclea dititem facere, non pecuniæ adjiciendum, sed cupiditatibus detrahendum *est.* Si vis honestum facere, non honoribus adjiciendum, sed cupiditatis detrahendum. Si vis Pythocleam in perpetua voluptate, non voluptatibus adjiciendum est, sed cupiditatibus detrahendum. Si vis senem vivere, & implere vitam, non annis adjiciendum est, sed cupiditatibus detrahendum est.

*Quòd occupationes consilio relinquenda sunt,
non precipitentur fugienda, & quòd homi-
nes priores moriuntur, quàm nascuntur.*

*Opus
virum
judicat.*

IAm intelligas educendum esse te,
ex istis occupationibus, speciosis &
malis: sed quomodo id consequi pos-
sis, quæris. Quædam non nisi à præsen-
te monstrantur. Non potest medicus
per epistolas, cibi aut balnei tempus
eligere: vena tangenda est. Vetus pro-
verbium est, Gladiatorem in arena ca-
pere consilium. Aliquid adversarii vul-
tus, aliquid manus mota, aliquid ipsa
inclinatio corporis, intuentem monet.

Ecce occurrit mihi sententia, ne-
scio utrum verior, quàm eloquentior:
cujus inquis? Epicuri. Adhuc enim
alienas sarcinas adorno. Nemo non
ita exit è vita tanquam modò intrave-
rit. Quemcumque vis occupa, adole-
scentem, senem, medium: invenies
æquè timidum mortis, æquè inscium
vitæ. Nemo quicquam habet facti, in
futurum enim nostra distulimus. Ni-
hil me magis in ista voce delectat,
quam quod exprobratur senibus in-
fantia. Nemo, inquit, aliter, quàm
quomodo natus est, exit è vita. Falsum
est,

ſt, Pejores morimur quàm nascimur. *Pejores*
 Noſtrum iſtud , non naturæ vitium *mori-*
 ſt. Illa de nobis conqueri debet , & *mur*
 dicere : quid hoc eſt ? ſine cupiditati- *quàm*
 ſus vos genui , ſine timoribus, ſine ſu- *nasci-*
 perſtitione , ſine perfidia cæterisque *mur.*
 eſtibus : quales intraſtis , tales exite.
 Percepit ſapientiam , ſi quis tam ſecu-
 ſus moritur , quàm nascitur. Nunc ve-
 ò trepidamus, cum periculum accē-
 ſit, non animus nobis, non color con-
 ſtat , lachrymæ nihil profuturæ ca-
 lunt . Quid eſt turpius , quàm in ipſo *Contem-*
 mine, ſecuritatis eſſe ſolicitum ? Cau- *ptus*
 ſa autem hæc eſt , quòd inanes om- *mortis.*
 nium bonorum ſumus, vitæ deſiderio
 aboramus . Non enim apud nos pars
 ſus ulla ſubſedit, tranſmiſſa eſt , & ef-
 fluxit. Nemo quàm bene vivat , ſed
 quam diu , curat : cùm omnibus poſſit
 contingere, ut bene vivant , ut diu,
 nulli.

Ex Epistoła 23.

De ſolido & inani gaudio , & de malo vitæ prin-
cipio.

HOc ante omnia fac, mi Lucili,
 diſce gaudere. Exiſtimas me nunc
 detrachere tibi multas voluptates , qui
 fortuita ſubmovo, qui ſpes, dulciſſi-
 ma

ma oblectamenta devitanda existimo. Imò contra. Nolo tibi unquam deesse lætitiā. Volo illam tibi domi nasci. Nascitur, si modò intra te ipsum sit. Cæteræ hilaritates non implent pectus, sed frontem remittunt, leves sunt, nisi fortè tu judicas illum gaudere, qui videt. Animus debet esse alacer, & fidens & super omnia erectus. Mihi crede, res severa est verum gaudium. An tu existimas quemquam soluto vultu, & ut isti delicati loquuntur, hilarari oculo mortem contemnere? paupertati domum aperire? voluptates tenere sub fræno? meditari dolorum patientiam? Hæc qui apud se versat, in magno gaudio est, sed parum blando. Hæc, quibus delectatur vulgus, tenuem habent ac perfusoriam voluptatem, & quodcunque inventicium gaudium est, fundamento caret. Hoc de quo loquor, ad quod te conor perducere, solidum est, & quod plus pateat introrsus.

*Alii
præsum-
ptoriam.*

*Corpus
fragile.*

Corpusculum quoque, etiamsi nihil fieri sine illo potest, magis necessariam rem crede, quàm magnam. Vanas suggerit voluptates, breves, poenitendas, ac nisi magna moderatione
tempe-

empererentur, in contrarium abituras. Ita dico, in præcipiti voluptas ad dolorem vergit, nisi modum teneat. Modum autem tenere in eo difficile est, quod bonum esse credideris. Veri boni aviditas, tuta est. Quid sit istud, interrogas, aut unde subeat? dicam. Ex bona conscientia, ex honestis consiliis, ex rectis actionibus, ex contemptu fortuitorum, ex placido vitæ & continuo tenore, unam prementis viam. Solestum est semper vitam inchoare. Malè vivunt, qui semper vivere incipiunt. Quia semper illis imperfecta vita est. Non potest autem stare *De via.* paratus ad mortem, qui modò incipit vivere. Id agendum est, ut satis viximus. Quidam vivere tunc incipiunt, cum definendum est, si hoc judicaveris, adjiciam quod magis admiraris. Quidam ante vivere desierunt, quam inciperent. Vale.

Ex Epistola 24

de non timenda morte, & de non inconsultè animum inclinando.

IÆc in animo voluta, quæ sæpè *Verba* audisti, sæpè dixisti, sed an verè *in opera* edideris, an verè dixeris, effectu pro- *versen-* da. *da.* Hoc enim turpissimum est, quod nobis

*Mors est
quoti-
diana.*

nobis objici solet, verba nos Philosophiæ, non opera tractare. Turpe est aliud loqui, aliud sentire: quantò turpius, aliud scribere, aliud sentire? Memini te illum locum aliquando tractasse, non repentè in mortem nos incidere, sed minutatim procedere. Quotidie morimur, quotidie enim demitur aliqua pars vitæ: & tunc quoque cum crescimus, vita decrescit. Infantiam amisimus, deinde pueritiam, deinde adolescentiam, usque ad hæsternum quicquid transiit temporis, perit. Hunc ipsum quem agimus diem, cum morte dividimus.

*Omni-
bus adde
modum.*

At in utrumque emonendi ac firmandi sumus, & ne nimis amemus vitam, & ne nimis oderimus, etiam cum ratio suadet finire, non temerè, nec cum procursu capiendus est impetus. Vir fortis ac sapiens non fugere debet è vita, sed exire. Et ante omnia ille quoque vitetur affectus, qui multos occupavit, libido moriendi.

*Omnia
in orbem
nexa.*

Nempe expergiscar, dormiam, satiabor, esuriam, algebo, æstuabo: nullius rei finis est, sed in orbem nexa sunt omnia; fugiunt ac sequuntur.

Diem

diem nox premit, dies noctem, ætas in autumnum definit, autumnus hiems instat, quæ vere compescitur. Omnia transeunt, ut revertantur.

Ex Epistola 25.

de imaginaria boni viri presentia, & quòd natura paucis contenta.

NE de altero quidem satis fiduciæ habeo, excepto eo, quod adhuc ^{Pudor peccati.} peccare erubescit: nutriendus est hic pudor, qui quandiu in animo ejus duverit, aliquis erit bonæ spei locus.

Panem & aquam natura desiderat, primo ad hæc pauper est, intra quæ, ^{Natura paucis contenta.} quisque desiderium suum claudit, ipsum ipso Iove de felicitate contentat.

Ex Epistola 26.

de morte, & quòd egregium sit, mortem discere.

Nunc Go certè, velut appropinquet experimentum, & ille laturus sententiam de omnibus annis meis, dies meritis, ita me observo & alloquor: nihil est, inquam, adhuc quod aut rebus aut verbis exhibuimus, levia sunt & fallacia pignora animi, multis involuta lenociniis. Quòd profiteor, morti crediturus sum. Non timide

midè itaque componor ad illum diem, quo remotis strophis ac fucis, de me pronunciaturus sum, utrum loquar fortia, an sentiam, nunquid simulatio fuerit & mimus, quicquid contra fortunam jactavi verborum contumacium.

Remove studia, totam vitam tractata, mors de te pronunciatura est, ita dico disputationes & literata colloquia, & ex præceptis sapientium, verba collecta, & eruditus sermo, non ostendunt verum robur animi; est enim oratio etiam timidissimis audax. *Timidi etiam verbis audaces.* Quid egeris, tunc apparebit, cum animam ages. Accipio conditionem humanam, non reformido iudicium. Iuniores, quid refert? Non dinumerantur anni. Incertum est, quo te loco mors expectet. Itaque tu illam omni loco expecta. Epicurus ait; Meditare, utrum commodius sit, vel mortem transire ad nos, vel nos ad eam. Hic patet sensus; Egregia res est, mortem condiscere, supervacuum forsitan putas id discere, quo semel utendum est. Hoc est ipsum, quare meditari debeamus. *Mortis meditatio.* Semper discendum est, quod an sciamus, experiri non possumus. Medita-

re

et mortem. Qui hoc dicit, meditari
 bertatem jubet; qui mori discit, ser-
 ire dediscit. Supra omnem poten-
 am est, certè extra omnem. Quid ad
 lam carcer, & custodia, & claustra?
 iberum ostium habet; una est ca-
 na, quæ nos alligatos tenet, amor
 tæ, qui, ut non est abjiciendus, ita
 inuendus est: ut si quando res exi-
 et, nihil nos detineat, nec impediat, *Amor*
 io minus parati simus, quod quando- *vita.*
 re faciendum est, statim facere.
 ale.

Ex Epistola 27.

*voluptatis nocumento, & virtutis gaudio,
 ad quod per externum adjutorium non ve-
 nitur, & quod nunquam nimis dicitur, quod
 non satis discitur.*

Hoc deniq; tibi circa diem mortis
 præsta, moriantur ante te vitia.
 mitte istas voluptates turbidas, ma-
 levandas; Non venturæ tantum, *Mori*
 præteritæ nocent. Quemadmo- *vitiis.*
 m scelera etiam, si non sint depre-
 nsa, cum fierent, sollicitudo non cum
 is abiit; ita improbarum volupta-
 m, etiam post ipsas poenitentia est.
 on sunt solidæ, non sunt fideles, et-
 si non nocent, fugiunt. Aliquod
 potius

potius bonum mansurum circumspice : nullum autem est , nisi quod animus ex se sibi invenit. Sola virtus præstat gaudium perpetuum , securum , etiam si quid obstat , nubilum modo intervenit , quæ infra feruntur , nec unquam diem vincunt.

*Bona
mens
non emi-
tur.*

Bona mens non emitur nec commodatur : & puto , si venalis esset , non haberet emptorem. At mala quotidie emitur . Sed accipe jam quod debeo , & vale.

Divitiæ sunt , ad legem naturæ composita paupertas. Hoc sæpe dicit Epicurus , aliter atque aliter. Sed nunquam nimis dicitur , quod nunquam satis discitur. Quibusdam remedia monstranda sunt , quibusdam inculcanda sunt.

Ex Epistola 28.

Quod non loci , sed animi mutatione tristitia tollitur . Et quòd initium sit salutis , notitia peccati.

*Calum,
non ani-
mum
mutat,
qui
trans
mare
currit.*

Animus debes mutare , non calum. Licet vastum trajeceris mare , licet (ut ait Vergil. noster) terræque urbesque recedant : sequentur te quocunque perveneris , vitia . Hoc idem cuidam quærenti Socrates ait : quid miraris ? Nihil tibi peregrinationes prodesse ,

prodesse, cum te circumferas? Premittit te eadem causa, quæ expulit. Quid terrarum juvare novitas potest? quid cognitio urbium, aut locorum? In irritum cedit ista jactatio. Quicquid facis, contra te facis, & motu ipso nocet tibi: ægrum enim concutis. At cum istud exemeris malum, omnis mutatio loci jucunda fiet. In ultimas expellaris terras licebit, in quolibet barbariæ angulo colloceris, hospitalis tibi illa qualiscunque sedes erit. Magis quis veneris, quàm quò, interest. Non peregrinaris, sed erras & ageris, *Bene vivere* ut locum, ex loco mutas, cum illud *omni loco possit* quod quæris, Bene vivere, omni loco positum sit. Num quid tam turbidum fieri potest, quàm forum? Ibi quoque licet quietè vivere, si necesse sit. Sed illic liceat disponere se, conspectum quoque & viciniam fori procul fugiam. Nam ut loca gravia, etiam firmissimam valetudinem tentant, ita quoque bonæ menti, nec dum adhuc perfectæ & convalescenti, sunt aliqua arum salubria. Tempus est desinere, *Notitia peccati, initium* sed si prius portorium solvero. Initium est salutis, notitia peccati. Egre- *est salutis.* tè mihi hoc dixisse videtur Epicurus.

Nam

Nam qui peccare se nescit, corrigi non vult. Deprehendas te oportet, antequam emendes. Quidam vitiis gloriantur, quia mala sua virtutum loco numerant; tu existimas aliquid de remedio cogitare. Ideo quantum potes, teipsum coargue, inquire in te, accusatoris primum partibus fungere, deinde judicis, novissimè deprecatoris, aliquando te offende.

Ex Epistola 29.

Quòd, licet non omnes monendi sint, tamen quidam etiam contradicentes, vel illudentes, docendi sunt. Et quòd sapiens malit sibi placere, quàm populo.

Peccatores exultant in rebus pessimis.

DE Marcellino nostro quæris, & vis scire, quid agat. Rarò ad nos venit, nulla alia ex causa, quàm quia audire verum timet, à quo periculo jam abest, nulli enim nisi audituro dicendum est. Nihilominus adibo hoc periculum, & audebo illi mala sua ostendere. Faciet quod solet, advocabit illas facetias, quæ risum evocare lugentibus possunt, & in se primum, deinde in nos jocabitur, omnia quæ dicturus sum, occupabit. Scrutabitur scholas nostras, & objiciet Philosophis congiaria, amicis, gulam. Ostendet mihi

mihi alium in adulterio, alium in popina, alium in aula: ostendet mihi lepidum Philosophum, Aristonem, &c. Hos mihi circulatores, qui Philosophiam honestius neglexissent, quàm vendunt, in faciem ingeret. Constitui tamen contumelias perpeti. Moveat ille risum, ego fortasse illi lachrymas novebo, aut si ridere perseverabit, gaudebo tanquam in malis. quòd illud genus insanix hilare contigerit. Nunquam volui populo placere. Nam quæ ego scio, non probat populus, quæ probat populus, ego nescio. Quis enim placere potest populo, cui placet virtus? Malis artibus popularis favor quæritur, similem te illis facias oportet. Non probabunt, nisi agnoverint. Multò autem ad rem magis pertinet, qualis tibi videaris, quàm qualis aliis. Conciliari nisi turpe ratione, amor urpium non potest. Quid ergo illa audata & omnibus præferenda artibus rebusque Philosophia præstabit? scilicet ut malis tibi placere, quàm populo: ut æstimes iudicia, non numeres: ut sine metu deorum hominumque vivas: ut aut vincas mala, aut ficias. Cæterum si te videro celebrem

Constantia Seneca.

Populo non placendum.

secundis vocibus vulgi, si intrante te, clamor, plausus, & pantomimica ornamenta obstrepuerint, si tota civitate te feminæ puerique laudaverint, quid ni ego tui miserear, cum sciam, quæ via ad istum favorem ferat?

Ex Epistola 30.

Quod mors timenda non sit, varias ob causas.

*Mors
certa
est, in-
certa
dies.*

Magna res est hæc Lucili, & diu discenda, cum adventat hora illa inevitabilis, æquo animo abire. Vivere noluit, qui mori non vult. Vita enim cum exceptione mortis data est; ad hanc itur, quam ideo timere dementis est, quia certa expectantur, dubia metuuntur. Mors necessitatem habet æquam & invictam. Quis queri potest in ea conditione se esse, in qua nemo non est? Prima enim pars æquitatis, est æqualitas. Tu tamen mortem, ut nunquam timeas, semper cogita.

Ex Epistola 31.

De contemptu laboris, & excellentia virtutis & animi.

*In vir-
tute fe-
licitas.*

FAc te ipse felicem, facies autem, si intellexeris, bona esse, quibus admixta est virtus: Turpia, quibus malicia

la conjuncta est. Quemadmodum
ne mixtura lucis, nihil splendidum
est, nihil atrum, nisi quod tenebras ha-
bet, aut aliquid in se traxit obscuri:
quemadmodum sine adjutorio ignis,
nihil calidum est, nihil sine aëre fri-
dum: ita honesta & turpia, virtutis
malitiæ societas efficit. Quid est er-
bonum? rerum scientia. Quid ma-
n est? rerum imperitia; ille prudens
que artifex, pro tempore quæque re-
let aut eliget.

Quis ergo, inquis, labor frivolus
perpervacuus est? In quem humiles
sæ vocaverint, non est malus, non
gis quàm ille, qui pulchris rebus
enditur: quoniam animi est ipsa *Labor*
stantia, quæ se ad dura & aspera *deceat vi-*
tatur & dicit, quid cessas? Non est *rum.*
timere sudorē. Huic & illud acce-
ut perfecta virtus sit, æqualitas, ac
or vitæ per omnia consonans sibi,
d non potest esse, nisi rerū scientia
ingat & ars, per quam divina &
ana noscantur. Hoc est summum
m, quod si occupas, incipis deo-
esse socius, non supplex. Quomo-
quis, istò pervenitur? non per Ap-
inum Grajumve montem, nec per
C 2 deserta

deserta Candaviæ, nec Syrtes tibi, nec Scylla, aut Charibdis adeundæ sunt, quæ tamen omnia transisti procura-
 tiunculæ pretio. Tutum iter est, ju-
 cundum est, ad quod natura te instru-
 xit, dedit tibi illa, quæ si non deserue-
 ris, par Deo surges. Parem autem Deo
 pecunia non faciet. Nihil habet Deus.
 Prætexta non faciet: Deus nudus est.
 Fama non faciet, nec ostentatio tui,
 & in populos nominis dimissa notitia.
 Nemo novit Deum: multi de illo malè
 existimant & impunè. Non turba ser-
 vorum, læticiam tuam per itinera ur-
 bana ac peregrina portantium. Deus
 ille maximus potentissimusque ipse
 vehit omnia. Ne forma quidem, &
 vires bonum te facere possunt: nihil
 horum non patitur vetustatem. Quæ-
 rendum est ergo, quod non fiat in dies
 deterius, cui non possit obstari, quo
 non melius possit optari. Quid hoc
 est? animus, sed hic rectus, bonus, ma-
 gnus. Quid aliud voces hunc, quàm
 Deum in humano corpore hospitem?
 Hic animus tam in equitem Roma-
 num, quàm in libertinum, quàm in ser-
 vum potest cadere. Quid est eques Ro-
 manus, aut libertinus? aut servus? no-
 mina

*Alii,
 beatum.*

*Nomina
 princi-
 pum en*

ina ex ambitione, aut ex injuria na-<sup>ambitio-
ne nata
sunt.</sup>
a. Subsilire in cælum, ex angulo li-
et. Exurge modo, & te quoque di-
num finge Deo: finges autem non au-
, non argento. Non potest ex hac
ateria imago Deo exprimi similis.
ogita illos, cum propitii essent, ficti-
s fuisse.

Ex Epistola 32.

De vita cursu percurrendo.

Propera ergo, Lucili charissime, &
cogita, quantum celeritati addi-
us fueris, si à tergo hostis instaret,
quidem adventare suspicareris, ac
ientium premere vestigia. Fit hoc,<sup>De vita
consum-
manda.</sup>
meris, accelera, & evade: perduc
n tutum, & subinde considera,
m pulchra res sit consummare vi-
ante mortem. O quando videbis
d tempus, quo scies tempus ad te
pertinere, quo tranquillus placi-
que eris, & crastini negligens, &
mma tui facietate.

Ex Epistola 33.

ut turpe sit semper ex commentario sapere.

Uid ergo? non ibo per priorum
vestigia? Ego verò utar via vete-
d si priorem planioremque in-

venero, hanc muniam. Qui ante nos ista moverunt, non domini nostri, sed duces sunt. Patet omnibus veritas, nondum est occupata. Multum ex illa etiam futuris relictum est.

Ex Epistola 34.

Quo modo magistrum delectat profectus discipuli: & quod magna pars bonitatis est, velle fieri bonum.

*Docere
alios de-
lectabi-
le.*

SI agricolam arbor ad fructum producta delectat, si pastor ex foetu gregis sui, capit voluptatem, si alumnus suum nemo aliter intuetur, quàm ut adolescentiam illius suam judicet: quid evenire credis his, qui ingenia educaverunt, & quæ tenera formaverunt, adulta subito vident? Afferro te mihi, meum opus es. Ego cum vidissem indolem tuam, injeci manum, exhortatus sum, addidisti stimulos, nec lentè ire passus sum, sed subinde incitavi, & nunc idem facio. Sed jam currentem hortor, & invicem hortantem.

Itaque pars magna bonitatis est, velle fieri bonum. Non est hujus animus in recto, cujus acta discordant.

Ex

Ex Epistola 35.

De constantia hominis in amicitia.

ANte omnia hoc cura, ut constes tibi. Quoties experiri voles, an liquid actum sit, observa, an eadem elishodie, quæ heri. Mutatio voluntatis indicat animum natum aliubi, & aliubi apparere, prout tulit ventis. Non vagatur, quod est fixum & indatum. Istud sapienti perfectè congruit, aliquatenus & proficienti profectoque. Quid ergo interest? hic commoveretur quidem, non tamen transit, & suo loco natus. Ille nec commoveretur quidem. Vale.

Constantia hominis laudatur.

Ex Epistola 36.

Quod propria animi meditatio sit, contemptus mortis.

In Parthia natus esset, arcum infans statim tenderet. Si in Germania, potius puer tenerum hastile videret. Si avorum nostrorum temporis fuisset, equitare, & hostem compercutere didicisset. Hæc singulis disciplina gentis suæ suadet & imperat. Quid ergo huic meditandum est? quod rursus omnia tela, quod adversus e hostium genus benefacit, mor-

Diversi mores nationum.

tem contemnere. Quæquin habeat in se aliquid terribile, ut & animos nostros (quos natura in amorem sui formavit) offendat, nemo dubitat. Nec necesse esset, in id comparari & acui, in quod instinctu quodam voluntario iremus, sicut feruntur omnes ad conservationem sui. Nemo discit, ut si necesse fuerit, æquo animo in rosa jaceat: sed in hoc duratur, ut tormentis non submittat fidem, ut si necesse fuerit, stans etiam aliquando saucius, pro vallo pervigilet, & ne pilo quidem incumbat: quia solet obrepere interim somnus in aliquod adminiculum reclinatis. Mors nullum habet incommodum. Esse enim debet aliquid, cujus sit incommodum. Quod si tanta cupiditas longioris ævi te tenet, cogita nihil eorum, quæ ab oculis abeunt, & in rerum naturam, ex qua prodierunt, ac mox processura sunt reconduntur, consumi. Desinunt ista, non pereunt. Et mors, quam pertimescimus ac recusamus, intermittit vitam, non eripit: veniet iterum, qui nos in lucem reponat dies, quem multi recusarent, nisi oblitos reduceret. Sed postea diligentius docebo, omnia quæ

*Amor
proprius
omnibus
est innatus.*

*Exempla
resurrectionis.*

videntur perire, mutari. Æquo *Om-*
 o debet rediturus exire. Observa *nium*
 m rerum in se remeantium, vide *rerum*
 hoc mundo nihil extingui, sed *vicissi-*
 us descendere ac resurgere. Æ- *tudo.*
 bit, sed alter annus illam addu-
 ayems cecidit, referent illam sui
 ses. Solem nox obruit, sed ipsam
 n dies abiget. Stellarum iste de-
 is, quicquid præterierit repetit;
 coeli levatur assiduè, pars mergi-
 Denique finem faciam, si hoc *Mortem*
 n adjecero, nec infantes, nec pue- *timere*
 nec mente lapsos, timere mor- *non est*
 Et esse turpissimum, si eam secu- *sapientis*
 em nobis ratio non præstat, ad *hominis.*
 stultitia perducit.

Ex Epistola 37.

*modo ad veram libertatem Philosophia
 ducat.*

Uomodo ergo, inquis, expe-
 diam me? Effugere non potes
 stitates, potes vincere. Fiat via,
 anc tibi viam dabit Philosophia:
 anc te confer, si vis salvus esse, si
 us, si beatus. Denique si vis esse
 id est maximum) liber. Hoc con-
 ere aliter non potest. Humilis res
 ultitia, abjecta, sordida, servilis,

*Sapien-
tia sola,
libertas
est.*

multis affectibus & sævissimis subje-
cta. Hos tam graves dominos, inter-
dum alternis vicibus imperantes, in-
terdum pariter, dimittit à te sapientia,
quæ sola libertas est. Una ad hanc fert
via, & quidem recta. Non aberrabis:
vade certo gradu. Si vis tibi omnia
subjicere, te subjice rationi: multos re-
ges, si ratio te rexerit. Ab illa disces,
quid & quemadmodum aggredi debeas.

Ex Epistola 38.

*De utilitate familiaritatis brevis, & inelabor-
rati sermonis.*

*Sermo
discre-
tus
multis
prodest.*

PLurimum proficit sermo, qui mi-
nutatim irrepserit animo; dispu-
tationes præparatæ, & effusæ, audiente
populo, plus habent strepitus, minus
familiaritatis. Nec enim multis opus
est, sed efficacibus. Seminis modo
spargenda sunt: quod quamvis sit exi-
guum, cum occupavit idoneum lo-
cum, vires suas explicat; & ex minimo,
in maximos auctus diffunditur. Idem
facit ratio, non latè patet, si aspicias,
in opere crescit. Pauca sunt quæ di-
cuntur; sed si illa animus bene exce-
perit, convalescunt, & exurgunt.

Ex.

Ex Epistola 39.

*Utrum sit proprium generosi animi, ad excelsa
aspirare, & quatenus superfluitas noceat.*

Abet enim hoc optimum in se
generosus animus, quod concit-
etur ad honesta. Ita animus noster in-
uolens est, eò mobilior & actuosior, quò
mentior fuerit. Sed felix, qui ad
ora hunc impetum dedit! Magna-
nimia est magna contemnere, ac me-
ria malle, quam nimia. Illa enim
a vitaliaque sunt. At hæc, eò quò
refluunt, nocent. Sic segetem nimia
dit ubertas; sic rami onere fran-
guntur. Sic ad maturitatem non per-
tinet nimia fecunditas. Idem animis
que evenit, quos immoderata fe-
bris rumpit, qua non tantum in alio-
rum injuriam, sed etiam in suam ver-
rit. Quis hostis in quenquam tam
umeliosus fuit, quàm in quosdam
ptates suæ sunt? quorum impo-
æ, atque insanæ libidini, ob hoc
non possis ignoscere, quod quæ fe-
patiuntur? Inania & ex libidine
, sine termino sunt. Neces-
saria tur utilitas, supervacua quò redi-
voluptatibus utiq; se immergunt,
is in consuetudinem adductis,

*Nimia
prosperi-
tas no-
cet.*

*Luxuri-
ant ani-
mi rebus
plerum-
que fe-
cundis.*

*Alii u-
tique.*

carere non possunt, & ob hoc miserimi sunt, quod eò pervenerunt, ut illis, quæ supervacua fuerant, facta sint necessaria. Serviunt itaque voluptatibus suis, non fruuntur, & mala sua (quod malorum ultimum est) amant. Tunc autem consummata est infelicitas, ubi turpia non solum delectant, sed etiam placent: & desinit esse remedio locus, ubi quæ fuerunt vitia, mores sunt.

Ex Epistola 40.

Docet pronunciationem moderandam; jubetque tardiloquium.

*De modo lo-
quendi.*

Nihil autem ordinatum est, quod præcipitatur & properat. Sic itaque habe, ut istam vim dicendi rapidam, atque abundantem, aptiorem esse circulanti judices, quàm agentirem magnam atque seriam, doctentique. Æquè stillare illam volo, quàm currere. Nec extendat aures, nec obruat. Nam illa quoque inopia & exilitas, minus intentum auditorem habet, tædio interruptætarditatis. Facilius tamen incidit, quod expectatur, quàm quod prætervolat.

Præterea exercitatione opus est quotidiana, & à rebus studium transferen-

ferendum est ad verba. Hæc autem etiam si aderunt, & poterunt sine ullo tuo labore decurrere, tamen temperanda sunt. Nam quemadmodum sapienti viro, incessus modestior convenit, ita oratio pressa, non audax. Summa ergo summarum hæc erit, tardo loquum te esse jubeo. Vale.

Ex Epistola 41.

Quo modo in unoquoque bonorum hominum Deus habitet; & quòd homo laudandus est pro his, quæ habet intus.

ITa dico Lucili, sacer. intra nos spiritus sedet, malorum bonorumque nostrorum observator & custos: hic prout à nobis tractatus est, ita nos ipse tractat. Bonus vir sine Deo nemo est. An potest aliquis supra fortunam, nisi ab illo adjutus, exurgere? Ille dat consilia magnifica & recta. In unoquoque virorum bonorum (quis Deus incertum est) habitat Deus. Si tibi occurrat vetustis arboribus, & solitam altitudinem egressis, frequens lucus, & conspectum cæli, densitate ramorum aliorum alios protegentium, submovens, illa proceritas sylvæ, & secretum loci, & admiratio umbræ, in aperto tam densæ atque continuæ, fi-

*Religio
genti-
lium.*

dem tibi numinis facit . Et si quis specus , saxi penitus exesis , montem suspenderit , non manu factus , sed naturalibus causis in tantam laxitatem excavatus , animum tuum quadam religionis suspitione percutiet . Magnorum fluminum capita veneramur ; subita ex abdito vasti amnis eruptio aras habet . Coluntur aquarum calentium fontes , & stagna quædam , quæ vel opacitas , vel immensa altitudo sacra- vit . Si hominem videris interritum periculis , intactum cupiditatibus , inter adversa felicem , in mediis tempestatibus placidum , ex superiore loco homines videntem , & ex æquo deos , non subibit te veneratio ejus ? Non dices : ista res major est , altiorque , quàm ut credi , similis huic , in quo est , corpusculo , possit ? Vis istuc divina descendit : animum excellentem , moderatum , omnia tanquam minora transcuntem , quicquid timemus , optamusque ridentem , cœlestis potentia agit- tat . Non potest res tanta , sine adminiculo numinis stare .

*Venera-
tio ho-
minis.*

Nemo gloriari nisi suo debet . Vi- tem laudamus , si fructu palmites o- nerat , si ipsa ad terram , pondere eo-
rum

rum quæ tulit , adminicula deducit. Num quis huic illam præferret vitem, cui aureæ uvæ, aurea folia dependent? Propria virtus est in vite fertilitas. In homine quoque id laudandum est, *Laus ho-* quod ipsius est. Familiam formosam *minis.* habet, & domum pulchram : multum ferit, multum fœnerat: nihil horum in ipso est, sed circa ipsum. Lauda in ipso, quod nec eripi potest, nec dari. Quod proprium est hominis, quæris quid sit? animus, & ratio in animo perfecta. Rationale enim animal est homo. Consummatur itaque ejus bonum, si adimplevit, cui nascitur. Quid est autem quod ab illo ratio hæc exigit? rem facillimam : secundum naturam suam vivere : sed hanc difficilem facit communis infania. In vitia alter alterum trudimus. Quomodo autem ad salutem revocari possunt, quos nemo retinet : populus impellit?

Ex Epistola 42.

Humilitas laudatur in homine.

IAm iste tibi persuasit, se virum bonum esse. Atqui vir bonus, tam citò nec fieri potest, nec intelligi. Sed iste multum adhuc abest ab eo, quod profi-

profitetur, & si sciret quid esset vir bonus, nondum se esse crederet, fortasse etiam fieri posse desperaret.

Ex Epistola 43.

*Conscientia testis fidelis, & quòd prava vita
quarit abscondi à publico sensu.*

Tunc te felicem esse judica, cum poteris in publico vivere, cum te, parietes tui tegent, non abscondent: quos plerumque nobis circumdatos judicamus, non ut tutius vivamus, sed ut peccemus occultius. Rem dicam, ex qua mores æstimes nostros, vix quenquam invenies, qui possit aperto ostio vivere. Ianitores conscientia nostra, non superbia opposuit. Sic vivimus, ut deprehendi sit, subito aspici. Quid autem prodest recondere se, & oculos hominum auresque vitare? Bona conscientia turbam advocat, mala, etiam in solitudine anxia atque sollicita est. Si honesta sunt, quæ facis, omnes sciant. Si turpia, quid refert neminem scire, cum tu scias? O te miserum, si contemnis hunc testem.

Ex Epistola 44.

Quòd quilibet potest fieri verè nobilis, si velit.

PLato ait, neminem regem non ex servis esse oriundum; neminem
non

non servum ex regibus . Omnia ista, *Nobilis*
 longa varietas miscuit, & sursum deor- *quis.*
 sumque fortuna versavit. Quis ergo
 generosus ? Ad virtutem bene à natu-
 ra compositus.

Ex Epistola 45.

*De acie ingenii, non in verbis, sed in rebus exer-
 cenda. Et quis sit verè beatus.*

Multum illis temporis verborum
 cavillatio eripuit, & captiosæ
 disputationes, quæ acumen irritum
 exercent. Nectimus nodos, & ambi-
 guam significationem verbis alliga-
 mus, deinde dissolvimus. Tantum
 nobis vacat? jam vivere, jam mori sci-
 mus? Tot illa mente pergendum est,
 ubi provideri debet, ne nos, non ver-
 ba decipiant. Quid mihi vocum simi- *Contra*
 litudines distinguis, quibus nemo un- *inanem*
 quam, nisi qui disputat, captus est? Cæ- *diale-*
 terùm qui interrogatur, an cornua ha- *eticorum*
 beat, non est tam stultus, ut frontem *gloriam.*
 suam tentet, nec rursus tam ineptus aut
 hebes, ut non habere se nesciat, quod
 tu illi subtilissima collectione persua-
 seris. Sic ista sine noxa decipiunt, quo-
 modo præstigiatorum acetabula &
 calculi, in quibus me fallacia ipsa de-
 lectat. Effice, ut quomodo fiat, intelli-
 gam,

gam, perdidit usum. Idem de istis captionibus dico, quo enim nomine potius sophismata appellem? nec ignorantem nocent, nec scientem juvant. Si vis utique verborum ambiguitates diducere, hoc nos doce, beatum non eum esse, quem vulgus appellat, ad quem pecunia magna confluxit: sed illum, cui bonum omne in animo est erectum, & excelsum, & mirabilia calcantem. Qui neminem videt, cum quo se commutatum velit: qui hominem ea sola parte æstimat, qua homo est: qui natura magistra utitur, ad illius leges componitur, sic vivit, quomodo illa præscripsit: cui bona sua nulla vis excutit: qui mala in bonum vertit, certus iudicii, inconcussus, intrepidus: quem aliqua vis movet, nulla pertrahit: quem fortuna, cum in eum quod habuit telum nocentissimum, vi maxima intorsit, pungit, non vulnerat, & hoc rarò.

*Scientia
vera
lauda-
tur.*

Ex Epistola 47.

*De mi-
nistis &
servis
magna-
tum.*

De familiaritate habenda cum servis, & ipsos diligendos esse.

Libenter ex his, quæ ad te veniunt, cognovi, familiariter te cum servis
vis

vis tuis vivere : hoc prudentiam tuam,
 hoc eruditionem tuam decet . Servi
 sunt ? imò homines . Servi sunt ? imò
 contubernales . Servi sunt ? imò humi-
 les amici . Servi sunt ? imò conservi , si
 cogitaveris , tantundem in utrosque li-
 cere fortunæ . Itaque rideo istos , qui
 turpe existimant , cum servo suo cœna-
 re . Quare ? nisi quia superbissima con-
 suetudo , cœnantem dominum , stan-
 tium servorum turba circundedit . Est
 ille plus quam capit , & ingenti avidita-
 te onerat distentum ventrem , ac desue-
 tum tam ventris officio , ut majore o-
 pera omnia digerat , quàm ingessit . At
 infelicibus servis , movere labra , ne in
 hoc quidem , ut loquantur , licet : virga
 murmur omne compescitur : & ne for-
 tuita quidem , verberibus excepta sunt ,
 tussis , sternutamenta , singultus : magno
 malo , ulla voce interpellatum silen-
 tium luitur , nocte tota jejuni , ruti-
 que perstant . Sic fit , ut isti de domino
 loquantur , quibus coram domino lo-
 qui non licet . Deinde ejusdem arro-
 gantiæ proverbium jactatur : Toti-
 dem esse hostes , quot servos . Non
 habemus illos hostes , sed facimus .
 Alia interim crudelia & inhumana
 prætereo ,

*Alii,
cœnante
domino.*

*Alii
egerat.*

*Miseria
& con-
temptus
servo-
rum.*

*Alii
censura.
Appa-
ratus
mensæ.*

*Eadem
in servo,
quæ in
domino.*

prætereo, quod nec tanquam homini-
bus quidem, sed tanquam jumentis
abutimur: qui cum ad cœnandum dis-
cumbimus, alius sputa detergit, alius
reliquias temulentorum subditus col-
ligit, alius pretiosas aves scindit per-
pectus, & clunes, certis ductibus cir-
cumferens eruditam manum, in frustra
excutit. Infelix, qui huic uni rei vivit,
ut altilia decenter secet; nisi quod mi-
serior est, qui hoc voluptatis causa do-
cet, quam qui necessitatis discit. Alius
cui convivarum cura permissa est, per-
stat infelix, & expectat, quos adula-
tio & intemperantia, aut gulæ, aut lin-
guæ, revocet in crastinum. Adjice ob-
sonatores, quibus dominici palati no-
titia subtilis est, qui sciunt, cujus rei il-
lum sapor excitet, cujus delectet aspe-
ctus, cujus novitate nauseabundus eri-
gi possit, quid jam ipsa satietate fasti-
diat, quid illo die esuriant. Cum his cœ-
nare non sustinet, & majestatis suæ
diminutionem putat, ad eandem
mensam cum servo suo accedere. Vis
tu cogitare istum, quem servum tuum
vocas, ex eisdem seminibus ortum, eo-
dem frui cœlo, æquè spirare, æquè vi-
vere, æquè mori? tam tu illum inge-
nuum

num videre potes, quam ille te servum. Mariana clade quam multos splendidissimè natos, senatorium per militiam auspicantes gradum, fortuna depresso? alium ex illis pastorem, alium custodem casæ fecit. Contemne nunc ejus fortunæ hominem, in quem transire, dum contemnis, potes. Nolo in ingentem me locum immittere, & de usu servorum disputare, in quos superbissimi, crudelissimi, & contumeliosissimi sumus. Hæc tamen præcepti mei summa est. Sic cum inferiore vivas, quemadmodum tecum superiorem velis vivere. Quoties in mentem venerit, quantum tibi in servum liceat, veniat in mentem, tantundem in te, domino tuo licere. At ego, inquis, nullum habeo dominum. Bona ætas est: forsitan habebis. Nescis qua ætate Hecuba servire cœperit, qua Cræsus, qua Darii mater, qua Plato, qua Diogenes? Vive cum servo clementer. Comitem quoque & in sermonem admitte, & in consilium, & in convicium. Instituerunt diem festum, non quo solum cum servis domini viderentur, sed quo utique honores illis in domo gerere, jus dicere permi-

Alii, in quo. Præceptum utile.

*Moribus
æsti-
mandi
sunt ser-
vi.*

permiserunt, & domum pusillam
republicam esse judicaverunt. Quid
ergo? omnes servos admovebo men-
sæ meæ? Non magis, quam omnes
liberos. Erras, si existimas me quos-
dam, quasi sordidioris operæ rejectu-
rum, ut puta illum mulionem & illum
bubulcum, non ministeriis illos æsti-
mabo, sed moribus. Sibi quisque dat
mores, ministeria casus assignat. Qui-
dam cœnant tecum, quia digni sunt,
quidam ut sint. Si quid enim in illis
ex sordida conversatione servile est,
honestiorum convictus excutiet. Ten-
ta & experire. Quemadmodum stul-
tus est, qui equum empturus, non i-
psam inspicit, sed stratum ejus ac fre-
nos: sic stultissimus est, qui hominem
aut ex veste, aut ex conditione, quæ
vestis modo nobis circumdata est,
æstimat. Servus est, sed fortasse liber
animo. Servus est, hoc illi non noce-
bit. Ostende quis non sit. Alius libi-
dini servit, alius avaritiæ, alius ambi-
tioni, omnes timori. Dabo consula-
rem aniculæ servientem, dabo ancil-
lulæ, divitem. Ostendam nobilissi-
mos juvenes mancipia Pantomimo-
rum. Nulla servitus turpior est, quàm
volun-

voluntaria. Colant potius te, quàm timeant.

Ex Epistola 48.

Quòd amicitia omnia communicat.

Confortium rerum omnium inter nos facit amicitia: nec secundi quicquam singulis est, nec adversi; In commune vivitur. Nec potest quisquam beatè degere, qui se tantum intuetur, quia omnia ad utilitates suas convertit. Alteri vivas oportet, si vis tibi vivere. Hæc societas diligenter & sanctè observanda est, quæ nos omnibus hominibus miscet, & indicat, aliquod esse commune jus generis humani: plurimum ad illam quoque (de qua loquebar) interiorem societatem amicitiae colendam proficit.

Ex Epistola 49.

Notat eos, qui in tanta temporum egestate puerilibus sophismatibus indulgent.

Mvs syllaba est, mus autem caseum rodit, syllaba ergo caseum rodit. O pueriles ineptias! in hoc supercilium subduximus? in hoc barbaram demisimus? hoc est, quod tristes docemus & pallidi? Vis scire, quod Philosophia

*Sophismata
pueriles
ineptiae
sunt.*

sophia promittat generi humano consilium? Alium mors vocat, alium paupertas urit, alium divitiæ, vel alienæ torquent, vel suæ. Ille malam fortunam horret, hic se felicitati suæ subducere cupit: hunc homines malè habent, illum dii. Quid mihi lusoria ista proponis? non est jocandi locus, ad miseros advocatus es. Opem te latum naufragis, captis, ægris, egentibus, intentæ securi subjectum præstantibus caput, pollicitus es. Quò diverteris? quid agis? hic cum quo ludis, timet. Succurre, quisquis eloquentior es, pereuntium pœnis. Vtinam tantum prodesse, quantum nocent. Hoc tibi cum voles, manifestissimum faciam, & comminui & debilitari generosam indolem, in istas argutias conjectam. Et quod omnes optant, & quod omnes timent, calcem, ad Grammaticorum elementa descenditis? Quid dicitis? sic itur ad astra? hoc enim est quod Philosophia mihi promittit, ut me parem Deo faciat: ad hoc invitatus sum, ad hoc veni: fidem præsta. Quantum potes ergo mi Lucili, reduce te ab istis exceptionibus & præscriptionibus Philosophorum. Aperta de-

cent

cent & simplicia bonitatem . Etiam si *Veritas simplex.* multum superesset ætatis , parcè jam dispensandum erat , ut sufficeret necessariis . Nunc quæ dementia est, supervacua discere in tanta temporis egestate ?

Ex Epistola 50.

*De velocitate temporis , non in quæstionibus pu-
rilibus expectanda , sed exercitatione virtutis
redmenda.*

INfinita est velocitas temporis , quæ magis apparet respicientibus . Nam *Volat* ad præsentia intentos fallit, adeò præ- *irrevo-* cipitis fugæ, transitus levis est. Pun- *cabile* ctum est quod vivimus, & adhuc pun- *tempus.* ctio minus : sed hoc minimum specie quadam longioris spicii natura divi- sit. Aliud ex hoc infantiam fecit, aliud pueritiam, aliud adolescentiam, aliud inclinationem quandam ab adoles- centia ad senectutem , aliud ipsam se- nectutem. In quàm angusto, quot gra- dus posuit? Modo te profecutus sum, & tamen hoc modo , ætatis nostræ por- tio est , cujus brevitatem aliquando futuram cogitemus. Non solebat mi- hi tam velox tempus videri. Nunc in- credibilis cursus apparet, sive quia ad- moveri lineas sentio , sive qui atten-
D dere

*In Dia-
lecticos
& Lyri-
cos.*

*Exhor-
tationes
bonæ.*

dere cœpi , & computare damnum meum, cò magis utique indignor, aliquos ex hoc tempore (quod sufficere nec ad necessaria quidem potest , etiam si custoditum diligentissimè fuerit) in supervacua majorem partem erogare. Negat Cicero , si duplicetur sibi ætas , habiturum se tempus , quo legat Lyricos , eodem modo Dialecticos. Tristius inepti sunt. Illi ex professo lasciviunt, hi agere seipsum aliquid existimant: nec ego nego prospicienda ista, sed prospicienda tantum , & à limine salutanda , in hoc unum, ne verba nobis dentur, & aliquid esse in illis magni ac secreti boni judicemus. Quid te torques & mace- ras in ea quæstione , quam subtilius est, contempsisse, quàm solvere? Non vacat mihi verba dubiè cadentia consectari, & vafriciam in illis meam experiri. Nunc mortifera mecum sunt. Nunc vaco ad istas ineptias. Ingens negotium in manibus est. Quid agam? mors me sequitur, fugit vita, adversus hæc me doce aliquid. Effice ne ego mortem fugiam, vita me non effugiat. Exhortare adversus difficilia de æquanimitate, adversus inevitabilia, angustias

stias temporis mei laxa; doce, non esse positum bonum vitæ, in spatio ejus, sed in usu: posse fieri, imo sæpe fieri, ut qui diu vixit, parum vixerit. Dociles natura nos edidit, & rationem dedit imperfectam, sed quæ perfici posset. De justitia mihi, de pietate disputa, de frugalitate, de pudicitia utraque, & illa, cui alieni corporis abstinencia est, & hac, cui sui cura.

Ex Epistola 51.

De falsa excusatione peccantium, & qualiter possit pravitas etiam indurata corrigi, & quod virtutes sunt quasi bona naturalia.

Nemo se avarum esse intelligit, nemo cupidum. Cæci tamen ducem quærunt, & nos sine duce erramus, & dicimus, non ego ambitiosus sum, sed nemo aliter Romæ potest vivere. Non ego sumptuosus, sed urbs ista magnas impensas exigit. Non est *Excusatio peccantium.* meum vitium quod iracundus sum, quod nondum constitui certum genus vitæ, adolescentia hæc facit. Quid nos decipimus? non est extrinsecus malum nostrum: intra nos est, in visceribus ipsis sedet. Et ideo difficulter ad sanitatem pervenimus, quia nos ægro-
tare nescimus. Si curari cœperimus,
D 2 quando

quando tot morbos , tantasque ægri-
tudines discutiemus? Nunc verò nec
quærimus quidem medicum, qui mi-
nus negotii haberet, si adhiberetur
ad recens vitium.

*Vitium
est homi-
ni natu-
rale.*

Illud , mi Lucili , non est quod te
impediat, quo minus de nobis bene
speres , quòd malitia jam nos tenet,
quòd diu in possessione nostri est . Ad
neminem ante bona mens venit,
quàm mala . Omnes præoccupati su-
mus virtutes discere , vitia dediscere :
sed eo majore animo ad emendatio-
nem nostri debemus accedere , quod
semel traditi boni perpetua possessio
est . Non dediscitur virtus : virtus se-
cundum naturam est , vitia inimica &
infesta sunt . Sed quemadmodum vir-
tutes retentæ exire non possunt , faci-
lisque earum tutela est , ita initium ad
illas eundi arduum , quia hoc primum
imbecillæ mentis atque ægræ est , for-
midare inexperta . Itaque cogenda est
mens, ut incipiat. Deinde non est acer-
ba medicina : protinus enim delectat,
dum sanat. Aliorum remediorum post
sanitatem voluptas est : Philosophia
pariter & salutaris & dulcis est. Vale.

Ex

Ex Epistola 52.

*Amœnas regiones vitandas esse, rationibus
& exemplis docet.*

Quid ergo? ulli loco indicendum
est odium? minimè. Sed quem-
admodum aliqua vestis, sapienti ac
probo viro magis convenit quàm a-
lia, nec ullum colorem ille odit, sed
aliquem putat parum aptum esse fru-
galitatem professio: sic regio quoque
est, quam sapiens vir, aut ad sapientiam
tendens, declinet, tanquam alienam
bonis moribus. Itaque de secessu co-
gitans, nunquam Canopum eliget,
quamvis neminem Canopus esse fru-
gi vetet. Ne Bajas quidem: diversor-
ium vitiorum esse cœperunt. Illic sibi
plurimum luxuria permittit. Illic tan-
quam aliqua licentia debeatur loco,
magis solvitur. Non tantum corpori,
sed etiam moribus salubrem locum
eligere debemus. Quemadmodum
inter tortores habitare nolim, sic nec
inter popinas quidem. Videre ebrios
per littora errantes, & comessatio-
nes navigantium, & symphonia-
rum cantibus perstreptentes lacus, &
alia, quæ velut soluta legibus luxuria
non tantum peccat, sed publicat, quid

*Conver-
sati sunt
inter
gentes,
& didi-
cerunt
opera eo-
rum.*

necesse est ? id agere debemus, ut irritamenta vitiorum, quàm longissimè profugiamus. Indurandus est animus, & à blandimentis voluptatum procul abstrahendus. Vina Hannibalem hyberna solverunt, & indomitum illum nivibus, atque Alpibus virum, enervaverunt fomenta Campaniæ. Armis vicit, vitiis victus est. Nobis quoque militandum est, & quidem genere militiæ, quo nunquam quies, nunquam otium datur. Debellandæ sunt inprimis voluptates, quæ (ut vides) sæva quoque ad se ingenia rapuerunt. Non est emolliendus animus. Si voluptati cessero, cedendum est dolori, cedendum labori, cedendum est paupertati. Effeminat animos amœnitas. Sed satis diu cum Bajiis litigavimus, nunquam satis cum vitiis, quæ oro te, mi Lucili, persequere, sine modo, sine fine; nam illis quoque nec finis est, nec modus. Projice, quæcunque cor tuum laniant, quæ si aliter extrahi nequirent, cor ipsum cum illis revelandum erat. Voluptates præcipuè exturba, & invisissimas habe, latronum more, quos Philistas Ægyptii vocant. In hoc nos amplectuntur, ut strangulent.

Voluptas omnem malum adfert.

Ex Epistola 53.

Quis felix sit.

ITaque ego illum feliciorē dixerim, qui nihil negotiū secum habuit. Hunc quidem de se melius meruisse, qui malignitatem naturæ suæ vicit, & ad sapientiam se non perduxit, sed extraxit. Hoc durum ac laboriosum negotium, nobis datum scias, scilicet, imus per obstantia. Itaque pugnemus, aliquorum invocemus auxilium.

Ex Epistola 56.

Quòd solus sapiens nulla re sollicitus sit: sibi vivere.

Sed non multum ad tranquillitatem locus confert, animus est, qui sibi commendat omnia. Vidi ego in villa hilari & amœna, mœstos, vidi in media solitudine, occupatis similes. Quare non est quod existimes, ideo parum bene compositum esse te, quòd in Campania non es, quare autem non es? hucusque cogitationes tuas mitte. Conversari cum amicis absentibus licet, & quidem quoties velis, quàm diu velis, magis hac voluptate (quæ maxima est) fruimur dum absumus. Præ-

D 4 sentia

sentia enim nos delicatos facit, & quia aliquando una loquimur, ambulamus; cum confedimus, cum diducti sumus, nihil de his quos modo vidimus, cogitamus: & ideo æquo animo ferre debemus absentiam, quia nemo non multum etiam præsentibus abest.

Ex Epistola 57.

Quòd omnia vitia animi in aperto leviora sunt.

OMnia licet foris resonent; dum intus nihil tumultus sit, dum inter se non rixentur cupiditas & timor, dum avaritia luxuriæque non diffideant, nec altera alteram vexet. Nam quid prodest totius regionis silentium, si affectus fremunt?

De tranquillitate animi.

Omnia noctis erant, placida composita quiete.

Falsum est: nulla placida quies est, nisi quam ratio composuit. Nox exhibet molestiam, non tollit, & sollicitudines mutat. Nam dormientium quoque insomnia tam turbulenta sunt, quàm dies. Illa tranquillitas vera est, in quam bona mens explicatur. Aspicce illum, cui somnus laxæ domus silentio quæritur: cujus aures ne quis agitet sonus, omnis servorum turba conti-

conticuit, & suspensum, accedentium propius, vestigium ponitur. Huc nempe versatus atque illuc, somnum inter ægritudines levem captans: quæ non audit, audisse se queritur. Quid in causa putas esse? animus illi obstreperit, hic placandus est, hujus compescenda est seditio: quem non est quod existimes placidum, si jacet corpus. Interdum quies inquieta est. Et ideò ad rerum actus excitandi, ac tractatione bonarum artium occupandi sumus, quoties nos malè habet inertia sui impatiens. Magni imperatores, cum malè parere militem vident, aliquo labore compescunt, & expeditionibus detinent. Nunquam vacat lascivire districtis. Nihil tam certum est, quam otii vitia negotio discuti.

*Animi
pertur-
bationes
sedanda.*

Ex Epistola 58.

*Quòd non timor, sed horror cadit in sapientem:
& quòd anima hominis, corporis angustiis
teneri non potest.*

Illud deinde mecum loqui cœpi, quàm ineptè quædam magis ac minus timeremus, cum omnium idem finis esset. Quid enim interest, utrum supra aliquem: vigiliarium: ruat, an mons, aut turris? Nil invenies. Erunt:

*De quan-
titate
mortis.*

D 5. tamen,

ramen, qui hanc ruinam magis timeant, quamvis utraque mortifera æque sit. Adeò non effectus, sed efficiëntia timor spectat. Nunc me putas de Stoicis dicere, qui existimant animam hominis magno pondere extricti, permeare non posse, & statim spargi, quia non fuerit illi exitus liber. Ego verò non facio: qui hoc dicunt videntur mihi errare. Quemadmodum flamma non potest opprimi, nam circa id diffugit, quo urgetur: quemadmodum aer verbere aut ictu non læditur, nec scinditur quidem, sed circa id cui cessit refunditur: Sic animus, qui ex tenuissimo constat, deprehendi non potest, nec intra corpus affligi, sed beneficio subtilitatis suæ, per ipsa, quibus premitur, erumpit. Quomodo fulmini, etiam cum latissimè percussit ac fulsit, per exiguum foramen est reditus: sic animo, qui adhuc tenuior est igne, per omne corpus fuga est.

Ex Epistola 59.

De multiplici divisione rerum, ubi exemplo Platonis ostendit, qualiter parsimonia ad senectutem ducat.

*Tempus
præterit.*

Corpora nostra rapiuntur fluminum more, quicquid vides, currit

rit cum tempore. Nihil ex his quæ videmus, manet. Ego ipse dum loquor mutari ista mutatus sum. Hoc est, quod ait Heraclitus: In idem flumen bis haud quaquam descendimus. Manet idem fluminis nomen, aqua transmissa est. Hoc in anne manifestius est, quàm in homine. Sed nos quoque non minus velox cursus prætervehit: & ideo admiror dementiam nostram, quod tantopere amamus rem fugacissimam, corpus, time-musque, ne quando moriamur, cum omne momentum, mors prioris habitus sit. Vis tu timere, ne semel fiat, quod quotidie fit? De homine dixi, fluida materia & caduca, & omnibus obnoxia casibus. Mundus quoque æterna res & invicta, mutatur, nec idem manet.. Quamvis enim omnia in se habeat, quæ habuit, aliter habet, quàm habuit, ordinem mutat. Quid, inquis, ista subtilitas mihi proderit? Si me interrogas, nihil. Sed quemadmodum ille cælator, oculos diu intentos, ac fætigatos, remittit atque avocat, & (ut dici solet) pascit: sic nos animum aliquando debemus relaxare, & quibusdam oblectamentis reficere: sed ipsa

oblectamenta, opera sint, ex his quoque si observaveris, invenies quod possit fieri salutare. Quid ex istis traham quod cupiditates meas comprimat? Vel hoc ipsum, quod omnia ista quæ sensibus serviunt, quæ nos accendunt & irritant, negat Plato ex iis esse quæ verè sint. Igitur ista imaginaria sunt, & ad tempus aliquam faciem ferunt: nihil horum stabile nec solidum est: & nos tamen cupimus tanquam semper futura, aut semper habituri. Imbecilli fluidique per intervalla constituimus. Mittamus animum ad illa, quæ æterna sunt: miremur in sublimi volitantes rerum omnium formas: Deumque inter illa versantem, & providentem, quemadmodum quæ immortalia facere non potuit (quia materia prohibebat) defendat à morte; ac ratione vitium corporis vincat. Manent enim cuncta, non quia æterna sunt, sed quia defenduntur cura regentis. Immortalia tutore non egent. Hæc conservat artifex, fragilitatem materiæ vi sua vincens.

Potest tamen aliquatenus nostra quoque providentia longiorem prorogare huic corpusculo moram, si voluptates

luptates, quibus pars major perit, potuerimus regere & coercere. Plato ipse ad senectutem se diligentia pertulit. Erat quidem corpus validum ac forte sortitus, & illi nomen latitudo pectoris fecerat: sed navigationes ac pericula multum detraxerunt viribus; parsimonia tamen, & eorum, quæ aviditatem evocant, modus, & diligens sui tutela perduxit illum ad senectutem, multis prohibentibus causis. Potest frugalitas producere senectutem: quam ut non puto concupiscendam, ita ne recusandam quidem. Iucundum est, esse secum quam diutissime, cum quis se dignum quo frueretur, effecit.

Frugalitas

Platonis.

Senectus: frugalitate producit.

Ex Epistola 60.

De vero & inani gaudio. Et quomodo sapientem oporteat in periculo hujus vita semper esse virtutibus communitum.

Sextium cum maximè lego, virum: sacrem, Græcis verbis, Romanis moribus philosophantem: movit me imago ab illo posita: ire quadrato agmine exercitum, ubi hostis ab omni parte suspectus est, pugnae paratum. Idem, inquit, sapiens facere debet: omnes virtutes suas undique expandat,

Pugna: virtutum.

dat, ut ubicumque infesti aliquid oritur, illic parata præsidia sint, & ad nutum regentis, sine tumultu respondeant. Quod in exercitibus his, quos imperatores magni ordinant, fieri videmus, ut imperium ducis simul omnes copiae sentiant, sic dispositæ, ut signum ab uno datum, peditem simul equitemque percurrat. Hoc aliquanto magis necessarium esse nobis, Sextius ait. Illi enim sæpe hostem timere sine causa, tutissimumque illis iter, quod suspectissimum fuit. Nil stultitia pacatum habet. Tam supernè illi metus est, quàm infra. Utrunque trepidat latus. Sequuntur pericula & occurrunt, ad omnia pavet: imparata est, & ipsis terretur auxiliis. Sapiens autem ad omnem incursum munitus & intentus, non si paupertas, non si luctus, non si ignominia, non si dolor impetum faciat, pedem referet. Interritus & contra illa ibit, & inter illa. Nos multa alligant, multa debilitant: diu in istis vitiis jacuimus, elui difficile est. Quid ita nos stultitia tam pertinaciter teneat. Primò quia non fortiter illam repellimus, nec toto ad salutem impetu nitimur, deinde, quia illa, quæ à sapien-

[Stultitia nil pacatum habet.

Sapientia imperturbata permanet.

sapien-

sapientibus viris reperta sunt, non satis credimus, nec apertis pectoribus haurimus, leviterque tam magnæ rei insistimus. Quemadmodum autem potest aliquis, quantum satis sit, adversus vitia, discere, qui quantum à vitiis vacat, discit? nemo nostrum in altum descendit: summa tantum decerpimus: & exiguum temporis impendisse Philosophiæ, satis abundeque occupatis fuit. Illud præcipuè impedit, quod cito nobis placemus, si invenimus, qui nos bonos viros dicat, qui prudentes, qui sanctos, agnoscimus. Non sumus modica laudatione contenti, quicquid in nos adulatio sine pudore congeffit, tanquam debitum prendimus: optimos nos esse, sapientissimos, affirmantibus assentimur, cum scimus illos sæpe multa mentiri. Adeò quoque indulgemus nobis, ut laudari velimus in id, cui contraria cum maxime facimus. Mitissimum ille se in ipsis suppliciis audit, in rapinis liberalissimum. Sequitur itaque, ut ideo mutari nolimus, quia nos optimos esse credimus. Alexander cum jam in India vagaretur, & gentes ne finitimis quidem latis notas, bello vastaret,

Adulatio multiplex decipit.

*Exem-
plum e-
gre-
gium.*

staret, in obsidione cujusdam urbis, dum circuit muros, & dum imbecillissima moenium quærit, sagitta ictus, diu perstitit in re, & incepta agere perseveravit. Deinde cum, represso sanguine, sicci vulneris dolor cresceret, & crus equo suspensum paulatim obtorpuisset, coactus absistere, omnes, inquit, jurant me Iovis filium esse, sed vulnus hoc hominem esse me clamat. Idem nos faciamus, cum pro sua quemque portione adulatio infatuat, dicamus: vos quidem prudentem me esse dicitis, ego autem video quàm multa inutilia concupiscam, nocitura optem: ne hoc quidem intelligo, quod animalibus satietas monstrat, quis cibo debeat esse, quis potioni modus; quantum capiam, adhuc nescio. Iam docebo, quemadmodum intelligas

*Perfectio
vera
qua sit.*

te non esse sapientem. Sapiens ille est, qui plenus gaudio, hilaris & placidus, inconcussus, cum Diis ex pari vivit. Nunc ipse te consule: si nunquam mœstus es, nulla spes animum tuum futuri expectatione sollicitat, si per dies noctesque par & æqualis animi tenor erecti & placentis sibi est, pervenisti ad humani boni summam. Sed si appetis:

tis voluptates , & undique , & omnes ,
scito tantum tibi ex sapientia , quan-
tum ex gaudio deesse : ad hoc cupis
pervenire , sed erras , qui inter divitias
illuc venturum esse te speras . Inter
honores gaudium , id est , inter solici-
tudines quæris ? ista quæ sic petis , tan-
quam datura lætitiā & voluptatem ,
causæ dolorum sunt . Omnes , inquam ,
illi tendunt ad gaudium : sed unde sta-
bile magnumque consequantur , igno-
rant . Ille ex conviviis & luxuria : ille
ex ambitione & circumfusa clientium
turba . Ille ex amica : alius ex studio-
rum liberalium vanæ ostentatione , &
nihil sanantibus literis . Omnes istos
oblectamenta fallacia & brevia deci-
piunt : sicut ebrietas , quæ unius horæ
hilarem insaniam , longi temporis tæ-
dio pensat : sicut plausus & acclama-
tionis secundæ favor , qui magna soli-
citudine & partus est , & expiandus .
Hoc ergo cogita hunc esse sapientiæ
effectū , hanc gaudii æqualitatem . Ta-
lis est sapientis animus , qualis mundi
status super lunam . Semper illic sere-
num est . Habes ergo , quare velis sa-
piens esse : quia nunquam sine gaudio
est . Gaudium hoc non nascitur , nisi
cx.

*De gau-
dio vero
& inani
lætitiā.*

*Gaudium ex
conscientia na-
scitur.*

ex virtutum conscientia . Non potest gaudere , nisi fortis , nisi iustus , nisi temperans . Quid ergo inquis ? stulti ac mali non gaudent ? non magis quàm prædam nacti leones , cum fatigaverunt se vino & libidinibus , cum illos nox inter vitia defecit . Cum voluptates angusto corpori , ultrà quàm capiebat , ingestæ suppurare cœperunt , tunc exclamant miseri Virgilianum versum illū :

*Alii ,
inter vi-
na.*

*Namque ut supremam falsa inter gaudia
noctem*

Egerimus .

Nosti eos , totam luxuriari noctem inter falsa gaudia , & quidem tanquam supremam , agunt . Illud gaudium (quod deos deorumque æmulos sequitur) non interruptitur , non desinit : desineret , si sumptum esset aliunde . Sed quia non est alieni muneris , nec arbitrii quidem alieni . Quod non dedit fortuna , non eripit .

Ex Epistola 61.

*Quòd à parentibus , filiis superfluitas ambitiosa
optatur . Et de continentia.*

IAm non admiror , si omnia nos à prima pueritia mala sequuntur , inter execrationes parentum crevimus . Exaudiant Dii quoque , nostram pro nobis vocem gratuitam . Quousque poscemus

poscemus aliquid Deos quasi nondum ipsi alere nos possimus? Quamdiu sationibus implebimus magnarum urbium campos? quàm diu nobis populus metet? quàm diu unius mensæ frumentum, multa navigia, & quidem non ex uno mari, subvehent? Taurus, paucissimorum jugerum pascuis impletur, una sylva elephantis pluribus sufficit, homo & terra pascitur & mari. Quid ergo? tam insatiabilem nobis natura alium dedit, cum tam modica corpora dedisset, ut vastissimorum edacissimorumque animalium aviditatem vinceremus? minimè. Quantum est enim quod naturæ datur. Parvò illa dimittitur. Non fames nobis ventris nostri magno constat, sed ambitio. Hos itaque (ut ait Sallustius) ventri obedientes, animalium loco numeremus, non hominum.

Ex Epistola 62.

Quo modo sapiens debet habere animum paratum ad mortem.

DEsinamus quod voluimus velle. Ego certè id ago senex, eadem velle, quæ puer volui. In hoc unum eunt dies, in hoc noctes: hoc opus meum est, hæc cogitatio, imponere veteribus

Luxuria & gula damnantur.

Præparatio ad mortem.

veteribus malis finem. Id ago, ut mihi instar totius vitæ sit dies. Nec me hercules tanquam ultimum rapio, sed sic illum aspicio, tanquam esse vel ultimus possit. Hoc animo tibi hanc epistolam scribo, tanquam maximè scribentem mors evocatura sit. Paratus exire sum, & ideo fruor vita: quàm diu futurum hoc sit, non nimis pendeo: ante senectutem curavi ut bene viverem: in senectute, ut bene moriar. Bene autem mori, est libenter mori. Da operam, ne unquam quid invitus facias: quicquid necesse est, futurum est. Repugnanti, non volenti, necessitas est: in volente necessitas non est. Ita dico, qui imperia libens excipit, partem acerbissimam servitutis effugit, facere quod nolit. Non qui jussus aliquid facit, miser est, sed qui invitus facit. Itaque sic animum componamus, ut quicquid res exigit, id velimus: & in primis finem nostri sine tristitia cogitemus; ante ad mortem, quàm ad vitam præparandi sumus. Satis instructa vita est, sed nos instrumentorum ejus avidi sumus. Deesse nobis aliquid videtur & semper videbitur. Ut satis vixerimus, nec anni, nec dies faciunt, sed.

Affectus sub imperio habere.

sed animus. Vixi, Lucili charissime, quantum satis erat: mortem plenus expecto.

Ex Epistola 63.

De simulata & affectata occupatione: & quod brevissima ad divitias per divitiarum contemptum via est.

VAco mi Lucili, vaco, & ubicumque sum, meus sum. Rebus enim non me trado, sed commodo: nec confector perdendi temporis causa: & quocumque constitui loco, ibi cogitationes meas tracto, & aliquid in animo salutare verso.

Contemnere omnia aliquis potest, omnia habere nemo potest. Brevissima ad divitias, per contemptum divitiarum, via est. Demetrius autem non-
Contem-
ptus di-
vitia-
rum.

Ex Epistola 64.

Consolatio de amico defuncto.

MOlestè fers decessisse Flaccum, amicum tuum: plus tamen equo dolere te nolo. Illud ut non doleas, vix audebo exigere, & esse melius scio. Sed cui ista firmitas animi continget, nisi jam multum supra fortunam elato?

*Vsus a-
mico-
rum
qualis
esse de-
beat.*

elato? Quæris unde sint lamentationes, unde immodici fletus? Per lachrymas argumenta desiderii quærimus, & dolorem non sequimur, sed ostendimus. Nemo tristis sibi est. O infelicem stultitiam. Est aliqua doloris ambitio, sic tamen illud fieri necesse est, ut cum aliquo nobis morfu amissorum, quos amavimus, nomen occurrat. Sed hic quoque morsus habet suam voluptatem. Mihi amicorum defunctorum cogitatio dulcis, ac blanda est: habui enim illos tanquam amissurus, amisi tanquam habeam. Fac ergo, mi Lucili, quod tuam æquitatem decet. Desine beneficium naturæ male interpretari: abstulit, sed dedit. Ideo amicis avidè fruamur, quia quàm diu contingere hoc possit, incertum est. Cogitemus quàm sæpe illos reliquerimus, in aliquam peregrinationem longinquam exituri, quàm sæpe eodem morantes loco non viderimus, intelligemus plus nos temporis perdidisse in vivis. Feras autem hos, qui cum negligentissimè amicos habeant, miserrimè lugent, nec amant quenquam, nisi cum perdiderint. Ideoque tunc effusius moerent. Quia
ver-

verentur ne dubium sit, an amaverint, sera indicia affectus sui quærunt. Itaq; assiduè cogitemus, tam de nostra, quàm omnium, quos diligimus, mortalitate. Imparatum me subito fortuna percussit: nunc cogita, omnia, & mortalia esse, & incerta: lege mortali hodie fieri potest, quicquid unquam potest.

Ex Epistola 65.

De efficacia sermonis boni viri, & de augenda doctrina piorum, & eorum veneratione.

QUORUNDAM scripta clarum habent tantum nomen, cætera exsanguia sunt. Instituunt, disputant, cavillantur. Non faciunt animum, quia non habent. Cum legeris Sextium, dices: vivit, viget, liber est, supra hominem est, dimittit me plenum ingentis fiduciæ. In quacunque positione mentis sim, cum lego hunc, (fatebor tibi) libet omnes casus provocare, libet exclamare: quid cessas fortuna, congrederere: paratum vides. Illius animum induo, qui quærît ubi se experia-
tur, ubi virtutem suam ostendat,

Spumantemque dari pecora inter inertia votis

Optat aprum, aut fulvum descendere monte leonem.

*Laus
Sextii.*

Libet

Libet aliquid habere quod vincam, cuius patientia exercear. Nam hoc quoque egregium Sextius habet, quod & ostendet tibi beatæ vitæ magnitudinem, & desperationem ejus non faciet. Scies illam esse in excelfo, sed volenti penetrabilem: hoc quidem virtus tibi ipsa præstabit, ut illam admireris, & tamen speres: mihi certe temporis multum auferre solet contemplatio ipsa sapientiæ. Non aliter illam intueor obstupefactus, quàm ipsum interim mundum, quem sæpe tanquam spectator novus video. Veneror itaq; inventa sapientiæ, inventoresque: adire tanquam multorum hæreditatem juvat. Mihi ista acquisita, mihi laborata sunt. Sed agamus bonum patrem familiæ: faciamus ampliora quæ accepimus; major ista hæreditas à me ad posteros transeat. Multum adhuc restat operis, multumque restabit, nec ulli nato post mille sæcula præcludetur occasio aliquid adhuc adiiciendi. Sed etiam si omnia à veteribus inventa sunt, hoc semper novum erit, usus, & inuentorum ab aliis scientia & dispositio. Puta relicta nobis medicamenta, quibus sanarentur oculi. Non opus est mihi alia quærere,

Profectus in homine laudatur.

quærere : hæc tantum morbis & temporibus aptanda sunt. Hoc asperitas oculorum conlevatur : hoc palpebrarum crassitudo tenuatur : hoc vis subita & humor auertitur : hoc acuitur visus. Teras ista oportet, & eligas tempus, adhibeas singulis modum. Animi remedia inventa sunt ab antiquis : quomodo autem admoveantur, aut quando, nostri operis est quærere. Multum egerunt qui ante nos fuerunt, sed non peregerunt. Suspiciendi tamen sunt, & ritu Deorum colendi. Quidni ego magnorū virorum & imagines habeam, incitamenta animi, & natales celebrem? Quidni illos honoris causa semper appellem? Quam venerationem præceptoribus meis debeo, eandem illis præceptoribus generis humani, à quibus tanti boni initia fluxerunt. Si Consulem videro aut Prætorem, omnia quibus honor haberi solet, faciam : equo desiliam, caput aperiā, semita cedam. Quid ergo? Marcum Catonem utrumque, & Lælium sapientem, & Socratem cum Platone, & Zenonem, Cleanthemque, in animum meum sine dignatione summa recipiam? Ego verò illos veneror, &

E

tantis

Antiqui in pretio habendi sunt.

tantis nominibus semper affurgo. vale.

Ex Epistola 66.

Quod humanus animus non terrena, sed divina prospectare debeat.

*Corpus,
quod
corrum-
pitur,
aggra-
vat ani-
mum.*

E Go quidem priora illa ago ac tracto, quibus pacatur animus, & me prius scrutor. Deinde hunc mundum. Nec hoc quidem tempus (ut existimas) perdo. Ista enim omnia, si non concidantur, nec in hanc subtilitatem inutilem distrahantur, attollunt & levant animum, qui gravi sarcina pressus, explicari cupit, & reverti ad illa, quorum fuit. Nam corpus hoc, animi pœna ac pondus est: premente illo urgetur, in vinculis est, nisi accessit Philosophia, & illum respirare rerum naturæ spectaculo iussit, & à terrenis dimisit ad divina. Hæc libertas ejus est, hæc evagatio: subducit interim se custodiæ in qua tenetur, & cœlo reficitur. Quemadmodum artifices ex alicujus rei subtilioris intentione, quæ oculos defatigat, si malignum & precarium lumen habent, in publicum prodeunt, & in aliqua regione ad populi otium dedicata, oculos libera luce delectant: sic animus in hoc tristi & obscuro domicilio clusus, quoties potest,

test, apertum petit, & in rerum naturæ contemplatione requiescit.

Ego non quæram, quæ sint initia universorum, quis rerum formator, quis omnia in una massa, & materia inertī convoluta, discreverit? Non quæram quis sit artifex hujus mundi? quæ ratione tanta magnitudo in legem & ordinem venerit? quis sparsa collegerit, confusa distinxerit, in una deformitate latentibus, faciem diviserit? unde lux tanta fundatur, ignis sit, an aliquid igne lucidius? ego ista non quæram? ego nesciam unde descenderim? semel hæc mihi videnda sint, an sæpe? Nesciam quo hinc iturus sim? quæ sedes expectet animam, solutam legibus servitutis humanæ? Vetas me cælo interesse, id est, jubes me vivere capite demisso? major sum, & ad majora genitus, quàm ut mancipium sim mei corporis: quod equidem non aliter aspicio, quam vinculum libertatis meæ circumdatum. Hoc itaque oppono fortunæ, in quo resistat; nec per illud ad me ullum transire vulnus sino. Contemptus corporis sui, certa libertas est. Serviant ergo deteriora melioribus, fortes simus adversus for-

*Alii,
nimia.*

*Contem-
platio
nostra
quoti-
diana.*

*Contem-
ptus cor-
poris,
summa
libertas
est.*

tuita , non contremiscamus injurias, non vulnera, non vincula , non egestatem . Mors quid est ? aut finis est , aut transitus: nec desinere timeo; idem est enim quod non cœpisse ; nec transire, quia nusquam tam angustè ero. Vale.

Ex Epistola 67.

Quòd virtus ubique nascatur.

ERRARA mihi visus est , qui dixit: *Gratior est pulchro veniens è corpore, virtus.*

Nullò enim honestamento eget; ipsa & magnum sui decus est , & corpus suum consecrat . Certè Claranum nostrum cœpi intueri : formosus mihi videtur , & tam rectus corpore, quam est animo . Potest ex casa vir magnus exire : potest & ex humili deformique corpusculo formosus animus ac magnus. Quosdam itaque videtur mihi in hoc natura tales generare , ut approbet virtutem omni loco nasci. Claranus mihi videtur in exemplar editus, ut scire possemus , non deformitate corporis fœdari animum, sed pulchritudine animi corpus ornari, &c. *Digna qua ad finem usque perlegatur Epistola.*

Ex

Ex Epistola 68.

Quomodo omne bonum optabile est.

QVæris an omne bonum optabile sit. Si bonum est, inquis, fortiter torqueri, & magno animo uri, & patienter ægrotare, sequitur ut ista optabilia sint. Nihil autem video ex istis voto dignum. Neminem certe adhuc scio eo nomine votum solvisse, quod flagellis cæsus esset, aut podagra distortus, aut equuleo longior factus. Distingue, mi Lucili, ista: & intelliges in his esse aliquid optandum. Tormenta abesse à me velim: sed si sustinenda fuerint, ut me in illis fortiter, honestè, animosè geram, optabo. Quid ni ego malim non incidere bellum? sed si inciderit, ut vulnera, ut famem, & omnia quæ bellorum necessitas fert, generosè feram, optabo. Non sum tam demens, ut ægrotare cupiam: sed si ægrotandum fuerit, ut nihil intemperanter, nihil effeminatè faciam, optabo. Ita non incommoda optabilia sunt, sed virtus, qua perferuntur incommoda. Hoc loco mihi Demetrius noster occurrit, qui vitam securam, & sine ullis fortunæ incursio-

nibus , mare mortuum vocat ; nihil habere ad quod exciteris , ad quod te concites , cujus denunciatione , & incurſu firmitatem animi tui tentes : ſed in ocio inconcuſſo jacere : non eſt tranquillitas , malacia eſt. Attalus Stoicus dicere ſolebat : Malo me fortuna in caſtris ſuis , quàm in deliciis habeat : torqueor , ſed fortiter : bene eſt : occidor , ſed fortiter ; bene eſt.

Nihil eſt virtute præſtantius , nihil pulchrius : & bonum eſt , & optabile , quicquid ex hujus geritur imperio. Vale.

Ex Epistoła 69.

Quomodo ſit colendum otium , & quid in eo tractandum.

Principiis obſta.

VTinam quidem hoc propoſitum ſequi olim fuiſſet animus tibi ! utinam de vita beata non in conſpectu mortis ageremus ! ſed nunc quoque non moremur. Multa enim quæ ſuper-
vacua eſſe , & mimica , credituri fuimus rationi , nunc experientiæ credimus. Quod facere ſolent , qui ſerius exeunt , & volunt tempus celeritate reparare , calcar addamus : hæc ætas optimè facit ad hæc ſtudia . Iam deſpumavit , jam vitia primo fervore adoleſcentiæ

scientiæ indomita lassavit: non multum superest, ut extinguat. Et quando, inquis, tibi proderit istud, quod in exitu discis, aut in quam rem? in hanc, ut exeam melior. Non est tamen, quod existimes, ullam ætatem aptiorem esse ad bonam mentem, quàm quæ se multis experimentis, longa ac frequentiterum patientia domuit: quæ ad salutaria, mitigatis affectibus, venit. Hoc est hujus boni tempus: quisquis senectus ad sapientiam pervenit, annis ^{Alii, prave-} ^{nitur.} pervenit.

Ex Epistola 70.

Avertendi à desideriis hujus seculi oculi, & quod nullum malum sit, sine auctoramento.

ITa qui deponere vult desideria rerum omnium, quarum cupiditate flagravit, & oculos & aures ab his quæ reliquit, avertat. Citò rebellat affectus: quocunque se verterit, premium aliquod præsens occupationis suæ inveniet. Nullum sine auctoramento malum est. Avaritia pecuniam promittit: luxuria varias ac multas voluptates: ambitio purpuram & plausum, & ex hoc potentiam, & quicquid potentia potest. Mercede te vitia sollicitant: hinc tibi gratis vivendum est. Vix effici

toto seculo potest , ut vitia tam longa
 licentia tumida subigantur , & jugum
 accipiant . Vnam quamlibet rem vix
 ad perfectum adducit assidua vigilia
 & intentio . Si me quidem velis audire,
 hoc meditare ; exerce te , ut mortem
 & excipias , & si ita res suadebit , acce-
 sas . Nihil interest , an illa ad nos veniat ,
 an ad illam nos , &c .

Ex Epistola 71.

*Quomodo immatura mortis stultis querelasit ,
 & quando fera mors praoccupanda sit , &
 quando differenda .*

*De mor-
 te.* **P**ORTUS est aliquando petendus , nun-
 quam recusandus . In quem si
 quis intra primos annos delatus est ,
 non magis queri debet , quàm qui
 cito navigavit . Alium enim (ut scis)
 venti segnes ludunt ac detinent , &
 tranquillitatis lentissimo tædio la-
 sant : alium pertinax flatus celerrimè
 perfert . Idem evenire nobis puta : a-
 lios vita velocissimè adduxit , quo ve-
 niendum erat etiam cunctantibus :
 alios maceravit & coxit : quæ (ut scis)
 non semper retinenda est . Non enim
 vivere bonum est , sed bene vivere .
 Itaque sapiens vivit , quantum debet ,
 non

non quantum potest. Nemo nostrum *Vive*
 cogitat, quandoque sibi ex hoc domi- *tan-*
 cilio exeundum. Sic veteres iniqui- *quam*
 nos indulgentia loci & consuetudo *moritu-*
 etiam inter injurias, detinet. Vis ad- *rus.*
 versus hoc corpus liber esse? tanquam
 migraturus habita; propone tibi, quan-
 doque hoc contubernio carendum;
 fortior eris ad necessitatem exeundi.
 Sed quemadmodum suus finis veniet
 in mentem, omnia sine fine concupi-
 scentibus? Nullius rei meditatio tam
 necessaria est.

Ex Epistola 72.

*De consilio ex summa vita captando: & quo-
 modo mors honesta res sit, & de animi fortitu-
 dine.*

E Rige te, Lucili, virorum optime, &
 relinque ludum istum literarium
 Philosophorum, qui rem magnifi-
 centissimam ad syllabas vocant, qui a-
 nimum minuta docendo dimittunt &
 conterunt: fies similis illis, qui inve-
 nerunt ista, non qui docent, & id a-
 gunt, ut Philosophia potius difficilis, *Per qua*
 quàm magna videatur. Socrates, qui *vera sa-*
 totam Philosophiam revocavit ad *piencia*
 mores, & hanc summam dixit esse sa- *acquiri-*
 pientiam, bona malaque distinguere: *tur.*

E 5

Sequere

Sequere illos, si quid apud te habeo
authoritatis, ut sis beatus, inquit, &
te alicui stultum videri sine. Quisquis
volet, tibi contumeliam faciat, &
injuriam, tu tamen nihil patieris, si
modo tecum erit virtus. Si vis, inquit,
beatus esse, si fide bona vir bonus, sine
contemnat te aliquis. Hoc nemo præ-
stabit, nisi qui omnia bona exæquave-
rit; quia nec bonum sine honesto est,
& honestum in omnibus par est. Non
putant enim fieri, quicquid facere non
possunt: ex infirmitate sua, de virtute
ferunt sententiam. Quid miraris, si uri,
vulnerari, occidi, alligari juvat, ali-
quando etiam libet? Luxurioso fru-
galitas poena est, pigro supplicii loco
labor est. Delicatus miseretur indu-
strii; desidioso studere torqueri est.
Eodem modo hæc, ad quæ omnes im-
becilli sumus, dura atque intoleranda
credimus, obliti, quàm multis tormen-
tum sit vino carere, aut prima luce ex-
citari. Non ista difficilia sunt natura,
sed nos fluidi & enerves. Magno ani-
mo de rebus magnis judicandum est,
alioqui videbitur illarum vitium esse,
quod nostrum est. Sic quædam rectis-
sima, cum in aquam demissa sunt,
speciem

speciem curvi præfractique visentibus reddunt. Magna pars est profectus, velle proficere. Hujus rei conscius mihi sum, volo, & tota mente volo. Te quoque instinctum esse, & magno ad pulcherrima properare impetu video. Properemus: ita demum vita beneficium erit, alioqui mora est, & quidem turpis, inter fœda versantibus. Id agamus, ut nostrum omne tempus sit. Non erit autem, nisi prius nos nostri esse ceperimus. Quando continget contemnere utramque fortunam? quando continget, omnibus oppressis affectibus, & sub arbitrium adductis, hanc vocem emittere? Vici. Quem vicerim, quæris? non Persas, nec extrema Medorum, nec si quid ultra Dahas bellicosum jacet, sed avaritiam, sed ambitionem, sed metum mortis, qui victores gentium vicit.

Ex Epistola 73.

Quòd exclusis occupationibus, continuato studio Philosophandum sit. Et quòd solius sapientis sit perpetuum gaudium.

RESISTENDUM est occupationibus: nec explicandæ, sed submovendæ sunt. Tempus quidem nullum est parum idoneum studio salutari; atqui

*Verum
gau-
dium
in quo.*

*Compa-
ratio de
canis.*

multi inter illa non student, propter quæ studendum. Incidet aliquid quod impediat? non equidem eum, cujus animus in omni negotio lætus atque alacer est. Imperfectis adhuc inter-
scinditur lætitia: sapienti verò con-
textitur gaudium, nulla rumpitur fortuna: semper & ubique tranquil-
lum est. Solebat Attalus hac imagine uti: Vidisti aliquando canem missa à domino frustra panis aut carnis aperto ore captantem? quicquid exceperit, pro-
tinus integrum devorat, & semper ad spem futuri hiat. Idem evenit nobis: quicquid expectantibus fortuna pro-
jecit, id sine ulla voluptate demittimus, statim ad alterius rapinam erecti & attenti. Hoc sapienti non evenit: plenus est; etiam siquid obvenit, secure excipit, ac reponit: lætitia fruitur maxima, continua, sua. Habet aliquis bonam voluntatem, habet profectum, sed cui multum desit à summo? hic deprimitur alternis & extollitur, ac modo in cœlum elevatur, modo defer-
tur ad terram. Imperitis ac rudibus, nullus præcipationis finis est.

Ex .

Ex Epistola 74.

De excellentissima boni viri potentia.

CRedamus itaque Sextio , monstranti pulcherrimum iter , & clamanti , Hac itur ad astra : hac , secundum frugalitatem , hac secundum temperantiam , hac secundum fortitudinem. Non sunt Dii fastidiosi , non invidi : admittunt , & ascendentibus manum porrigunt . Miraris hominem ad deos ire ? Deus ad homines venit. Nulla sine Deo mens bona est . Semina in corporibus humanis divina dispersa sunt : quæ si bonus cultor excipit , similia origini prodeunt , & paria his ex quibus orta sunt , surgunt : si malus non aliter quàm humus sterilis ac palustris , necat , ac deinde creat purgamenta pro frugibus.

Ex Epistola 75.

De inanimetu , & ex quibus causis oriatur , & quibus purgetur remediis : & quòd ea quæ vulgus probat , bona non sunt.

OMnium animos mala aliena acrepentina sollicitant . Quemadmodum aves , etiam inanis fundæ sonus territat : ita nos non ad ictum tantum exagitamur , sed ad crepitum.

Non potest ergo quisquam beatus esse, qui huic se opinioni credidit. Non enim beatum est, nisi quod intrepidum. Inter suspecta male vivitur. Quisquis se multum fortuitis dedit, ingentem sibi materiam perturbationis & inexplicabilem fecit. Vna hæc via est ad tuta vadenti, & externa despicere, & honesto contentum esse. Nam qui aliquid virtute melius putat, aut ullum præter illam bonum; ad hæc quæ à fortuna sparguntur, sinum expandit, & sollicitus missilia ejus expectat. Hanc imaginem animo tuo propone, ludos facere fortunam, & in hunc mortalium cœtum honores, divitias, gratiam excutere: quorum alia inter diripientium manus scissa sunt; alia infida societate divisa, alia magno detrimento eorum, in quos devenerant, pressa: ex quibus quædam aliud agentibus inciderunt, quædam quia nimis captabantur, amissa; & dum avidè rapiuntur, excussa sunt. Nulli verò, etiam cui

*Rapina
non di-
tat.*

rapinâ feliciter cessit, gaudium rapti duravit in posterum.

Summum bonum in animo constituamus: obsolescit, si ab optima nostri parte ad pessima transit, & transfertur

fertur ad sensus, qui agiliores sunt animalibus mutis. Non est summa felicitatis nostræ in carne ponenda. Bona illa sunt vera, quæ ratio dat: solida ac sempiterna, quæ cadere non possunt, nec decrescere quidem, aut minui. Cætera opinione bona sunt, & nomen quidem habent commune cum veris, proprietas in illis boni non est. Itaque commoda vocentur, & (ut & nostra lingua utar) producta. Cæterum sciamus, *Optima* *quæque* *eligen-* *da* mancipia nostra esse non partes; & sint apud nos, sed ita, ut meminerimus extra nos esse. Eriam si apud nos sint, inter subjecta & humilia numerentur, propter quæ nemo se attollere debeat. Quid enim stultius, quam aliquidem eo sibi placere, quod ipse non fecit? Omnia ista nobis accedant, non hæreant, ut si abducantur, sine ulla nostri laceratione discedant. Utamur illis, non gloriemur; & utamur parcè, tanquam depositis apud nos, & abituris. Quisquis illa sine ratione possedit, non diu tenuit. *Bona* *fortuna.*

Ex

Ex Epistola 76.

*Quod verba Philosophi nec accurata esse debent,
nec arida. Et de vera libertate & absoluta.*

*Verba cum vi-
ta con-
cordent.* **H**Æc sit propositi nostri summa:
quod sentimus, loquamur, quod
loquimur, sentiamus. Concordet ser-
mo cum vita. Ille promissum suum
implevit, qui & cum videas illum, &
cum audias, idem est. Videbimus qua-
lis sit, quantus: unus sit. Non delectent
nostra verba, sed prosint.

*Medi-
cus elo-
quens,
non ita
utilis.*

Non quærit æger medicum elo-
quentem, sed sanantem: sed si ita
competit, ut idem ille, qui sanare po-
test, comptè de his quæ facienda sunt
differat, boni consulet: non tamen
erit, quare gratuletur sibi, quòd inci-
derit in medicum etiam disertum.
Hoc enim tale est, quale si peritus gu-
bernator etiam formosus est. Iam du-
dum gaude, si sufficis rebus. Quando
multa discas? quando quæ didiceris
affiges tibi, ita ut excidere non pos-
sint? quando illa experieris? Non e-
nim ut cætera, memoriæ tradidisse fa-
tis est. In opere tentanda sunt. Non est
beatus qui scit illa, sed qui facit. Cogita
quantum circa te videas malorum: a-
spice,

spice , quam nullum sit nefas sine exemplo , quantum quotidie nequitia proficiat , quantum publicè privatimque peccetur : intelliges satis nos consequi , si inter pessimos non sumus . Ego verò , inquis , spero me posse & amplioris ordinis fieri . Optaverim hoc nobis magis , quàm promiserim : præoccupati sumus , ad virtutem contendimus , inter vitia districti : pudet dicere , honesta colimus , quantum vacat . At quàm grande premium nos expectat , si occupationes nostras , & mala tenacissima abrumpimus ? Non cupiditas nos , non timor pellet : inagitati terroribus , incorrupti voluptatibus , nec mortem horrebimus , nec Deos : scimus mortem malum non esse , Deos malos non esse . Tam imbecillum est , quod nocet , quam cui nocetur . Optima vi noxia carent . Expectant nos , si ex hac aliquando fæce in illud evadimus sublime & excelsum , tranquillitas animi , & expulsis erroribus absoluta libertas . Quæris , quæ sit ista ? non homines timere , non Deos : nec turpia velle , nec nimia : in seipsum habere maximam potestatem . Inæstimabile bonum est , suum fieri . Vale .

*Mundus
in mali-
gno posi-
tus.*

*Libertas
absoluta
qua sit.*

Ex

Ex Epistola 77.

*Quod proprium & verum hominis bonum
est, ratio vel virtus.*

*Virtus
ab omni-
bus lau-
datur.*

*Compa-
ratio
navis &
gladii.*

SI quis omnia alia habeat, valetudi-
nem, divitias, imagines multas,
frequens atrium, sed malus ex confes-
so sit, improbabis illum. Item si quis
nihil quidem illorum, quæ retuli ha-
beat, deficiatur pecunia, clientum tur-
ba, nobilitate, & avorum, proavorum-
que serie, sed ex confesso bonus sit,
probabis illum. Ergo est unum bo-
num hominis, quod qui habet, etiam
si aliis destituitur, laudandus est:
qui non habet, in omnium aliorum
copia damnatur ac rejicitur. Quæ con-
ditio rerum, eadem & hominum est.
Navis bona dicitur, non quæ pretiosis
coloribus picta est, nec cui argenteum
rostrum est, nec cuius tutela ebore cæ-
lata est, nec quæ fisci ac opibus regiis
pressa est: sed stabilis, ac firma, & jun-
cturis aquam excludentibus spissa, ad
ferendum incursum maris solida, gu-
bernaculo parens, velox, & consen-
tiens vento. Gladium bonum dices,
non cui deauratus est baltheus, nec
cui vagina gemmis distinguitur: sed
cui & ad secandū subtilis acies, & mu-
cro

cro munimentum omne rupturus. Regula non quam formosa, sed quàm recta sit, quæritur. Eo quodque laudatur, cui comparatur, quod illi proprium est. Ergo in homine quoque nihil ad rem pertinet, quantum aret, quantum fœneret, à quàm multis salutetur, quàm pretioso incumbat lecto, quàm pellucido poculo bibat, sed quàm bonus sit. Bonus autem est, si ratio explicata & recta est, & ad naturæ voluntatem accommodata. Hæc vocatur virtus: hoc est honestum & unicum hominis bonum. Nam cum sola ratio perficiat hominem, sola ratio perfecta beatum facit. Hoc autem unum hominis bonum est, quo uno beatus efficitur.

Virum bonum, concedas necesse est, summæ pietatis erga Deos esse. Itaque quicquid illi acciderit, æquo animo sustinebit. Sciet enim id accidisse lege divina, qua universa procedunt. Hoc ergo unum bonum est, quod non tantum perfectus animus, sed generosus quoque & indolis bonæ sentit: cætera levia sunt, mutabilia. Itaque sollicitè possidentur, etiam si favente fortuna in unum congesta sunt: dominis suis incum-

Ex Epistola 77.

*Quod proprium & verum hominis bonum
est, ratio vel virtus.*

*Virtus
ab omni-
bus lau-
datur.*

*Compa-
ratio
navis &
gladii.*

Siquis omnia alia habeat, valetudi-
nem, divitias, imagines multas,
frequens atrium, sed malus ex confes-
so sit, improbabis illum. Item si quis
nihil quidem illorum, quæ retuli ha-
beat, deficiatur pecunia, clientum tur-
ba, nobilitate, & avorum, proavorum-
que serie, sed ex confesso bonus sit,
probabis illum. Ergo est unum bo-
num hominis, quod qui habet, etiam
si aliis destituitur, laudandus est:
qui non habet, in omnium aliorum
copia damnatur ac rejicitur. Quæ con-
ditio rerum, eadem & hominum est.
Navis bona dicitur, non quæ pretiosis
coloribus picta est, nec cui argenteum
rostrum est, nec cujus tutela ebore cæ-
lata est, nec quæ fiscis ac opibus regiis
pressa est: sed stabilis, ac firma, & jun-
cturis aquam excludentibus spissa, ad
ferendum incursum maris solida, gu-
bernaculo parens, velox, & consen-
tiens vento. Gladium bonum dices,
non cui deauratus est baltheus, nec
cui vagina gemmis distinguitur: sed
cui & ad secandū subtilis acies, & mu-
cro

cro munimentum omne rupturus. Regula non quam formosa, sed quàm recta sit, quæritur. Eo quodque laudatur, cui comparatur, quod illi proprium est. Ergo in homine quoque nihil ad rem pertinet, quantum aret, quantum sceneret, à quàm multis salutetur, quàm pretioso incumbat lecto, quàm pellucido poculo bibat, sed quàm bonus sit. Bonus autem est, si ratio explicata & recta est, & ad naturæ voluntatem accommodata. Hæc vocatur virtus: hoc est honestum & unicum hominis bonum. Nam cum sola ratio perficiat hominem, sola ratio perfecta beatum facit. Hoc autem unum hominis bonum est, quo uno beatus efficitur.

Virum bonum, concedas necesse est, summæ pietatis erga Deos esse. Itaque quicquid illi acciderit, æquo animo sustinebit. Sciet enim id accidisse lege divina, qua universa procedunt. Hoc ergo unum bonum est, quod non tantum perfectus animus, sed generosus quoque & indolis bonæ sentit: cætera levia sunt, mutabilia. Itaque sollicitè possidentur, etiam si favente fortuna in unum congesta sunt: dominis suis incum-

*Alii in-
cumbant.
Alii e-
lidunt.*

*Æsti-
matio
hominis
vera.*

incumbunt gravia, & illos semper pre-
munt, aliquando & illidunt. Nemo ex
istis, quos purpuratos vides, felix est,
non magis quàm ex illis, quibus sce-
ptrum & chlamydem in scena fabulæ
assignant: cum præsentē populo elati
incesserunt, & cothurnati, simul exie-
runt, excalceantur, & ad staturam suam
redeunt. Nemo istorum, quos divitiæ
honoresque in altiore fastigio ponunt,
magnus est. Quare ergo magnus vide-
tur? Cum basi illum sua metiris. Par-
vus pumilio est, licet in monte con-
stiterit: colossus magnitudinem suam
servabit, etiam si steterit in puteo
Hoc laboramus errore: sic nobis im-
ponitur: quod neminem æstimamus
eo quo est, sed adjicimus illi & ea,
quibus adornatus est. Atqui cum vo-
les veram hominis æstimationem ini-
re, & scire qualis sit, nudum inspicere: po-
nat patrimonium, ponat honores, &
alia fortunæ mendacia: corpus ipsum
exuat: animum intueri, qualis quan-
tusque sit, alieno an suo magnus: si
crectis oculis gladios micantes videt,
& si scit sua nihil interesse, utrum ani-
ma per os, an per jugulum exeat, beatū
voca. Si, cum illi denunciata sunt cor-
poris

poris tormenta , & quæ casu veniunt, *Fortitu-*
 & quæ potentioris injuria, si vincula & *do homi-*
 exilia, & vanas humanarum formidi- *nis.*
 nes mentium , securus audit, & dicit,

— *non ulla laborum,*

O virgo , nova mi facies inopinave
surgit :

Omnia praecepi, atque animo mecum
ipse peregi.

Tu hodie ista denuncias , ego semper denunciavi mihi , & hominem paravi ad humana : præcogitati mali mollis ictus venit. At stultis & fortunæ credentibus , omnis videtur nova rerum & inopinata facies. Magna autem pars est apud imperitos mali , novitas. Hoc ut scias, ea quæ putaverunt aspera, cum assuevere, patiuntur. Ideo sapiens assuescit futuris malis: & quæ alii diu patiendo levia faciunt, hic levia facit diu cogitando. Audimus aliquando voces imperitorum , dicentium : Nesciebam hoc mihi restare. Sapiens scit sibi omnia restare : quicquid factum est, dicit, Sciebam.

Ex Epistola 78.

Exemplis & rationibus docet de morte non esse curandum.

Nemo tam imperitus est, ut nesciat sibi quandoque moriendum, tamen

men cum prope accesserit, tergiversatur, tremit, plorat. Nonne tibi videbitur stultissimus omnium, qui fleverit quod ante annos mille non vixerat? æque stultus est, qui flet, quod post annos mille non vivet. Hæc paria sunt: non eris, nec fuisti. Utrumque tempus alienum est. In hoc punctum conjectus es, quod ut extendas, quousque extendes? quid fles? quid optas? perdis operā. *Desine fata Deū flecti sperare precando:*

Fixa & rata sunt, & magna atque æterna necessitate dicuntur. Eò ibis, quo omnia eunt. Quid tibi novum est? ad hanc legem natus es: hoc patri tuo accidit, hoc matri, hoc majoribus, hoc omnibus ante te, hoc omnibus post te. Series invicta, & nulla mutabilis ope, illigat ac trahit cuncta. Nullum sine exitu iter. Infelix servis hominibus, servis rebus, servis vitæ. Nam vita, si moriendi virtus abest, servitus est. Et quid habes propter quod expectes? voluptates quæ te morantur ac retinent, consumpsisti; nulla tibi nova est: nulla non jam odiosa ipsa satietate: quis sit vini, quis mulsi sapor, scis: nihil interest, centum per vesicam tuam, an mille amphoræ

*Mors
communis
omnibus.*

amphoræ tranſeant : ſaccus es : quid ſapiat oſtreum , quid mullus , optime noſti , nihil tibi luxuria tua in futuros annos intactum reſervavit. Atqui hæc ſunt à quibus invitus divelleris. Quid enim unquam feciſti luce dignum ? confitere, non curiæ te, non fori , non ipſius naturæ rerum deſiderio tardiorẽ ad moriendum fieri . Invitus relinquis macellum , in quo nihil reliquiſti . Quomodo fabula , ſic vita , non quàm diu, ſed quàm bene acta ſit, refert: nihil ad rem pertinet, quo loco deſinas; quocunque voles, deſine: tantum bonam clauſulam impone. Vale.

Ex Epistoła 79.

De incommodis infirmitatis, & eorum remediis.

Quid porrò? nihil agere te credis, ſi temperans æger ſis ? Oſtendes morbum poſſe ſuperari , vel certe ſuſtineri . Eſt , mihi crede , virtuti etiam in lectulo locus. Non tantum arma & acies dant argumenta alacris animi, indomitique terroribus , & in veſtimentis vir fortis apparet. Habes quod agas , bene luſtare cum morbo, ſi nihil te coegerit ; ſi nihil exoraverit , inſigne prodis exemplum . Sed omnia iſta facilè perferemus , ſorbtionem,

*Etiam
virtuti
in lectu-
lo locus.*

tionem, aquam calidam, & quicquid aliud intolerabile videtur delicatis & luxu fluentibus, magisque animo quàm corpore morbidis: tantum mortem definamus horrere. Definamus

*Non ti-
mere
mortem.*

autem, si fines bonorum ac malorum cognoverimus. Ita demum nec vita tædio erit, nec mors timori. His te cogitationibus recrea, & interim epistolis nostris vacando: veniet aliquod tempus, quod nos iterum jungat ac misceat: quantum libet sit illud, longum faciet scientia utendi. Nam, ut Posidonius ait: unus dies hominum eruditorum plus patet, quàm imperiti longissima ætas. Interim hoc tene mordicus: adversis non succumbere, lætis non credere, omnem fortunæ licentiam in oculis habere: tanquam quicquid potest facere, factura sit. Quicquid expectatum est diu, levius accedit. Vale.

Ex Epistola 80.

Gloria umbra virtutis est.

GLoria, umbra virtutis est: etiam invitos comitabitur. Sed quemadmodum aliquando umbra antecedit, aliquando sequitur: ita gloria aliquando

quando ante nos est, visendamque se præbet, aliquando in averso est, majorque quo serior, ubi invidia secessit. Quàm diu videbatur furere Democritus? vix recepit Socratem fama. Quà diu Catonem civitas ignoravit? respuit: nec intellexit, nisi cum perdidit. Rutilii innocentia ac virtus lateret, nisi accepisset injuriam. Dum violatur, effulsit. Nunquid non forti suæ gratias egit, & exsilium suum complexus est? De his loquor, quos illustravit fortuna, dum vexat: quàm multorum profectus in notitiam evasere, post ipsos? quam multos fama non excepit, sed eruit?

Nulla virtus latet, & latuisse, non ipsius est damnum. Veniet qui condi- *Fuge,*
tam, & sæculi sui malignitate com- *tace,*
pressam, dies publicet. Paucis natus *quiesce.*
est, qui populum ætatis suæ cogitat. Multa annorum millia, multa populorum supervenient: ad illa respice: etiam si omnibus tecum viventibus silentium livor indixerit, venient qui sine offensa, sine gratia judicent. Nihil *De men-*
simulatio proficit: paucis imponit le- *dacio.*
viter extrinsecus inducta facies: veritas in omnem partem sui semper ea-
F dem

dem est. Quæ decipiunt, nihil habent solidi. Tenuè est mendacium; perlucet, si diligenter inspexeris.

Ex Epistola 81.

De exercendo in Philosophia ingenio.

COgito mecum, quàm multi corpora exerceant, quàm ingenia pauci; quantus ad spectaculum non fidele & lusorium fiat concursus, quanta sit circa artes bonas solitudo: quàm imbecilli animo sint, quorum laceratos humerosque miramur. Illud maxime revolve mecum: si corpus perducì exercitatione ad hanc patientiam potest, qua & pugnos pariter & calces non unius hominis ferat, quæ solem ardentissimum in ferventissimo pulvere sustinens aliquis, & sanguine suo madens, diem ducat: quanto faciliùs animus corroborari possit, ut fortunæ ictus invictus excipiat, ut projectus, ut conculcatus exurgat? Corpus enim multis eget rebus, ut valeat: animus ex se crescit, se ipse alit, se exercet. Illi multo cibo, multa potione opus est, multo oleo, longa denique opera: tibi continget virtus sine apparatu, sine impensa. Quicquid facere te potest bonum, tecum est. Quid tibi opus est
ut sis

*Bonum
hominis
est in
volun-
tate.*

ut sis bonus? velle. Quid autem melius potes velle, quàm eripere te huic servituti, quæ omnes premit, quàm mancipia quoque conditionis extremæ, & in his sordibus nata, omnimodo exuere conantur? Péculium suum, quod comparaverunt ventre fraudato, pro capite numerant.

Omnium istorum personata felicitas est, quos supra capita hominum, supraque turbam delicatos lectica suspendit. Contemnes illos, si detas *Felicitas potentum personata est.* spoliaveris. Equum empturus, solvi jubes stratum, detrahis vestimenta venalibus, nec qua vitia corporis lateant, hominem involutum æstimas? Mangones, quicquid est quod displiceat, aliquo lenocinio abscondunt. Itaque ementibus ornamenta ipsa suspecta sunt: sive crus alligatum, sive brachium aspiceres, nudari juberes, & ipsum tibi corpus ostendi. Vides illum Scythiæ Sarmatiæve regem, insigni capitis decorum? si vis illum æstimare, totumque scire qualis sit, fasciam solve; multum mali sub illa latet. Quid de aliis loquor? si perpendere te voles, sepone pecuniam, domum, dignitatem: intus teipse

confidera. Nunc qualis sis, aliis credis. Vale.

Ex Epistola. 82.

Bona caduca & pretio suo vilia.

Abstrahunt à recto divitiæ, honores, potentia, & cætera, quæ opinionone nostra chara sunt: pretio suo vilia. Nescimus æstimare res, de quibus non cum fama, sed cum rerum natura deliberandum est. Nihil habent ista magnificum, quo mentes in se nostras trahant, præter hoc, quod mirari illa consuevimus. Non enim quia concupiscenda sunt, laudantur, sed concupiscuntur, quia laudata sunt.

Ex Epistola. 83.

De morte, quòd licet speciem habeat mali, non tamen est malum, neque bonum.

OMnis res, quod non habuit decus, virtute addita sumit. Cubiculum lucidum dicimus: hoc idem obscurissimum est nocte: dies illi lucem infundit, nox eripit. Sic istis quæ à nobis indifferentia ac media dicuntur, divitiis, viribus, formæ, honoribus, regno: & contra, morti, exilio, malæ valetudini, doloribus, quæque alia aut minus, aut magis pertinuimus: aut malitia,

*Mors
neque
bonum
neque
malum
est.*

malitia, aut virtus dat boni, vel mali nomen. Massa per se nec calida, nec frigida est: in fornacem coniecta con-^{Alii,} caluit: in aquam remissa refrixit. Mors ^{extrema.} honesta est, per illud quod honestum est: id est virtus, & animus externa contemnens.

Ex Epistola 84.

De frugali conversatione sua. Et de ebrietate, primum aliorum, deinde suam ponens sententiam.

Non est animus in sua potestate, ebrietate devictus. Quemadmodum musto dolia ipsa rumpuntur, & omne quod in imo jacet, in summam partem vis caloris eiecit: sic vino exæstuante, quicquid in imo jacet abditum, effertur, & prodit in medium. Onerati mero, quemadmodum non continent cibum, vino redundante, ita ne secretum quidem: quod suum alienumque est, pariter effundunt. Interim si hoc colligere vis, virum bonum non debere ebrium fieri, cur syllogismis agis? dic quàm turpe sit, plus sibi ingerere quàm capiat, & stomachi ^{Ebrietas} sui non nosse mensuram: quàm multa ^{volun-} ebrii faciant, quibus sobrii erubescant: ^{taria} nihil aliud esse ebrietatem, quàm vo- ^{in sania} est.

*Quid
non de-
signat
ebrietas*

luntariam insaniam. Extende in plures dies illum ebrii habitum : nunquid de furore dubitabis? Refer Alexandri Macedonis exemplum, qui Clitum carissimum sibi ac fidelissimum inter epulas transfodit : & intellecto facinore, mori voluit. Omne vitium ebrietas & incendit, & detegit : obstantem malis conatibus verecundiam removet. Plures enim pudore peccandi, quàm bona voluntate, prohibitis abstinere. Ubi possedit animum nimia vis vini, quicquid malè latebat, emergit. Non facit ebrietas vitia, sed protrahit : tunc libidinosus ne cubiculum quidem expectat, sed cupiditatibus suis quantum petierint, sine dilatione permittit; tunc impudicus morbum profitetur ac publicat : tunc petulans non linguam, non manum continet. Crescit insolenti superbia, crudelitas sævo, malignitas livido : omne vitium detegitur & pròdit. Adjice illam ignorationem sui, dubia & parum explanata verba, incertos oculos, gradum errantem, vertiginem capitis, tecta ipsa mobilia, velut aliquo turbine circumagente totam domum : stomachi tormenta, cum effervescit merum, ac viscera ipsa distendit.

distendit. Tunc tamen utcunque tolerabile est , dum illi vis sua est : quid cum somno vitatur , & quæ ebrietas fuit , cruditas facta est ? Cogita quas clades ediderit publica ebrietas . Hæc acerrimas gentes , bellicosasque , hostibus tradidit : hæc multorum annorum pertinaci bello defensa mœnia patefecit : hæc contumacissimos , & jugum recusantes , in alienum egit arbitrium : hæc invictas acies mero domuit . Alexandrum , cujus modò feci mentionem , tot itinera , tot prælia , *Omne malum ex ebrietate.* tot hiemes , per quas , victa temporum locorumque difficultate , transierat , tot flumina ex ignoto cadentia , tot maria tutum dimiserunt : intemperantia bibendi , & ille Herculeus ac fatalis scyphus condidit . Quæ gloria est capere multum ? cum penes te palma fuerit , & propinationes tuas strati somno ac vomitantes recusaverint , cum superstes toti convivio fueris , cum omnes viceris virtute magnifica , & nemo tam vini capax fuerit : vinceris à dolio . Marcum Antonium , magnum virum & ingenii nobilis , quæ alia res perdidit , & in externos mores ac vitia non Romana trajecit , quàm ebrietas ?

Proba istas, quæ voluptates vocantur, ubi transcenderint modum, pœnas esse.

Ex Epistola 85.

De alternitate lectionis & stili.

ALit lectio ingenium: & studio fatigatum, non sine studio, tamen, reficit. Nec scribere tantum, nec tantum legere debemus: altera res contristabit, & vires exhauriet: de stilo dico: altera solvet ac diluet. Invicem hoc illo commutandum est, & alterum altero temperandum, ut quicquid lectione collectum est, stilus redigat in corpus. Apes (ut ajunt) debemus imitari, quæ vagantur, & flores ad mel faciendum idoneos carpunt: deinde quicquid attulere, disponunt, ac per favos digerunt: &, ut Virgil. noster ait,

— *liquentia mella*

Stipant, & dulci distendunt nectare cellas.

*Apum
diligen-
tia &
virtu-
tes.*

De illis non satis constat, utrum succum ex floribus ducant, qui protinus mel sit: an quæ collegerunt, in hunc saporem mixtura quadam, & proprietate spiritus sui mutant. Quibusdam enim placet, non faciendi mellis.

mellis scientiam esse illis, sed colligendi. Ajunt inveniri apud Indos mel in arundinum foliis, quod aut ros illius cæli, aut ipsius arundinis humor dulcis & pinguior gignat. In nostris quoque herbis vim eandem, sed minus manifestam & notabilem poni: quam persequatur & contrahat animal huic rei genitum. Quidam existimant, conditurâ & dispositione in hanc qualitatem verti, quæ ex tenerimis virentium florentiumque decerpserint: non sine quodam (ut ita dicam) fermento: quo in unum diversa coalescunt. Sed ne ad aliud, quàm de quo agitur, abducatur, nos quoque apes debemus imitari, & quæcunque ex diversa lectione conessimus, separare: melius enim distincta servantur. Assentiamur illis fideliter, & nostra faciamus, ut unum quiddam fiat ex multis: sicut unus numerus fit ex singulis, cum minores summas & dissidentes computatio una comprehendit. Hoc faciat animus noster.

*Apes
imitari
debe-
mus.*

Ex Epistola 86.

De affectibus animi , quos dicit sapientem temperare posse , non vitare.

*Sapiens
via re-
gia ince-
dit.*

*Vincere
vitia.*

ITa nulla fortuna , nulla res , actus sapientis excludit . Id enim ipsum agit , quo alia agere prohibetur . Ad utrosque casus aptus est : bonorum rector , & malorum victor . Sic sapiens virtutem , si licebit , in divitiis explicabit ; si minus , in paupertate : si poterit , in patria ; si minus in exilio : si poterit , imperator ; si minus , miles : si poterit , integer , si minus , debilis : quamcumque fortunam acceperit , aliquid ex illa memorabile efficiet . Certi sunt domitores ferarum , qui sævissima animalia , & ad occursum exterrentia hominem , docent pati jugum : nec asperitatem excussisse contenti , usque in contubernium mitigant . Leonibus magister manum insertat , osculatur Tigrim suus custos , elephantem minimus Æthiops jubet subsidere in genua , & ambulare per funem . Sic sapiens est artifex domandi mala . Dolor egestas , ignominia , carcer , exsilium , & ubicunque horrenda , cum ad hunc pervenere , mansueta sunt .

Ex

Ex Epistola 87.

*Exemplo Scipionis utens, notat balnearum
luxuriam.*

Magna ergo me voluptas subit,
contemplantes mores Scipionis
ac nostros. In hoc angulo ille Cartha- *De fru-*
ginis horror, cui Roma debet, quod *galitate*
tantum semel capta est, abluabat cor- *Scipio*
pus laboribus rusticis fessum: exerce- *nis.*
bat enim opere se, terramque (ut mos
fuit priscis) ipse subigebat. Sub hoc
ille tecto tam sordido stetit, hoc illum
pavimentum tam vile sustinuit. At
nunc quis est, qui sic lavari sustineat?
pauper sibi videtur ac sordidus, nisi pa-
rietes magnis & pretiosis orbibus re-
fulserunt; nisi Alexandrina marmora
Numidicis crustis distincta sint, nisi il-
lis undique operosa & in picturae mo-
dum variata circumlitio prætexitur;
nisi vitro conditur camera; nisi Tha- *Nimium*
sius lapis, quondam rarum in aliquo *sumptus*
spectaculum templo, piscinas nostras *damna-*
circumdedit; in quas multa sudatio- *tur.*
ne corpora exinanita demittimus; ni-
si aquam argentea epitomia fuderunt.
Et adhuc plebejas fistulas loquor:
quid cum ad balnea libertinorum

Ex Epistola 86.

De affectibus animi , quos dicit sapientem temperare posse , non vitare.

*Sapiens
via ree-
gia ince-
dit.*

*Vincere
vitia.*

ITa nulla fortuna , nulla res , actus sapientis excludit . Id enim ipsum agit , quo alia agere prohibetur . Ad utrosque casus aptus est : bonorum rector , & malorum victor . Sic sapiens virtutem , si licebit , in divitiis explicabit ; si minus , in paupertate : si poterit , in patria ; si minus in exilio : si poterit , imperator ; si minus , miles : si poterit , integer , si minus , debilis : quamcumque fortunam acceperit , aliquid ex illa memorabile efficiet . Certi sunt domitores ferarum , qui sævissima animalia , & ad occursum exterrentia hominem , docent pati jugum : nec asperitatem excussisse contenti , usque in contubernium mitigant . Leonibus magister manum insertat , osculatur Tigrim suus custos , elephantem minimus Æthiops jubet subsidere in genua , & ambulare per funem . Sic sapiens est artifex domandi mala . Dolor egestas , ignominia , carcer , exilium , & ubicunque horrenda , cum ad hunc pervenere , mansueta sunt .

Ex

Ex Epistola 87.

*Exemplo Scipionis utens, notat balnearum
luxuriam.*

Magna ergo me voluptas subit,
contemplantes mores Scipionis
ac nostros. In hoc angulo ille Cartha- *De fru-*
ginis horror, cui Roma debet, quod *galitate*
tantum semel capta est, abluebat cor- *Scipio*
pus laboribus rusticis fessum: exerce- *nis.*
bat enim opere se, terramque (ut mos
fuit priscis) ipse subigebat. Sub hoc
ille tecto tam sordido stetit, hoc illum
pavimentum tam vile sustinuit. At
nunc quis est, qui sic lavari sustineat?
pauper sibi videtur ac sordidus, nisi pa-
rietes magnis & pretiosis orbibus re-
fulserunt; nisi Alexandrina marmora
Numidicis crustis distincta sint, nisi il-
lis undique operosa & in picturae mo-
dum variata circumlitio prætexitur;
nisi vitro conditur camera; nisi Tha- *Nimius*
sius lapis, quondam rarum in aliquo *sumptus*
spectaculum templo, piscinas nostras *damna-*
circumdedit; in quas multa sudatio- *tur.*
ne corpora exinanita demittimus; ni-
si aquam argentea epitomia fuderunt.
Et adhuc plebejas fistulas loquor:
quid cum ad balnea libertinorum

pervenero? quantum statuarum, quantum columnarum est nihil sustinentium, sed in ornamentum positarum, impensæ causa? quantum aquarum, per gradus cum fragore labentium? Eò deliciarum pervenimus, ut nisi gemmas calcare nolimus.

Ex Epistola 88.

Ad frugalitatem hortatur, annectens disputationem de fortuitis.

DVrat adhuc perversa recti verecundia: quoties in aliquem comitatum lautiores incidimus, invitus erubescit: quod argumentum est, ista, quæ probo, quæ laudo, nondum habere certam sedem & immobilem. Qui sordido vehiculo erubescit, precioso gloriabitur. Parum adhuc profeci, nondum audeo frugalitatem palàm ferre, etiam nunc curo opiniones viatorum. Contra totius generis humani opiniones mittenda vox erat: insanitis, erratis, stupetis ad supervacua, neminem æstimatis suo. Nam hæc quoque jam expensa fertis. Latè possidet, sed multum debet: habet domum formosam, sed alienis nummis paratam: familiam nemo cito speciosiores producit, sed nominibus non respondet.

*Quem-
que de-
bemus
æstimare
suo.*

dēt. Si creditoribus solverit, nihil illi supererit. Idem in reliquis quoque facere debebatis, excuterē quantum proprii quisque habeat. Divitem illum putas, quia aurea supellex etiam in via eum sequitur, quia in omnibus provinciis arat, quia magnus Kalendarii liber volvitur, quia tantum suburbani agri possidet, quantum invidiosē in desertis Apuliæ possideret: & cum omnia dixeris, pauper est; quare? quia *Avarus* debet; quantum? inquis: omnia, nisi *verè* fortē iudices interesse, utrum aliquis *pauper* ab homine, an à fortuna mutuum sumpserit. Quid ad rem pertinent mulæ saginatae, unius omnes coloris? Quid ista vehicula cælata?

Instrati ostro alipedes, pictisque tapetis;

Aurea pectoribus demissa monilia pendent.

O quantum erat sæculi decus, imperatorem triumphalem, Censorium (& quod super omnia hæc est) Catonem, uno caballo esse contentum, & ne toto quidem! Partem enim sarcinæ, ab utroque latere dependentes, occupabant. Video non futurum finem in ista materia ullum, ni-

*Vna- si quem mihi ipse fecero. Bonum non
quaque in omnes cadit, nec quemlibet posses-
regio sua forem patitur. Vide,
dona ha- bet,*

*Et quid quaque ferat regio, & quid
quaque recuset.*

*Hic segetes, illic veniunt felicius uva:
Arborei foetus alibi, atque injussa vi-
rescunt*

*Gramina; nonne vides, croceos, ut Tmo-
lus odores,*

*India mittit ebur, molles sua tura Sa-
bai?*

At Chalybes nudi ferrum.

Ista in regiones descripta sunt, ut
necessarium mortalibus esset inter i-
psos commercium, si invicem alius ab
alio aliquid peteret.

Ex Epistola 29.

*De liberalibus artibus, ubi docet de singulis,
quod animum ad virtutem non perducunt,
sed tantum preparant.*

*Gram-
matica.*

Quidam illud de liberalibus stu-
diis quærendum judicaverunt, an
virum bonum facerent. Ne promit-
tunt quidem, nec hujus rei scientiam
affectant. Grammaticus circa curam
sermonis versatur, & si latius evagari
vult, circa historias. Iam ut longissi-
me fines suos proferat, circa carmina.

Quid.

Quid horum ad virtutem viam ster-
nit? Syllabarum enarratio, & verbo-
rum diligentia, & fabularum memo-
ria, & versuum lex ac modificatio?
Quid ex his metum demit, cupidita-
tem eximit, libidinem frænat? Ad
Geometriam transeamus, & ad Musi-
cam: nihil apud illas invenies, quod *Geome-
tria.*
vetet timere, vetet cupere: quæ quis-
quis ignorat, alia frustra scit. Quæ-
ris, Vlysses ubi erraverit, potius, quàm
efficias, ne nos semper erremus? Non
vacat audire, utrum inter Italiam &
Siciliam jactatus sit, an extra notum
nobis orbem: neque enim potuit in
tam angusto error esse tam longus.
Tempestates animi nos quotidie ja-
ctant, & nequitia in omnia Ulyssis ma-
la impellit; non deest forma quæ soli-
citet oculos, non hostis; hinc monstra
effera, & humano cruore gaudentia:
hinc insidiosa blandimenta aurium:
hinc naufragia & tot varietates malo-
rum. Hoc me doce, quomodo pa-
triam amem, quomodo uxorem, quo-
modo patrem, quomodo ad hæc tam
honestâ, vel naufragus navigem. Quid
inquiris, an Penelope impudica fue-
rit, an verba sæculo suo dederit, an
Vlysses

Vlyssēm illum esse quem videbat, antequam sciret, suspicata sit? Doce me, quid sit pudicitia, & quantum in ea bonum; in corpore, an in animo posita sit. Ad Musicum transeo: doces me,

Musica. quomodo inter se acutæ ac graves voces consonent, quomodo nervorum, disparem reddentium sonum, fiat concordia. Fac potius, quomodo animus secum meus consonet, nec consilia mea discrepent. Monstras mihi, qui sint modi flebiles; monstra potius, quomodo inter adversa non emittam flebilem vocem. Metiri me Geometres docet latifundia: potius doceat, quomodo metiar quantum homini

Arithmetica. sit satis. Numerare me docet Arithmetica, & avaritiæ commodare digitos: potius doceat, nihil ad rem pertinere istas computationes: non esse feliciorē; cujus patrimonium tabularios lassat: imò quàm supervacua possideat, qui infelicissimus futurus est, si quantum habeat, per se computare cogatur. Quid mihi prodest, scire agellum in partes dividere, si nescio cum fratre dividere? Quid prodest colligere subtiliter pedes jugeri, & comprehendere etiam si quid decem-
pedam.

pedam effugit, si tristem me facit vicinus potens, & aliquid ex meo abradens? Doces me, quomodo nihil perdam ex finibus meis? at ego discere volo, quomodo totos hilaris amittam. Paterno agro, inquit, & avito expellor. Quid? ante avum tuum quis istum agrum tenuit? Cujus (non dico hominis) sed populi fuerit, expedire potes? Non dominus istò, sed colonus intraſti. Cujus colonus es? Si bene tecum agitur, hæredis. Negant Iurisperiti quicquam ufucapi, quod publicum est: publicum est hoc quod tenes, & quidem generis humani. O egregiam artem! ſcis rotunda metiri; in quadratum redigis quamcunque acceperis formam: intervalla ſiderum dicis: nihil est quod in menſuram tuam non cadat. Si artifex es, metire hominis animum: dic quàm magnus ſit, dic quàm puſillus ſit. Scis quæ recta ſit linea; quid tibi prodeſt, ſi, quid in vita rectum ſit, ignoras? Venio nunc ad illum qui cæleſtium notitia gloriatur,

*Aſtro-
nomia.*

Frigida Saturni quo ſeſe ſtella receptet,

Quos ignis cali Cyllenius erret in orbēs.

Hoc

Hoc scire quid proderit ? ut sollicitus sim , cum Saturnus & Mars ex contrario stabunt, aut cum Mercurius vespertinum faciet occasum , vidente Saturno ? Potius hoc discam , ubicunque sunt ista , propitia esse , non posse mutari . Agit illa continuus ordo factorum , & inevitabilis cursus . Per statas vices remeant . Effectus rerum omnium aut movent , aut notant . Sed si ve quicquid evenit faciunt , quid immutabilis rei notitia proficiet ? si ve significant , quid refert providere , quod effugere non possis ? Scias ista , nescias , fient .

*Si verò solem ad rapidum stellasque
sequentes*

*Ordine respicias , nunquam te crastina
fallet*

Hora, nec insidiis noctis capiere serena.

Satis abundeque provisum est , ut ab insidiis tutus essem . Nunquid me crastina non fallit hora ? fallit enim , quod nescienti evenit . Ego , quid futurum sit , nescio : quid fieri possit , scio . Solæ autem liberales sunt , imò (ut dicam verius) liberæ , quibus curæ virtus est . Cum dicatis , inquit , sine liberalibus studiis ad virtutem non perveniri , quem-

quemadmodum negatis illa nihil conferre virtuti ? quia nec sine cibo ad virtutem pervenitur , cibus tamen ad virtutem non pertinet. Ligna nihil navis conferunt , quamvis non fiat navis sine lignis. Quid est autem, quare existimem , non futurum sapientem eum qui literas nescit : cum sapientia non sit in literis ? Res tradit , non verba, & nescio an certior memoria sit , quæ *Sapientia non est in literis.* nullum extra se subsidium habet. Tantum itaque ex illis retineamus, quantum est necessarium. An tu existimas reprehendendum, qui supervacua usu sibi comparat , & pretiosarum rerum pompam in domo explicat ? non putas eum , qui occupatus est in supervacua literarum supellectile ? plus scire velle, quam sit satis, intemperantiæ genus est. Quid , quod ista liberalium artium consecratio molestos, verbosos, intempestivos, sibi placentes facit , & ideò non discentes necessaria, quia supervacua didicerunt. Quid ergo nos sumus ? quid ista quæ nos circumstant, alunt, sustinent ? Tota rerum natura umbra est, aut inanis aut fallax.

Ex Epistola 90.

De gula & intemperantia.

AD vos deinde transeo, quorum profunda & insatiabilis gula, hinc maria scrutatur, hinc terras. Alia hamis, alia laqueis, alia retium variis generibus cum magno labore persequitur: nullis animalibus, nisi ex fastidio, pax est. Quantulum enim ex istis epulis, quæ per tot comparatis manus, fesso voluptatibus ore libatis? quantulum ex ista fera, periculosè capta, dominus crudus, ac nauseans gustat? quantulum ex tot conchyliis, tam longè advectis, per istum stomachum inexplibilem labitur? infelices etiam, quòd non intelligitis, vos majorem famem habere, quam ventrem. Hæc aliis dic: ut dum dicis, audias ipse. Scribe: ut dum scripseris, legas; omnia ad mores, & ad sedandam rabiem affectuum referens. Stude, non ut plus aliis scias, sed ut melius.

Ex

Ex Epistola 91.

De aureo primo sæculo, & hoc luxurioso. Contra Posidonium disputat, artes mechanicas à Philosophia minimè inventas; & quòd illius rudis sæculi homines non sapientes, sed sapientibus similes erant.

ILlo ergo sæculo, quod aureum perhibetur, penes sapientes fuisse regnum Posidonius judicat. Hi continebant manus, & infirmiores à validioribus tuebantur: Suadebant, dissuadebantque, & utilia atque inutilia monstrabant. Horum prudentia, nequid deesset suis, providebat; fortitudo arcebat pericula; beneficentia augebat ornabatque subjectos. Officium erat imperare, non regnum. Nemo quantum posset adversus eos experiebatur, per quos cœperat posse. Nec erat cuiquam aut animus in injuriam, aut causa: cum bene imperanti bene pareretur, nihilque rex majus minari male parentibus posset, quàm ut abiret e regno. Sed postquam surrepentibus vitiis, in tyrannidem regna versa sunt: opus esse cœpit legibus, quos & ipsas inter initia tulere sapientes. Quid ais? Philosophia docuit homines habere clavem & seram? & quid aliud erat, avaritiæ

*Officium
boni
principis.*

ritiæ signum dare? Philosophia hæc, cum tanto habitantium periculo, imminetia tecta suspendit? Parum enim erat fortuitis tegi, & sine arte & difficultate naturale sibi invenire aliquod receptaculum. Mihi crede, felix illud sæculum ante Architectonas fuit. Ista nata sunt, jam nascente luxuria; in quadratum tigna decidere, & ferro per designata corrente, certa manu trabem scindere.

Nā primi cuneis scindebant fissile lignū.

Non enim tecta cœnationi, epulum recepturæ parabantur: in hunc usum pinus aut abies deferabatur longo vehiculorum ordine, vicis intrementibus, ut ex illa lacunaria auro gravia penderent. Furcæ utrimque suspensæ fulciebant casam: spissatis ramalibus, ac fronde congesta, & in proclive disposita, decursus imbribus quamvis magnis erat. Sub his tectis habitavere securi. Culmus liberos texit: sub auro atque marmore servitus habitat.

Tunc laqueis captare feras, & fallere visco

Inventum, & magnos canibus circumdare saltus.

Omnia enim ista sagacitas hominum

num, non sapientia invenit. Quomodo, oro te, convenit, ut Diogenem^{Diogenes} mireris, & Dædalum? Uter ex his sapiens tibi videtur? qui ferram commentus est? an ille, qui cum vidisset^{& Dædalus} puerum cava manu bibentem aquam, fregit protinus exemptum è perula calicem, hac objurgatione sui: Quàm diu homo stultus supervacuas sarcinulas habui? qui se complicuit in dolio, & in eo cubitavit? Hodie utrum tandem sapientiore putas, qui invenit quemadmodum in immensam altitudinem crocum latentibus fistulis exprimat; an eum, qui & aliis & sibi hoc monstrat, quàm nihil nobis natura durum ac difficile imperaverit? Posse nos habitare sine marmorario fabro, posse nos vestitos esse sine commercio Serum, posse nos habere usibus nostris necessaria, si contenti fuerimus his, quæ terra posuit in summo? Quem si audire humanum genus voluerit, tam supervacuum sciet sibi coquum esse, quam militem. Illi sapientes fuerunt, aut certè sapientibus similes, quibus expedita erat tutela corporis. Simplici cura constant necessaria: in deliciis laboratur.^{Necessaria facile con-}

Non

Non desiderabis artifices, si sequere naturam: illa noluit esse districtos: ad quæcunque nos cogebat, instruxit. Frigus intolerabile est corpori nudo, Quid ergo? num quid non pelles ferarum, & aliorum animalium, à frigore satis abundeque defendere queunt? non corticibus arborum pleræque gentes tegunt corpora? non avium plumæ in usum vestis conferuntur? non fuit tam inimica natura, ut cum omnibus aliis animalibus facilem actum vitæ daret: homo solus non posset sine tot artibus vivere. Nihil horum ab illa nobis imperatum est, nihil ægre quærendum, ut possit vita produci. Ad parata nati sumus: nos omnia nobis difficilia faciliū fastidio fecimus. Tecta tegumenta que & fomenta corporum, & cibi, & quæ nunc ingens negotium facta sunt, obvia erant, & gratuita, & opera levi parabilia: modus enim omnium, prout postulabat necessitas, erat: nos ista pretiosa, nos mira, nos magnis multisque conquirenda artibus fecimus. Sufficit ad id natura, quod poscit. A natura luxuria descivit: quæ quotidie se ipsam incitat, & tot sæculis crescit, & ingenio adju-

Frugalitas antiquorum parum.

adjuvat vitia. Primò supervacua cœpit concupiscere, inde contraria, novissime corpori animum addixit, & illius deservire libidini jussit. Omnes istæ artes, quibus aut excitatur civitas, aut strepit, corporis negotium gerunt: cui omnia olim tanquam servo præstabantur, nunc tanquam domino parantur. Itaque hinc textorum, hinc fabricorum officinæ sunt, hinc odores coquentium, hinc molles corporis motus docentium, mollesque cantus & infractos. Recessit enim ille naturalis modus, desideria ope necessaria finiens: jam rusticitatis & miseriæ est, velle quantum sat est.

Luxuria studia.

Quid hominum illo genere felicius? In commune rerum natura fruebantur: sufficebat illa, ut parens, in tutelam omnium: hæc erat publicarum opum segura possessio. Quid ni ego illud locupletissimum mortalium genus dixerim, in quo pauperem invenire non posses? Irrupit in res optime positas avaritia: & dum seducere aliquid cupit, atque in suum vertere, omnia fecit aliena, & in augustum ex immenso redacta, paupertatem intulit, & multa concupiscendo, omnia amisit.

G

Illi,

*Luxu-
riam
super-
vacuis
laborat.*

Illi, quos aliquod nemus densum à sole protexerat, qui adversus sævitiam hiemis, aut imbris, vili receptaculo tuti sub fronde vivebant, placidas transigebant sine suspirio noctes. Sollicitudo nos in nostra purpura versat, & acerrimis excitat stimulis: mollem somnum illis dura tellus dabat. Non impendebant cælata laquearia; sed in aperto jacentes sydera superlabebantur, & insigne spectaculum noctium, mundus in præceps agebatur, silentio tantum opus ducens: tam interdum illis, quàm noctu, patebat prospectus hujus pulcherrimæ domus: libebat intueri signa, ex media cæli parte vergentia, rursus ex occulto alia surgentia. Quid ni juvaret vagari inter tam latè sparsa miracula? At vos ad omnem tectorum pavetis sonum, & inter picturas vestras si quid increpuit, fugitis attoniti. Non habebant domos, instar urbium. Spiritus ac liber inter aperta flatus, & levis umbra rupis aut arboris, & perlucidi fontes, riveque non opere, nec fistula, nec ullo coacto itinere obsolefacti, sed sponte currentes, & prata sine arte formosa, inter hæc agreste domicilium, rustica positum manu.

Sed

*Natura
in minimis
contenta.*

Sed quamvis egregia illis vita fuerit, & carens fraude, non fuere sapientes, quando hoc jam in opere maximo nomen est. Non tamen negaverim fuisse alti spiritus viros: neque enim dubium est, quin meliora mundus nondum effœtus ediderit. Quemadmodum autem omnibus indoles fortior fuit, & ad labores paratior: ita non erant ingenia omnibus consummata. Non enim dat natura virtutem.

Ignorantia rerum, innocentes erant: multum autem interest, utrum peccare aliquis nolit, an nesciat. Deerat illis justitia, deerat prudentia, deerat temperantia ac fortitudo. Omnibus his virtutibus habebat similia quædam rudis vita: Virtus non contingit animo, nisi instituto & edocto, & ad summum assidua exercitatione perducto. Ad hoc quidem, sed sine hoc nascimur: & in optimis quoque, antequam erudias, virtutis materia, non virtus est.

Ex Epistola 92.

Quomodo ad omne quod evenire potest, firmandus est animus : & quòd omnia mortalium mortalitate damnata sunt. Vbi non indignatione, sed equanimitate opus est contra factum.

*Fortuna
quomo-
do homi-
nem ex-
erceat.*

IN omnia præmittendus est animus : cogitandumque, non quicquid solet, sed quicquid potest fieri. Quid enim est, quod non fortuna cum voluit, & florentissimo detrahat ? quod non eò magis aggrediatur & quatiat, quò speciosius fulget ? quid illi arduum, quidve difficile est ? non una via semper, ne tota quidem incurrit. Modo nostras in nos manus advocat, modo suis contenta viribus, invenit pericula sine auctore. Nullum tempus exceptum est : in ipsis voluptatibus causæ doloris oriuntur. Bellum in media pace consurgit, & auxilia securitatis in metum transeunt : ex amico inimicus, hostis ex socio. In subitas tempestates, hybernisque majores, agitur æstiva tranquillitas. Sine hoste patimur hostilia : & cladis causas, si alia deficiunt, nimia sibi felicitas invenit. Inuadit temperatissimos morbus, validissimos phthisis, innocentissimos pœna,

poena, secretissimos tumultus. Eligit aliquid novi casus, per quod velut oblitis vires suas ingerat. Quicquid longaseries, multis laboribus, multa *Longo tempore orta cito* Deum indulgentia struxit, id una dies *finiuntur.* spargit ac dissipat. Esset aliquod imbecillitatis nostræ solatium, rerumque nostrarum, si tanta celeritate repararentur cuncta, quanta finiuntur: nunc incrementa lente exeunt, festinantur in damnum. Nihil publice, nihil privatim stabile est: tam hominum, quàm urbium fata voluntur. Inter placidissima terror existit, nihilque, extra tumultuantibus causis; mala, unde minime expectabantur, erumpunt.

Cogitanda ergo sunt omnia, & animus aduersus ea quæ possunt evenire, *Inter peritura vivimus.* firmandus. Enumerare omnes fatorum vias, longum est: hoc unum scio: omnia mortalium opera, mortalitate damnata sunt: inter peritura vivimus.

Sæpe majori fortunæ locum fecit injuria: multa ceciderunt, ut altius surgerent, & in majus. Timagenes felicitati urbis inimicus aiebat, Romæ sibi incendia ob hoc unum dolori ef-

se, quod sciret meliora resurrectura, quam arsisent. In hac quoque urbe verisimile est certaturos omnes esse, ut majora certioraque quàm amittere, restituantur.

*Alex-
andri
regis cu-
piditas.* Ad omnia patiēda pares sumus: nemo altero fragilior est, nemo in craftinum sui certior. Alexander Macedonum rex discere Geometriam infelix cœperat, sciturus quàm pusilla terra esset, ex qua minimum occupaverat. Ita dico infelix ob hoc, quod intelligere debebāt falsum se gerere cognomen: quis enim esse magnus in pusillo potest?

Ex Epistola 94.

De breviori vita non curandum, & quòd amplissimum vita spatium est, usque ad sapientiam vivere.

*Demor-
tis pra-
occupat-
ione.* **O**bjurgamus quotidie fatum: Quare ille in medio cursu raptus est? Quare ille non rapitur? Quare senectutem & sibi & aliis gravem extendit? Vtrum obsecro te, æquius judicas, te naturæ, an tibi parēre naturam? quid autem interest quàm cito exeas unde utique exeundum est? Non ut diu vivamus, curandum est, sed ut satis: nam ut diu vivas, fato opus est: ut satis, ani-
mo.

mo. Longa est vita, si plena est: impletur autem, cum animus sibi bonum suum reddidit, & ad se potestatem suam transtulit. Quid illum octoginta anni juvant, per inertiam exacti? Non vixit iste, sed in vita moratus est; nec serò mortuus, sed diu. Octoginta annis vixit. Interest, mortem ejus ex quo die numeres! At ille obiit viridis: sed officia boni civis, boni amici, boni filii executus est: in nulla parte cessavit. Licet ejus ætas imperfecta sit, vita perfecta est.

Obsecro te, mi Lucili, hoc agamus; ut quemadmodum preciosa rerum, sic vita nostra non pateat multum, sed multum pendat. Actum illam metiamur, non tempore. Laudemus itaque, *Bonitas* & in numero felicium reponamus *bonum* eum, cui quantulumcunque temporis *nostrum* contingit, bene collocatum est. *est.* Aetas inter externa est. Quamdiu sim, alienum est: quam diu verò vir bonus sim, meum est. Hoc à me exige, ne velut per tenebras ævum ignobile emettar: ut agam vitam, ut non prætervehar. Quæris quod sit amplissimum vitæ spatium? usque ad sapientiam vivere. Qui ad illam pervenit, attingit

G 4

non

non longissimum finem , sed maximum.

Mors per omnes it : qui occidit , consequitur occisum. Minimum est, de quo sollicitissime agitur . Quid autem ad rem pertinet quamdiu vives , quod evitare non possis ?

Ex Epistola 95 .

*Quod admonitio autoritate probata
multum prodest .*

Quid autem Philosophia ; nisi vitæ lex est ? Sed putemus non proficere leges : non ideò sequitur , ut ne monitiones quidem proficiant. Aut sic & consolationes nega proficere , dissuasionisque , & adhortationes , objurcationes , & laudationes . Omnia ista monitionum genera sunt : per ista ad perfectum animi statum pervenitur . Nulla res magis animis honesta induit , dubiosque & in pravum inclinabiles revocat ad rectum , quàm bonorum virorum conversatio . Paullatim enim descendit in pectora , & vim præceptorum obtinet , frequenter audiri , aspici frequenter . Occursus mehercule , ipse sapientium juvat : & est aliquid , quod ex magno viro vel tacente proficias . Nec tibi facilè dixerim , quem
admo-

admodum proſit, ſicut illud intelli-
gam, proſuiſſe. Minuta quædam, ut ait
Phædon, animalia, cum mordent, non
ſentiuntur: adeò tenuis illis & fallens
in periculum vis eſt: tumor indicat
morſum, & in ipſo tumore nullum
vulnus apparet. Idem tibi in converſa-
tione virorum ſapientium eveniet:
non deprehendes quemadmodum,
aut quando, tibi proſit: proſuiſſe de-
prehendes. Quorſum, inquit, hoc per-
tinet? Æquè præcepta bona, ſi ſæpe
tecum ſint, proſutura, quàm bona
exempla. Pythagoras ait, alium ani-
mum fieri intrantibus templum, deo-
rumque ſimulachra ex vicino cernen-
tibus, & alicujus oraculi opperienti-
bus vocem. Quis autem negaverit, fe-
riri quibuſdam præceptis efficaciter e-
tiam imperitiſſimos? velut his brevif-
ſimis vocibus, ſed multum habentibus
ponderis:

*Præce-
pta & e-
xempla
proſunt.*

— *Nihil nimis.*

Avarus animus nullo ſatiatur lucro.

Ab alio expectes, alteri quod feceris.

Hæc cum iſtu quodam audimus,
nec ulli licet dubitare, aut interroga-
re, Quare? adeo etiam ſine ratione

*Admo-
nitio u-
tilissima
est.*

ipsa veritas ducit. Si reverentia frænat animos, aut vitia compescit: cur non admonitio idem possit? Si imponit pudorem castigatio: cur admonitio non faciat; etiamsi nudis præceptis utitur? Illa verò efficacior est, & altius penetrat, quæ adjuvat ratione, quod præcipit, quæ adjicit, quare quidque faciendum sit, & quis facientem obedientemque præceptis fructus expectet. Si imperio, & admonitione proficitur: atqui proficitur imperio: ergo & admonitione. Marcus Agrippa, vir ingentis animi, qui solus ex his quos civilia bella claros potentesque fecerunt, felix in publicum fuit, dicere solebat; multum se huic debere sententiæ: Nam concordia parvæ res crescunt, discordia maximæ dilabuntur. Hac se aiebat, & fratrem, & amicum optimum factum. Pars virtutis disciplina constat, pars exercitatione: & discas oportet, & quod didicisti, agendo confirmes. Philosophia, inquit, dividitur in hæc, scientiam, & habitum animi. Nam illam qui didicit, & facienda ac vitanda percepit: nondum sapiens est, nisi in ea quæ didicit, animus ejus transfiguratus est. Tertia pars, ista

*Duplex
est Phi-
losophia.*

ista præcipiendi , ex utroque est, & ex decretis, & ex habitu. Nulli nos vitio natura conciliat : illa nos liberos ac integros genuit . Nihil quidem quod avaritiam nostram irritaret , posuit in aperto : pedibus aurum & argentum subjecit : calcandumque ac premendum dedit, quicquid est, propter quod calcamur ac premimur. Illa vultus nostros erexit in cælum, & quicquid magnificum mirumque fecerat, videri à suspicientibus voluit . Hæc supra nos natura disponit: aurum quidem & argentum , & propter ista nunquam pacem agens ferrum , quasi male nobis committerentur, abscondit. Nos in lucem, propter quæ pugnaremus, extulimus : nos & causas periculorum nostrorum, & instrumenta, disiecto terrarum pondere, eruimus: nos fortunæ mala nostra tradidimus , nec erubescimus summa apud nos haberi, quæ fuerant ima terrarum. Vis scire, quàm falsus oculos tuos decipit fulgor ? nihil est istis , quàm diu merse & involuta cæno suo jacent, fœdius , nihil obscurius. Quid ni ? quando per longissimorum cuniculorum tenebras extrahuntur : nihil est illis dum fiunt , & à

*Natura
ea quæ
nocent
abscondit.*

fæce sua separantur, informius. Denique ipsos opifices intueri, per quorum manus sterile terræ genus & informe perpurgatur; videbis quanta fuligine oblinantur. Atqui ista magis inquinant animos, quàm corpora: & in possessore eorum, quàm in artifice, plus est sordium. Si vis exerceret tibi utile, nulli autem grave imperium, submove vitia. Multi inveniuntur, qui ignem inferant urbibus, qui inexpugnabilia sæculis, & per aliquot ætates tuta prosternant, qui æquum arcibus aggerem attollant, & muros in miram altitudinem adductos arietibus ac machinis quassent: multi sunt, qui ante se agant agmina, & tergis hostium graves insistent, & ad mare magnum perfusi cæde gentium veniant: sed hi quoque, ut vincerent hostem, cupiditate victi sunt. Nemo illis venientibus restitit, sed nec ipsi ambitioni, crudelitati que restiterant: tunc cum alios agere visi sunt, agebantur. Agebat infelicem Alexandrum furor aliena devastandi, & ad ignota mittebat. Nec Cn. quidem Pompeio externa bella aut domestica virtus aut ratio suadebat: sed insanus amor magnitudinis falsæ, modo

*Imperi-
um no-
strum u-
tile.*

*Gloria
& am-
bitio ad
omnia
cogunt.*

modo in Hispaniam & Sertoriana arma, modo ad colligendos piratas, ac maria pacanda vadebat. Hæ prætexebantur causæ, ad continuandam potentiam. Quid C. Cæsarem in sua fata, pariter ac publica immisit? gloria & ambitio, & nullus supra ceteros emnendi modus. Quid, tu C. Marium semel consulem (unum enim consulatum accepit, ceteros rapuit) cum Theutonicos Cimbrosque concideret, cum Iugurtham per Africæ deserta sequeretur, tot pericula putas appetisse, virtutis instinctu? Marius exercitum, Marium ducebat ambitio. Ideoque cum multis fuerunt mali, pestiferam illam vim, qua plerisque nocuerunt, ipsi quoque sentiunt. Non est quod credas, quemquam fieri aliena infelicitate felicem. Omnia ista exempla, quæ oculis atque auribus nostris ingeruntur, retexenda sunt, & plenum malis sermonibus pectus exhauriendum. Hæc est enim sapientia, in naturam converti, & eò restitui, unde *Nemo* publicus error expulerit. Magna pars *lautus* sanitatis est, hortatores insanix reli- *sibi ne-* quisse, & ex isto cœtu invicem noxio *que lu-* procul abiisse. Hoc ut esse verum scias, *xurio-* *sus.*

aspice, quanto aliter unusquisque populo vivat, aliter sibi. Non est per se magistra solitudo innocentie, nec frugalitatem docent rura: sed ubi testis ac spectator abcessit, vitia subsidunt, quorum monstrari & conspici fructus est. Quis eam, quam nulli ostenderet, induit purpuram? quis posuit secretam in auro dapem? quis sub alicujus rusticæ arboris projectus umbra, luxuriæ suæ pompam solus explicuit? Nemo oculis suis lautus est, ne paucorum quidem & familiarium, sed apparatus vitiorum suorum pro modo turbæ spectantis expandit. Itaque irritamentum est omnium, in quæ insanimus, admirator & conscius. Ne concupiscamus efficies, si ne ostendamus effeceris. Ambitio, & luxuria, & impotentia, scenam desiderant: sanabis ista, si absconderis. Itaque si in medio urbium fremitu collocati sumus, stet ad latus monitor, & contra laudatores ingentium patrimoniorum laudet parvo divitem, & usu opes metientem. Contra illos, qui gratiam ac potentiam attollunt, otium ipse suspiciat traditum literis, & animum ab externis ad sua reversionem.

Ex

Ex Epistola 96.

*De differentiis inter decreta & præcepta : De
morum item corruptela & perversitate.*

ANtiqua, inquit, sapientia nihil aliud, quàm facienda & vitanda præcepit: & tunc longè meliores erant viri: postquam docti prodierunt, *Varia est doctrina, quia varia peccata.* boni desunt. Simplex enim illa & aperta virtus in obscuram & solertem scientiam versa est, docemurque disputare, non vivere. Fuit sine dubio, ut dicitis, vetus illa sapientia, cum maxime nascens, rudis: non minùs quam ceteræ artes, quarum in processu subtilitas crevit. Sed ne opus quidem adhuc erat remediis diligentibus. Nondum in tantum nequitia surrexerat, nec tam late se sparserat: poterāt vitiis simplicibus obstare remedia simplicia. Nunc necesse est tanto operosiora esse munimenta, quanto valentiora sunt, quibus petimur. Medicina quondam paucarum fuit scientia herbarum, quibus sisteretur fluens sanguis, vulnera coirent paullatim: deinde in hanc *Morbi ex superfluitatibus descendunt.* pervenit tam multiplicem varietatem. Nec est mirum, tunc illam minus negotii habuisse, firmis adhuc, solidif-

que corporibus , & facili cibo , nec per artem voluptatemque corrupto . Qui postquam cœpit , non ad tollendam , sed ad irritandam famem quæri , & inventæ sunt mille condituræ , quibus aviditas excitaretur : quæ desiderantibus alimenta erant , onera sunt plenis. Inde pallor , & nervorum vino mactentium tremor , & miserabilior ex cruditatibus , quàm ex fame maciēs : inde incerti labantium pedes , & semper qualis in ipsa ebrietate titubatio : inde in totam cutem humor admisus , distentusque venter , dum malè assuescit plus capere , quàm poterat : inde suffusio luridæ bilis , & decolor vultus , tabesque in se putrescentium , & retorti digiti articulis obrigescentibus , nervorum sine sensu jacentium torpor , aut palpitatio sine intermissione vibrantium . Quid capitis vertigines dicam ? quid oculorum auriumque tormenta , & cerebri æstuantis verminationes , & omnia per quæ exonemur , internis ulceribus affecta ? Innumerable præterea febrium genera , aliarum impetu sævientium , aliarum tenui peste repentium , aliarum cum horrore & multa membrorum quasi

satione.

satione venientium? Quid alios refe- *Morbi*
 ram innumerabiles morbos, supplicia *suppli-*
 luxuriæ? Immunes erant ab istis malis. *cia lu-*
 qui nondum se deliciis solverant, qui *xuria*
 sibi imperabant, sibi ministrabant. *sunt.*
 Corpora opere ac vero labore dura-
 bant, aut cursu defatigati, aut venatu,
 aut tellurè versata: excipiebat illos
 cibus, qui nisi esurientibus placere non
 poterat. Itaque nihil opus erat tam
 magna medicorum supellectile, nec
 tot ferramentis, atque pyxidibus. Sim-
 plex erat ex simplici causa valetudo:
 multos morbos multa fercula fece-
 runt. Vide quantum rerum per unam
 gulam transitarum permisceat luxu-
 ria, terrarum marisque vastatrix! In-
 numerabiles esse morbos miraris?
 Coquos numera. Cessat omne studi-
 um: & liberalia professi, sine ulla fre-
 quentia, desertis angulis præsident. In *Morbi*
 Rhetorum ac Philosophorum scholis *innume-*
 solitudo est: at quàm celebres culinæ *rabiles*
 sunt, quanta circa nepotum focos ju- *unde*
 ventus premit? Transeo puerorum *descen-*
 infelicium greges: quos post transa- *dant.*
 cta convivias, aliæ cubiculi contumeliæ
 expectant. Transeo agmina exoletor-
 um, per nationes coloresque descri-
 pta,

pta, ut eadem omnibus levitas sit, eadem primæ mensura lanuginis, eadem species capillorum, ne quis, cui rectior est coma, crispulis misceatur. Transeo pistorum turbam, transeo ministratorum, per quos signo dato ad inferendam cœnam discurritur. Dii boni, quantum hominum unus venter exercet? Quàm fœdi atque pestilentes ructus sunt? quantum fastidium sui exhalantibus crapulam veterem. Scias putrescere sumpta, non concoqui. Sic ex istis non singulares morbi nascuntur, sed inexplicabiles, diversi, multiformes: adversus quos & medicina armare se cœpit multis generibus, multis observationibus. Idem de Philosophia dico. Fuit aliquando simplicior inter minora peccantes, & levi quoque cura medicabiles: adversus tantam morum everisionem, omnia conanda. Et utinam sic denique lues ista vinceretur! non privatim solum, sed publicè furimus. Homicidia compescimus, & singulas cædes: quid bella, & occisarum gentium gloriosum scelus? non avaritia, non crudelitas modum novit: & ista quamdiu furtim, & à singulis fiunt, minus noxia,

minus-

*Vitia
occulta
minus
noxia.*

minusque monstrosa sunt: ex Senatusconsultis, plebisque scitis scelera exercentur, & publicè jubentur, vetita privatim. Quæ clam commissa capite luerent, eadem quia paludati fecêre laudamus. Non pudet homines mitissimum genus, gaudere sanguine alterno, bella gerere, gerendaque liberis tradere: cum inter se etiam mutis ac feris pax sit? Adversus tam potentem explicitumque latè furorem operosior Philosophia facta est, & tantum sibi virium sumpsit, quantum his, adversus quæ parabatur, accesserat. Non erat animus ad frugalitatem magna vi reducendus, à quo paululum discesserat:

Nunc manibus rapidis opus est, nunc arte magistra.

Voluptas ex omni quæritur. Nullum intra se manet vitium. In avariciam præceps luxuria est: honestatis oblivio invasit: nihil turpe est, cujus placet pretium. Homo, sacra res; homo iam per lulum & jocum occiditur. In hac ergo morum perversitate, desideratur solito vehementius aliquid, quod mala inveterata discutiat. Discant quid malum, quid bonum sit. Sciant omnia præter virtutem mutare nomen.

Ex

*Nullum
vitium
solum
manet.*

Assentiendum esse fatorum decretis.

*Parati
ad om-
nia esse
debe-
mus.*

SIquid mihi credis, intimos affectus meos tibi cum maximè detego: in omnibus quæ adversa videntur & dura, sic formatus sum. Nihil unquam mihi incidet, quod tristis incipiam, quod malo vultu: nullum tributum invitus conferam. Omnia autem ad quæ gemimus, quæ expavescimus, tributa vitæ sunt. Horum, mi Lucili, nec speraveris immunitatem, nec petieris. Vesicæ te dolor inquietavit: epulæ fuerunt parum dulces: detrimenta continua: propius accedam; de capite timuisti. Quid tu, nesciebas hæc te optare, cum optares senectutem? Omnia ista in longa vita sunt, quomodo in longa via & pulvis, & lutum, & pluvia. Sed volebam, inquis, vivere, carere tamen incommodis omnibus. Tam effeminata vox virum dedecet. Neque Dii, neque Deæ faciant, ut te fortuna in deliciis habeat. Ipse te interroga, si quis potestatem tibi Deus faciat, utrum velis vivere in macello, an in castris. Atqui vivere, mi Lucili, militare est. Itaque hi, qui iactantur, & per opera atque ardua sursum atque deorsum

sum eunt, & expeditiones periculosissimas obeunt, fortes viri sunt, primoresque castrorum: isti quos publica quies, aliis laborantibus, molliter habet, Turtillæ sunt, tuti contumeliæ caussa. *Alii, turtilla,*

Ex Epistola 89.

Vitia hominum esse, non temporum.

ERras, mi Lucili, si existimas nostri sæculi esse vitium, luxuriam & negligentiam boni moris, & alia quæ obicit suis quisque temporibus. Hominum sunt ista, non temporum: nulla ætas vacavit à culpa. Et si æstimare licentiam cujusque sæculi incipias: pudet dicere nunquam apertius, quàm coram Catone, peccatum est. &c. Ad deteriora faciles sumus: quia nec dux potest, nec comes deesse: & res etiam ipsa sine duce, sine comite procedit: non pronum iter est tantum ad vitia, sed præceps. Et, quod plerosque inemendabiles facit, omnium aliarum artium peccata artificibus pudori sunt, offenduntque decerrantem: vitæ peccata delectant. Non gaudet navigio gubernator everso, non gaudet ægro medicus elato, non gaudet orator, si patroni culpa reus cecidit: at contra: omnibus

*Exul-
tant in
rebus
pessimis.*

*Vermis
eorum
non mo-
viatur.*

*Conscien-
tia mille
testes.*

omnibus crimen suū voluptati est. Lætatur ille adulterio, in quod irritatus est ipsa difficultate: lætatur ille circum-
scriptione furtoque. Alioqui ut scias, subesse animis, etiam in pessima abdu-
ctis, boni sensum, nec ignorari turpe, sed negligi; omnes peccata dissimu-
lant, & quanvis feliciter cefferint, fru-
ctu illorū utuntur, ipsa subducunt. At bona conscientia prodire vult, & con-
spici: ipsas nequitia tenebras timet. E-
leganter itaque ab Epicuro dictū puto,
Potest nocenti contingere ut lateat,
latendi fides non potest. Ita est: tuta
scelera esse possūt: secūra non possunt.
Nec ullum scelus, licet illud fortuna
exornet muneribus suis, licet tueatur
ac vindicet, impunitum est: quoniam
sceleris, in scelere, supplicium est. Sed
nihilominus & hæc, & illa, secūdaæ pœ-
næ premūt, ac sequuntur: timere sem-
per & expavescere, & securitati diffide-
re. Hic consentiamus, mala facinora
conscientia flagellari, & plurimum illi
tormentorū esse, cō quod perpetua il-
lam sollicitudo urget ac verberat. Mul-
tos fortuna liberat pœna, metu nemi-
nem. Quare? quia infixā nobis ejus rei
aversatio est, quam natura damnavit.

Ex

Ex Epistola 99.

Quomodo adversus fortune duritiam componendus est animus.

ERrant, mi Lucili, qui aut boni aliquid nobis, aut mali judicant tribuere fortunam: materiam dat bonorum ac malorum & initia rerum apud nos in malum, bonumve exiturarum. Valentior enim omni fortuna animus *In animo divitiæ & paupertas.* est: in utramque partem ipse res suas ducit, beatæque ac miseræ vitæ sibi causa est. Malus omnia in malum vertit, etiam quæ cum specie optimi venerant: rectus atque integer, corrigit prava fortunæ; & dura atque aspera, ferendi scientia mollit: idemque & secunda gratè excipit, modesteque, & adversa constanter atque fortiter. Qui licet prudens sit, licet exacto faciat cuncta iudicio, licet nihil supra vires suas tentet: non contingit illi bonum integrum illud, & extra minas fortunæ positum, nisi certus adversus incerta est.

Calamitosus est animus futuri anxius, & ante miseras miser, qui sollicitus est, ut ea quibus delectatur, ad extremum usque permaneant. Potest fortunam cavere, qui potest ferre: *Voluptas nulla diuturna est.* certè

*Æquo
animo
omnia
toleran-
da.*

certè in tranquillo non tumultuatur. Nil est nec miserius nec stultius, quam prætimere. Intemperantia fingit sibi perpetuam felicitatem, fingit sibi crescere debere quæcunque contigerunt, non tantum durare : & oblitus hujus petauri, quo humana jactantur, sibi uni fortuitorum constantiam spondet. Egregie itaque videtur mihi Metrodorus dixisse in ea epistola, qua sororem, amisso optimæ indolis filio, alloquitur : Mortale est omnium mortalium bonum : de his loquitur bonis ad quæ concurritur. Nam illud verum bonum non moritur : certum est sempiternumque, sapientia & virtus : hoc unum contingit immortale mortalibus. Nihil firmum infirmo, nihil fragili æternum & invictum est. Tam necesse est perire quàm perdere : & hoc ipsum, si intelligimus, solatium est, æquo animo perdere, quod perituum est. Rem nobis eripit casus, usum fructumq; apud nos relinquit. Dic tibi, Ex istis quæ terribilia videntur, nihil est invictum. Singula vicere jam multi : ignem Mucius, crucem Regulus, venenum Socrates, exilium Rutilius, mortem ferro adactam Cato : & nos vincamus

vincamus aliquid. Rursus ista, quæ ut ^{Tormenta omnia} speciosa & felicia trahunt vulgum, à ^{vincere} multis & sæpe contempta sunt. Nos ^{possu-} quoque aliquid ipsi faciamus animo-
 se: simus inter exempla. Quare defici-
 mus? quare desperamus? quicquid
 fieri potuit, potest. Nos modò pur-
 gemus animum, sequamurque natu-
 ram, à qua aberranti cupiendum ti-
 mendumque est, & fortuitis servien-
 dum. Licet reverti in viam, licet in in-
 tegrum restitui. Restituamur, ut possi-
 mus dolores, & quocunque modo cor-
 pus invaserint perferre, & fortunæ di-
 cere: Cum viro tibi negotium est.

Ex Epistola 100.

*Consolatio amici de filii morte, & quòd luctus
 non voluptate, sed ratione sanandus est.*

Respice celeritatem rapidissimi ^{In morte} temporis: cogita brevitatem hu-
 jus spatii, per quod citatissimi curri-
 mus: observa hunc comitatum gene-
 ris humani, eodem tendentis, minimis
 intervallis distinctum, etiam ubi ma-
 xima videntur: quem putas periisse,
 præmissus est. Quid autem dementius,
 quàm cum idem tibi iter emetiendum
 sit, flere eum, qui antecessit? Quisquis
 aliquem queritur mortuum esse, que-

H . . . ritur

*Breve
est tem-
pus no-
strum.*

ritur hominem fuisse. Omnes eadem conditio devinxit : cui nasci contigit, mori restat. Intervallis distinguimur, exitu æquamur. lactantur cuncta, & in contrarium transeunt, jubente fortuna : & in tanta volutatione rerum humanarum, nil cuiquam, nisi mors, certum. Tamen de eo queruntur omnes, in quo uno nemo decipitur. Sed puer decessit. Nondum dico melius agi cum eo qui vita defungitur : ad eum transeamus qui consenuit : quantulo vincit infantem ? Propone profundi temporis vastitatem, & universum complectere : deinde hoc quod ætatem vocamus humanam, compara immenso : videbis quàm exiguum sit, quod optamus, quod extendimus. Ex hoc quantum lachrymæ, quantum sollicitudines occupant, quantum mors, antequam veniat, optata : quantum valetudo, quantum timor, quantum teneri aut rudes aut inutiles anni ? Dimidium ex hoc edormitur. Adjice labores, luctus, pericula : & intelliges, etiam in longissima vita minimum esse quod vivitur.

Vita, nec bonum nec malum est : boni ac mali locus est. Ita nihil perdit

dit ille , nisi aleam in damnum certi-
 orem . Potuit evadere modestus ac *Plures*
 prudens , potuit sub cura tua in melio- *mali &*
 ra formari : sed (quod justius timetur) *impia*
 potuit fieri pluribus similis . Aspice il- *quanta*
 los juvenes , quos ex nobilissimis do- *boni re-*
 mibus in arenam luxuria projecit : a- *periuntur.*
 spice illos , qui suā alienamque libidi-
 nem exercent , mutuò impudici ; quo-
 rum nullus sine ebrietate , nullus sine
 aliquo insigni flagitio dies exit : plus
 timeri quàm sperari potuisse , mani-
 festum erit . Non debes itaque causas
 doloris accersere , nec levia incommo-
 da indignando cumulare . Quid ? nunc
 ego duritiam suadeo , & in funere ipso
 erigere vultum volo , & animum ne
 contrahi quidem patior ? Minime : in-
 humanitas est ista , non virtus . Plus o-
 stentatio doloris exigit , quàm dolor .
 Quotusquisque sibi tristis est ? Clarius , *Dolor in*
 cum audiuntur , gemunt : & taciti quie- *aliqui-*
 tique dum secretum est ; cum aliquos *bus si-*
 viderint , in fletus novos excitantur . *Et nunc est.*
 Tum capiti suo manus ingerunt , quod
 potuerant facere nullo prohibente , li-
 berius : tunc mortem comprecantur
 sibi , tunc lectulo devolvuntur . Sine
 spectatore cessat dolor .

Omnia itaque ad rationem revocanda sunt. Stultius verò nihil est, quàm famam captare tristitiæ, & lacrimas approbare: quas judico sapienti viro alias permissas cadere, alias vi suas. Imprudentium ut gaudia, sic dolores exundavere. Æquo animo excipe necessaria. Illud quoque dicamus ei, qui deflet, ac desiderat in ætate prima raptum: Omnes quantum ad brevitatem ævi, si universo compares, & juvenes & senes in æquo sumus. Minus enim ad nos ex omni ætate venit, quàm quòd minimum esse quis dixerit: quoniam quidem minimum aliqua pars est.

Ex Epistola 101.

Oratio Philosophi magis debet esse simplex & plana, quàm composita, vel sollicita.

O Ratio sollicita Philosophum non decet. Ubi tandem erit fortis & constans, ubi periculum sui faciet, qui timet verba? Fabianus non erat negligens in oratione, sed securus: itaque nihil invenies sordidum. Electa verba sunt, non captata: nec hujus seculi more contra naturam suam posita & inverfa; splendida tamen, quamvis sumantur è medio: sensus honestos & magni-

magnificos habent, non coactos in sententiam, sed altius ductos.

Ex Epistola 102.

De inopinato fati termino ; ubi notat eos qui longiorem vitam supplicio vel turpitudine paciscuntur.

OMnis dies, omnis hora, quàm nihil simus ostendit, & aliquo argumento recenti admonet fragilitatis oblitos, cum æterna meditantes respicere cogit ad mortem.

Inferre nunc Melibœæ puros, pone ordine vites.

Quàm stultum est ætatem disponere? ne crastino quidem dominamur. O quanta dementia est, spes longas inchoantium? Emam, ædificabo, credam, exigam, honores geram, tum demum lassam & plenam senectutem in otium referam. Omnia, mihi crede, etiam felicibus dubia sunt. Nihil sibi quisquam de futuro debet promittere: id quoque quod tenetur, per manus exit, & ipsam quam premimus horam, casus incidit. Volvitur tempus, *Spes vitæ fallax.* rata quidem lege, sed per obscurum: quid autem ad me, an naturæ certum sit, quod mihi incertum est? Navigationes longas, & pererratis littoribus

alienis, feros in patriam reditus proponimus; militiam, & castrensiū laborum tarda manupretia; procurationes, officiorumque per officia processus: cum interim ad latus mors est: quæ quoniam nunquam cogitatur, nisi aliena; nobis subinde ingeruntur mortalitatis exempla, non diutius, quàm dum miramur, hæsurā. Quid autem est stultius, quàm mirari id ullo die factum, quod omni potest fieri? Stat quidem terminus nobis, ubi illum inexorabilis fatorum necessitas fixit: sed nemo scit nostrū, quàm prope verse-

Quotidie mori debemus. tur. Sic itaque formemus animum, tanquam ad extrema ventum sit: nihil differamus: qui quotidie vitæ suæ summam manum imposuit, non indiget tempore. Ideo, mi Lucili, propera vivere: & singulos dies, singulas vitas puta. In spe viventibus, proximum quodque tempus elabitur: subitque aviditas, & miserrimum atque miserrima omnia efficiens, metus mortis.

*Debilem facito manu,
Debilem pede, coxa:
Tuber adstrue gibberum,
Lubricos quate dentes.*

Vita

Vita dum superest, bene est.

Vsq̃ue adeone mori miserum est?

Optat ultima malorum: & quæ pati gravissimum est, extendi ac sustineri cepit: qua mercede? scilicet longioris vitæ. Quid autem hujus vivere est? *Vivere* diu mori. Invenitur aliquis qui malit *est diu* inter supplicia tabescere, & perire *mori.* membratim, & toties per stillicidia amittere animam, quàm semel exhalare? Nega nunc magnum beneficium esse naturæ, quòd necesse est mori. Multi pejora pacisci adhuc parati sunt. etiam amicum prodere, ut diutius vivant; & liberos ad stuprum manu sua tradere, ut contingat lucem videre, tot consciam scelerum. Excutienda vitæ cupido est: dicendumque nihil interesse quando patiaris, quod quandoque patiendum est: quàm bene vivas: referre, non quàm diu: sæpè autem in hoc esse bene, diu.

Ex Epistola 103.

De morte contemnenda.

Alia origo nos expectat, alius rerum status. Proinde intrepidus horam illam decretoriam prospice: Quicquid circa te jacet rerum, tanquam hospitalis loci sarcinas specta: trans-

transeundum est : Excudit redeuntem natura sicut intrantem. Non licet plus efferre , quàm intuleris : Detrahetur tibi hæc circumjecta , novissimum velamentum tui , cutis : detrahetur cæto & suffusus sanguis , discurrensque per totum : detrahentur ossa nervique , firmamenta fluidorum ac labentium. Dies iste , quem tanquam extremum reformidas , æterni natalis est. Gemis , ploras : & hoc ipsum flere , nascens est. Quid contristaris ? ita solet fieri. Pereunt semper velamenta nascentium. Quid ista sic diligis , quasi tua ? istis opertus es . Veniet qui te revelet dies , & ex contubernio foedi atque solidi ventris educat. Alienus jam hinc , altius aliquid sublimiusque meditare. Aliquando naturæ tibi arcana reteguntur , discutietur ista caligo , & lux undique clara percutiet . Imaginare tecum , quantus ille fulgor , tot sideribus inter se lumen miscentibus. Nulla serenum umbra turbabit , æqualiter splendeat omne cæli latus . Dies & nox æris infimi vices sunt. Tunc in tenebris vixisse te dices , cum totam lucem , & totus aspexeris , quàm nunc per angustissimas oculorum vias obscure intueris ,

De gloria post mortem.

intueris, & tamen admiraris illam procul. Quid tibi videbitur divina lux, cum illam suo loco videris? Hæc cogitatio nihil sordidum animo subsidere finit, nihil humile, nihil crudele. Deos omnium rerum esse testes ait. Illis nos approbari, illis in futurum parari jubet, & æternitatem proponere: quàm qui mente concipit, nullos horret exercitus, non terretur tuba, nullis ad timorem minis agitur. Quid ni non timeat, qui mori sperat. Cogita quantum nobis exempla bona prosint. Scies magnorum virorum non minus memoriam esse utilem, quàm præsentiam.

Ex Epistola 104.

De pernicie insidiarum, quæ sunt ex homine, & de hominis officio; & quemodophilosophia utendum.

AB homine homini quotidianum periculum. Adversus hoc te expedi, hoc intentis oculis intueri. Nul-
lum enim malum frequentius, nullum
pertinacius, nullum blandius. Tem-
pestatas minatur, antequam surgat: cre-
pant ædificia, antequam corruant: *Homo hominibus*
prænu-*deus; ho-*ciat fumus incendium: subita *mo ho-*
est ex homine perniciēs, & eò diligen-*mini lu-*
tius *pus.*

rius tegitur , quo propius accedit. Erras , si istorum tibi qui occurrunt vultibus credis , hominum effigies habent , animos ferarum . Homini perdere hominem libet . Tu tamen ita cogita , quod ex homine periculum sit : ut cogites , quod sit hominis officium . Alterum intueri , ne lædaris ; alterum , ne lædas . Commodis omnium læteris , movearis incommodis ; & memineris quæ præstare debeas , quæ cavere . Quantum autem potes , in philosophiam secede : illa te sinu suo proteget : in hujus sacrario eris , aut tutus , aut tutior .

*Dilectio
proxi-
mi.*

Ex Epistola 105.

Qualiter secessio in otium , vel peregrinatio non profit , sed noceat , sine curatione animi.

*Nemo
ex pere-
grina-
zione
virtuo-
sior.*

NAm Socratem querenti cuidam , quòd nihil sibi peregrinationes profuissent , respondisse ferunt : Non immeritò hoc tibi evenit : Tecum enim peregrinabar . O quàm bene cum quibusdam ageretur , si à se aberrarent ! Nunc primi seipsum sollicitant , corrumpunt , territant . Quid prodest mare trajicere , & urbes mutare ? Si vis ista , quibus urgeris , effugere , non alibi sis oportet , sed alius . Puta venisse te
Athenas,

Athenas, puta Rhodon: elige arbitrio tuo civitatem: quid ad rem pertinet, quos illa mores habeat? tuos adferes. Quid per se prodesse peregrinatio cuiquam potuit? Non voluptates illa temperavit, non cupiditates refrenavit, non iras repressit, non indomitos amoris impetus fregit, nulla denique animo mala eduxit, non iudicium dedit, non excussit errorem: sed ut puerum ignota mirantem, ad breve tempus rerum aliqua novitate detinuit. Cæterum inconstantiam mentis, quæ cum maximè ægra est, laceffit: mobiliorem leviolemque reddidit ipsa jactatio. Itaque quæ petierant cupidissimè loca, cupidius deserunt, & avium ^{Locorum} modo transvolant, citiusque quàm venerant abeunt. Peregrinatio notitiam ^{mutatio} dabit gentium, novas tibi montium formas ostendet, inusitata spatia camporum, & irriguas perennibus aquis valles, & alicujus fluminis sub observatione naturam: &c. Ceterum neque meliorem faciet, neque saniolem. Inter studia versandum est, & inter aucthores sapientiæ, ut quæsitā discamus, nondum inventa quæramus. Sic eximendus animus ex miserrima servitute,

tute, in libertatem asseritur. Medicina ægro, non regio quærenda est. Fregit aliquis crus, aut extorsit articulum, non vehiculum navemque conscendit, sed advocat medicum, ut fracta pars jungatur, ut luxata in locum reponatur. Quid ergo? animum, tot locis fractum & extortum, credis locorum mutatione posse sanari? Majus est istud malum, quàm ut gestatione curetur. Peregrinatio non facit medicum, non oratorem: nulla ars loco discitur. Quid ergo? Sapientia rerum omnium maxima, in itinere colligitur? Nullum, mihi crede, iter est, quod te extra cupiditates, extra iras, extra metus sistat: aut si quod esset, agmine facto, gens illuc humana pergeret. Tam diu ista urgebunt mala, macerabuntque per terras ac maria vagum, quam diu malorum gestaris causas. Fugam tibi non prodesse miraris? tecum sunt quæ fugis. Te igitur emenda, onera tibi detrahe, & desideria. Omnem ex animo erade nequitiam. Unus est hujus vitæ fluctuantis & turbidæ portus, eventura contemnere, stare fidenter, tela fortunæ adverso pectore excipere, non latitantem, nec tergi-

*Nulla
ars loco
discitur.*

tergiverſantem. Aurum & argentum, & quicquid aliud felices domos onerat, relinquatur: non poteſt gratis conſtare libertas. Hanc ſi magno æſtimas, omnia parvo æſtimanda ſunt.

Ex Epistoła 106.

*Magna pars ſecuritatis, ſecum habitare,
& nihil iniquè facere.*

Nihil tamen æque proderit, quàm quieſcere, & minimum cum aliis loqui, plurimum ſecum. Eſt quædam dulcedo ſermonis, qui irrepit, & blanditur, & non aliter quàm ebrietas aut amor ſecreta producit.

Ex Epistoła 107.

Philosophandum, ſed paucis.

Quoniam, ut voluiſti, morem geſſi tibi, nunc ipſe dicam mihi quod dicturum eſſe te video. Latrunculis ludimus: in ſupervacuis ſubtilitas teritur: non faciunt bonos iſta, ſed doctos. Apertior res eſt, ſapere: imo ſimplicior: paucis opus eſt ad mentem bonam literis. Sed nos ut cetera in ſupervacuum diffundimus, ita Philoſophiam ipſam. Quemadmodum omnium rerum, ſic literarum

quoque intemperantia laboramus.
Non vitæ, sed scholæ discimus. Vale.

Ex Epistola 108.

*Qua patienda sunt ambulanti per hujus vitæ
viam, & quod prameditatio levissima facis
esse graviora; & qualiter varietas mortali-
tatis & fatum æquanimiter ferenda sunt.*

Non est delicata res, vivere. Lon-
gam viam ingressus es: & labaris
oportet, & arietes, & cadas, & lassè-
ris, & exclames, O mors; id est, men-
tiaris. Alio loco comitem relinques,
alio efferes, alio timebis. Per hujus-
modi offensas emetiendum est con-
fragosum hoc iter. Mori me vult? præ-
paretur animus contra omnia. Sciat
se venisse ubi patiatul fulmen, sciat se
venisse, ubi

*Luctus & ultrices posuere cubilia
cura,*

*Pallentesque habitant morbi, tristis-
que senectus.*

In hoc contubernio vita degenda est.
Effugere ista non potes, contemnere
potes: contemnes autem, si sæpe cogi-

Militia taveris, & futura præsumpseris. Nemo
est vita non fortius ad id, cui se diu compo-
hominis fuerat, accessit, & duris quoque, si præ-
super meditata erant, obstitit. At contra
terram. impæ

imparatus, etiam levissima expavit. Et quia omnia novitate graviora sunt, hæc cogitatio assidua præstabit, ut nulli sis malo tiro. Nihil miremur eorum, ad quæ nati sumus: quæ ideo nulli quærenda, quia paria sunt omnibus. Ita dico paria sunt: nam etiam quod effugit aliquis, pati potuit. *Omnia hic communia & paria sunt.* *Æquum* autem jus est, non quo omnes usi sunt, sed quod omnibus latum est. Impetur æquitas animo, & sine querela mortalitatis tributa pendamus. Hiems frigora adducit, algendum est: æstas calores refert: æstuandum est. Intemperies cæli valetudinem tentat: ægotandum est. Et fera nobis loco occurrer, & homo perniciosior feris omnibus. Aliud aqua, aliud ignis eripiet. Hanc rerum conditionem mutare non possumus. Optimum est pati, quod emendare non possis: & Deum, quo auctore cuncta proveniunt, sine murmuratione comitari. Malus miles est, qui imperatorem gemens sequitur.

Ducunt volentem fâta, nolentem trahunt.

Sic vivamus, sic loquamur: paratos nos inveniat atque impigros fatum.
Hic

Hic est magnus animus, qui se Deo tradidit: at contra ille pusillus ac degener, qui obluetur, & de ordine mundi male existimat, & emendare mavult deos, quàm se.

Ex Epistola 109.

De moderanda cupiditate discendi, & quanti profectus sit, sapientem sapius audire, & quod majori impetu juvenes ad Philosophiam, quàm senes accedimus.

HAec retuli, ut probarem tibi, quàm vehementes haberent tyrunculi impetus primos, ad optima quæque, si quis exhortaretur illos, si quis impenderet. Sed aliquid præcipientium vitio peccatur, qui nos docent disputare, non vivere: aliquid discantium, qui propositum afferunt ad præceptores suos, non animum excolendi, sed ingenium. Itaque quæ Philosophia fuit, facta Philologia est. Multum autem ad rem pertinet, quo proposito ad quam rem accedas. Qui Grammaticus futurus Virgilium scrutatur, non hoc animo legit illud egregium:

*Philosophia
philologia facta
est.*

Fugit irreparabile tempus.

Vigilandum est: nisi properamus, relinquimur. Agit nos, agiturque velox.

lax dies : in scii rapimur. Omnia in futurum disponimus , & inter præcipitia lenti sumus. Sed ut observet , quoties Virgilius de celeritate temporum dicit, hoc uti verbo illum , FUGIT.

*Optima quaque dies miseris mortali-
bus a vi* *Assue-
scere
virtuti
juvenis,*
*Prima fugit : subeunt morbi, tristis-
que senectus,*
*Et labor & dura rapit inclementia
mortis.*

Ille qui ad philosophiam spectat, hæc eadem quo debet, abducit. Nunquam Virgilius, inquit, dies dicit ire, sed fugere ; quod currendi genus concitatissimum est ; & optimos quosque primos rapi. Quid ergo cessamus nos ipsi concitare, ut velocitatem rapidissimæ rei possimus æquare ? Meliora prætervolant , deteriora succedunt. Quemadmodum ex anphora primum quod est sincerissimum effluit, gravissimum quodque turbidumque subsidit : sic in ætate nostra , quod optimum , in primo est. Id exhauriri in aliis potius patimur, ut nobis faciem reservemus. In hæreat istud animo , & tanquam missum oraculo placeat :

Optimæ

Optima quaque dies miseris mortalibus a vi

Prima fugit.

*Tempus
istud la-
boribus
aptum
est.*

Quare optima? quia restat quod incertum est. Quare optima? quia juvenes possumus discere, possumus facilem animum, & adhuc tractabilem, ad meliora convertere: quia hoc tempus idoneum est laboribus, idoneum agitandis per studia ingeniis, & exercendis per opera corporibus. Primus quisque tanquam optimus dies placeat, & redigatur in nostrum: quod fugit, occupandum est. Hoc non cogitat ille, qui grammatici oculis carmen istud legit, ideo optimum quemque primum esse diem, quia subeunt morbi, quia senectus premit, & adhuc adolescentiam cogitantibus supra caput est: sed ait, Virgilium semper unà ponere morbos & senectutem; non mehercule immerito. Senectus enim insanabilis morbus est. Præterea, inquit, hoc senectuti cognomen imposuit, tristem illam vocat:

*Senectus
tristis.*

Subeunt morbi, tristisque senectus.

Non est quod mireris, ex eadem materia suis quemque studiis apta colligere. In eodem prato bos herbam quærit,

quærit, canis leporem, ciconia lacer-
 tum. Illud admoneo, auditionem Phi-
 losophorum, lectionemque ad pro-
 positum beatæ vitæ trahendam, non *Finis
studii.*
 ut verba prisca aut ficta captemus, &
 translationes improbas, figurasque
 dicendi, sed ut profutura præcepta, &
 magnificas voces, & animosas, quæ
 mox in rem transferantur. Sic ista di-
 scamus, ut quæ fuerunt verba, sint o-
 pera. Nullos autem pejus mereri de
 omnibus mortalibus judico, quàm qui
 philosophiam, velut aliquod artifi-
 cium venale didicerunt: qui aliter vi-
 vunt, quàm vivendum esse præci-
 piunt. Exempla enim seipsos inutilis *Præce-*
 disciplinæ circumferunt, nulli non vi-
 tio quod insequuntur, obnoxii. Non *ptor com-*
 magis mihi potest quisquam talis *modum*
 prodesse præceptor, quàm gubernator *sum*
 in tempestate nauseabundus. Tenen-
 dum est, rapiente fluctu, guberna-
 culum, luctandum cum ipso mari, eri-
 pienda sunt vento vela: quid me potest
 adjuvare rector navigii attonitus &
 vomitans? Quanto majore putas vi-
 tam tempestate jactari, quàm ullam
 ratem? non est loquendum, sed gu-
 bernandum.

Ex

Ex Epistola 110.

*Multis argumentis ostendit sapientem sapienti
prodesse.*

*Bonus
bono
prodest.
Malus
malo
nocet.*

Prosunt inter se boni : exercent enim virtutes, & sapientiam in suo statu continent: desiderat uterque aliquem, cum quo conferat, cum quo quærat. Peritos luctandi, usus exercet: musicum, qui paria didicit, monet. Opus est & sapienti, agitatione virtutum. Malus malo nocet; facit pejorem iram, metum incitando, tristitiæ assentiendo, voluptates laudando: & tunc maxime laborant mali, ubi plurimum vitia miscuere, & in unum collata nequitia est. Ergo ex contrario, bonus bono proderit. Quomodo? inquis. Gaudium illi afferet, fiduciam confirmabit, ex conspectu mutæ tranquillitatis crescet utriusque lætitia. Præterea secundum naturam est & amicos complecti, & amicorum actu, ut suo proprioque lætari. Nam nisi hoc fecerimus, ne virtus quidem nobis permanebit, quæ in exercendo se usu valet. Virtus autem suadet præsentia bene collocare, in futurum consulere, deliberare, & intendere animum: facilius intendet explicabitque,

que , qui aliquem sibi assumpserit. Quærit itaque aut perfectum virum, *Familiaritas* aut proficientem , vicinumque perfectus , si *bonorum utilis.* consilium communi prudentia juverit. Ajunt homines plus in alieno negotio videre : hoc illis evenit , quos amor sui excæcat , quibusque dispectum utilitatis , timor in periculis excutit. Incipiet sapere securior , & extra metum positus. Sed nihilominus quædam sunt , quæ etiam sapientes in alio, quàm in se , diligentius vident. Præterea illud quod dulcissimum honestissimumque est, idem velle, atque idem nolle, sapiens sapienti præstabit. Egregium opus pari jugo ducet.

Ex Epistola III.

Quomodo notitia boni & mali , necessarij & supervacui possit haberi.

ADdiximus animum voluptati ; cui indulgere , initium omnium malorum est. Tradidimus ambitioni & famæ , cæteris æque vanis & inanibus. *Non est virtus supervacua contemnere.* Quid ergo nunc te hortor ut facias ? Nihil novi : nec enim novis malis remedia quæruntur : sed hoc primum, ut tecum ipse dispicias , quid sit necessarium , quid supervacuum. Necessaria tibi

*Alis re-
cto.*

*Sum-
ptus ci-
borum
reproba-
tur.*

tibi ubique occurrent : supervacua & semper, & toto animo quærenda sunt. Non est autem quod te nimis laudes, si contempseris aureos lectos, & gemmeam supellectilem : quæ est enim virtus, supervacua contemnere? tunc te admirare, cum contempseris necessaria. Non magnam rem facis, quod vivere sine regio apparatu potes: quod non desideras milliarios apros, nec linguas Phœnicopterorum, & alia portenta luxuriæ, jam tota animalia fastidientis, & certa membra ex singulis eligentis. Tunc te admirabor, si non contempseris etiam sordidum panem: si tibi persuaseris, herbas non pecori tantum, sed homini nasci. Quid enim ad rem pertinet, quid accipiat, perditurus quicquid acceperit? Delectant te deposita, quæ terra marique capiuntur? Alia eo gratiora, si recentia perferuntur ad mensam: alia, si diu pasta & coacta pinguescere, fluunt, ac vix saginam continent suam. Delectat te nitor horum, arte quæsitus. At mehercule, ista solícite scrutata, varietate condita, cum subierint ventrem, una atque eadem foeditas occupabit. Vis ciborum voluptatem contemnere?

exitum

exitum specta . Hoc itaque ipsi mihi dico, quoties tale aliquid præstrinxerit oculos meos, quoties occurrit domus splendida, cohors culta servorum, lætica formosis imposita calonibus. Quid miraris? quid stupes? Pompa est. Ostenduntur istæ res, non possidentur: & dum placent, transeunt. Ad veras potius te converte divitias, discce parvo esse contentus: & illam vocem magnus atque animosus exclama: Habeamus aquam, habeamus polentam, Iovi ipsi de felicitate controversiam faciamus. Faciamus, oro te, etiam si ista defuerint. Turpe est, beatam vitam in auro & argento reponere: æque turpe est in aqua & polenta. Quid ergo faciam, si ista non fuerint? Quæris, quod sit remedium inopiæ? famem fames finit. Alioqui quid interest, magna sint, an exigua, quæ servire te cogunt.

*Aqua
& po-
lenta ci-
bus com-
munis
fuit.*

Ex Epistola 112.

De vera philosophi magnitudine, quam sophismata, id est, cavillationes præstare non possunt.

Quid vocentur Latinè sophismata, quæstisti à me. Multi tentaverunt illis nomen imponere, aptissimum

*Cavillationibus
ludit animus,
non proficit.*

num tamen mihi videtur, quo Cicero
usus est. Cavillationes vocat : quibus
quisque se tradidit, quæstiunculas quid-
dem vafras nectit : cæterum ad vitam
nihil proficit, neque fortior fit, neque
temperantior, neque elatior. At ille
qui philosophiam in remedium suum
exercuit, ingens fit animo, plenus fi-
ducia, inexuperabilis, & major ade-
unti. Quod in magnis evenit monti-
bus, quorum proceritas minus apparet
longè intuentibus ; cum accesseris,
tunc manifestum fit, quàm in arduo
summa sint : talis est, mi Lucili, verus,
& rebus, non artificiis, philosophus.
In edito stat admirabilis, celsus, ma-
gnitudinis veræ. Non exsurgit in plan-
tas, nec in summis ambulat digitis, eo-
rum more qui mendacio staturam ad-
juvant, longioresque quàm sunt, vi deri
volunt : contentus est magnitudine
sua. Par sibi in omni statu rerum, sive
secundo cursu vitæ procedit, sive flu-
ctuatur per adversa ac difficilia. Hanc
constantiam cavillationes istæ, de qui-
bus paulò ante loquebar, præstare non
possunt. Ludit istis animus, non profi-
cit : & philosophiam à fastigio dedu-
cit in planum. Nec te prohibuerim a-
liquando

*Philosofia ve-
ra &
simplex
est.*

liquando ista agere , sed tunc cum voles nihil agere.

Ex Epistola 114.

Dialecticè disputat per multa inconvenientia , virtutes non esse animalia . De morali fortitudine , iustitia , doctrinam inferens .

DEsideras tibi scribi à me, quid sentiam de hac quæstione jactata apud nostros : An iustitia, an fortitudo, prudentia, cæteræque virtutes, animalia sint. Hac subtilitate efficimus, Lucilicariissime, ut exercere ingenium inter irrita videamur, & disputationibus nihil profuturis otium terere. Hęc disputamus, attractis superciliis, fronte rugosa. Non possum hoc loco non dicere illud Cæcilianum : O tristes ineptias ! ridiculæ sunt . Quin itaque potius nobis aliquid utile ac salutare tractamus, & quærimus quomodo ad virtutes pervenire possimus, quæ nos ad illas via adducat. Doce me, non an fortitudo animal sit : sed nullum animal felix esse sine fortitudine, nisi contra fortuita convaluit, & omnes casus, antequam exciperet, meditando prædomuit . Quid est fortitudo ? munimentum humanæ imbecillitatis inexpugnabile : quod qui circumdedit sibi, se-

Quomodo disputandum sit.

curus in hac vitæ obsidione perdurat.

Utitur enim suis viribus, suis telis.

*Posido-
nii sen-
tentia.*

Hoc loco tibi Posidonii nostri sententiam referre volo: Non est quòd unquam fortunæ armis putes esse te tutum: tuis pugna contra ipsam. Fortuita non armant. Itaque contra hostes instructi, contra ipsam inermes sunt. Alexander quidem Persas, & Hircanos, & Indos, & quicquid gentium usque in Oceanum extendit Oriens, vastabat, fugabatque: sed ipse modo occiso amico, modo amisso, jacebat in tenebris, alias scelus, alias desiderium suum mœrens; victor tot regum atque populorum, iræ tristitiæque succubuit. Id enim egerat, ut omnia potius haberet in potestate, quàm affectus. O quàm magnis homines erroribus tenentur, qui jus dominandi trans maria cupiunt mittere, felicissimosque se judicant, si multas per milites provincias obtinent, & novas veteribus adjungunt, ignari quod sit illud ingens paratumque regnum! Imperare sibi, maximum imperium est. Doceat me, quàm sacra res sit justitia, alienum bonum spectans, nihil ex se petens, nisi usum sui.

Insatiabilis cupiditas hominis.

Nihil

Nihil sit illi cum ambitione fama-
que: sibi placeat. Illud adhuc tibi affi-
ge, quod paullo ante dicebam: nihil
ad rem pertinet, quàm multi æquita-
tem tuam noverint. Qui virtutem
suam publicari vult, non virtuti labo-
rat, sed gloriæ. Non vis esse justus, sine
gloria? at me hercules sæpe justus esse
debebis cum infamia. Et tunc, si sapi-
malis opinio bene parta delectat.

*Vera
virtus
latere
vult.*

Ex Epistola 115.

*De multiplici varietate vitiosæ orationis, & pro
qualitate animi dicentis ejus informatur ora-
tio, ubi contra luxuriam succincte declinat.*

UBi luxuriam late felicitas fudit, *Luxu-
ria sta-
dia.*
cultus primum corporum esse
diligentior incipit; deinde supellectili
laboratur: deinde in ipsas domos im-
penditur cura, ut in laxitatem ruris ex-
currant, ut parietes advectis trans ma-
ria marmoribus fulgeant, ut tecta va-
rientur auro, ut lacunaribus pavimen-
torum respondeat nitor; deinde ad
cœnas lautitia transfertur, & illic com-
mendatio ex novitate & soliti ordinis
commutatione captatur; ut ea quæ
claudere cœnam solent, prima ponan-
tur; ut quæ advenientibus dabantur,
exeuntibus dentur. Cum assuevit ani-

*Nova
delectat.*

mus fastidire quæ ex more sunt, & illi
& pro sordidis solita sunt; etiam in o-
ratione quod novum est, quærit: &
modò antiqua verba atque exoleta re-
vocat & profert: modò fingit, & igno-
ta defleat, modo id quod nuper in-
crebuit, pro cultu habetur, audax trās-
latio, ac frequens. Sunt qui sensus præ-
cidant, & hinc gratiam sperent, si sen-
tentia pependerit, & audienti suspicio-
nem sui fecerit. Quomodo convivio-
rum luxuria, quomodo vestium, ægra
civitatis indicia sunt: sic orationis li-
centia (si modo frequens est) ostendit
animos quoque, à quibus verba exe-
unt, procidisse. Adjice nunc, quod
oratio certam regulam non habet.
Consuetudo illam civitatis, quæ nun-
quam in eodem diu stetit, versat. Multi
ex alieno sæculo petunt verba.

Iracundi hominis iracunda oratio
est: commoti nimis incitata, delicati
tenera & fluxa. Quod vides istos sequi,
qui aut vellunt barbam, aut interval-
lunt: qui labra pressius tondent & ab-
radunt, servata & submissa cætera
parte: qui lacernas coloris improbi
sumunt, qui perlucens togam: qui
nolunt facere quicquam quod homi-
num

num oculis transilire liceat. Irritant illos, & in se advertunt. Hoc à magno animi malo oritur. Quomodo in vino non ante lingua titubat, quàm mens cessit oneri, & inclinata vel perditæ est: ita ista oratio (quid aliud quàm ebrietas;) nulli molesta est, nisi animus labat. Ideo ille cùrètur: ab illo sensus, ab illo verba exeunt, ab illo nobis est habitus, vultus, incessus. Illo sano ac valente, oratio quoque robusta, fortis, virilis est: si ille procubuit, & cetera sequuntur ruinam.

*Oratio
insolen-
tis homi-
nis qua-
lis sit.*

Rege incolumi, mens omnibus una est:

Amisso, rupere fidem.

Rex noster est animus: hoc incolumi, cetera manent in officio, parent & obtemperant: cum ille paulum vacillavit, simul nutant. Animus noster modo rex est, modò tyrannus. Rex, cum honesta intuetur, salutem sibi commissi corporis curat, & nihil imperat turpe, nihil sordidum: ubi verò impotens, cupidus, delicatus est, transit in nomen detestabile ac dirum, & fit tyrannus. Tunc illum excipiunt affectus impotentes, instantque: qui initio quidem gaudent, ut solet populus largitione nocitura frustra plenus, &

*Ani-
mus vel
tyran-
nus, vel
rex est.*

*Furor
homi-
num
luxurio-
rum.*

quæ non potest haurire, contrectat. Cum verò magis ac magis vires morbus exedit, & in medullas nervosque descendere delitiæ: conspectu eorum, quibus se nimia aviditate inutilem reddidit, lætus, pro suis voluptatibus habet spectaculum, alienarum subministrator libidinum, testisque, quarum sibi usum ingerendo abstulit: nec illi tam gratum est abundare jucundis, quàm acerbum, quod non omnem illum apparatus per gulam ventremque transmittit: non cum omni exoletorum fœminarumque turba convolutatur: mœretque, quod magna pars suæ felicitatis exclusa corporis angustiiis, cessat. Nunquid enim, mi Lucili, hic furor est, quod nemo nostrum mortalem se cogitat? quod nemo imbecillum? imò quod nemo nostrum unum esse se cogitat? Aspice culinas nostras, & concursantes inter tot ignes coquos nostros: unum videri putas ventrem, cui tanto tumultu comparatur cibus? Aspice veteraria nostra, & plena multorum sæculorum vindemiis horrea: unum putas videri ventrem, cui tot consulum regionumque vina conduntur? Aspice quot locis

vertatur.

vertatur terra, quot millia colonorum
 arent, fodiant: unum putas videri ven-
 trem, cui & in Sicilia, & in Africa se-
 ritur? Sani erimus, & modica concu-
 piscemus, si unusquisque se numeret:
 metiatur simul corpus, sciatque, nec
 multum capere, nec diu posse. Nihil *Mortis*
 tamen æque tibi profuerit ad tempe- *medita-*
 rantiam omnium rerum, quàm fre- *tio utile*
 quens cogitatio brevis ævi, & hujus *remedi-*
 incerti. Quicquid facies, respice ad *um.*
 mortem.

Ex Epistola 116.

*Quod omnium hic non solida, sed bracteata
 & ficta felicitas est.*

O *Mnes quarimus:
 Non quare, & unde: quid habeas
 tantum rogant.*

*Vbique tanti quisque, quantum ha-
 buit, fuit.*

*Quid habere nobis turpe sit, quaris?
 nihil.*

*Aut dives opto vivere, aut pauper
 mori.*

*Bene moritur, qui dum moritur, lu- *Avaritia*
 crum facit. *ho-**

*Pecunia ingens generis humani bo- *minibus*
 num. *pæna**

I 4. Cui *est.*

*Cui non voluptas matris, aut blanda
potest*

Par esse prolis.

Nulla avaritia sine poena est, quamvis satis sit ipsa poenarum. O quantum lachrymarum, ô quantum laborum exigit? quàm misera desideratis, quam misera partis est! Adjice quotidianas sollicitudines, quæ pro modo habendi quemque discruciant. Majore tormento pecunia possidetur, quàm quæritur. Quantum damnis ingemiscunt, quæ & magna incidunt, & majora videntur! denique ut nihil illis fortuna detrahat, quicquid non acquiritur, damnum est. At felicem illum homines & divitem vocant, & consequi optant, quantum ille possidet. Fateor, Quid ergo? Tu ullos esse conditionis pejoris existimas, quàm qui habent & miseriam, & invidiam? Utinam qui divitias appetituri essent, cum divitibus deliberarent! utinam honores petituri, cum ambiciosi, & summum adeptis dignitatis statum! profecto vota mutassent: cum interim illi nova suspiciunt, cum priora damnaverant. Nemo enim est cui felicitas sua, etiam si cursu venit, satisfaciat. Queruntur &
de

De honoribus.

de consiliis, & de processibus suis: maluntque semper, quæ reliquerunt. Itaque hoc tibi philosophia præstabit, quo equidem nihil majus existimo: nunquam te poenitebit tui. Ad hanc tam solidam felicitatem, quam tempestas nulla concutiat, non perducent te aptè verba contexta, & oratio fluens leniter. Eant ut volent, dum animo compositio sua constet, dum sit magnus, & opinionum securus, & ob ipsa quæ aliis displicent, sibi placens: qui profectum suum vita æstimet, & tantum scire se judicet, quantum non cupit, quantum non timet.

Ex Epistola 117.

Satius esse nullos quàm modicos habere affectus; contra Peripateticos disputat.

Imbecillis est primo omnis affectus. Non obtinebis ut desinat, si incipere permiseris. Deinde ipse se concitat, & vires dum procedit, parat: excluditur facilius, quam expellitur. Quis negat omnes affectus à quodam, quasi naturali fluere principio? curam nobis nostri natura mandavit: Sed huic ubi nimium indulseris, vitium est; Voluptatem natura necessariis rebus admiscuit, non ut illam petere-

De pravis affectibus.

mus, sed ut ea sine quibus non possumus vivere, gratiora nobis illius faceret accessio: si suo veniat jure, luxuria est. Ergo intransibilibus resistamus: quia facilius, ut dixi, non recipiuntur, quàm exeunt. Aliquatenus, inquis, dolere, aliquatenus timere permitte: sed illud aliquatenus longe producit, nec ubi vis, accipit finem.

Principiis obsta, sero medicina paratur.

Itaque conscii nobis imbecillitatis nostræ, quiescamus. Nec vino infirmum animum committamus, nec formæ, nec adulationi, nec ullis rebus blande trahentibus. Quantum possumus nos, à lubrico recedamus. In siccō quoque parum fortiter stamus.

Omnia possumus in eo qui nos confortat.

Occurres hoc loco mihi illa publica contra Stoicos voce: Nimis magna promittitis, nimis dura præcipitis: nos homunciones sumus, omnia nobis negare non possumus. Dolebimus, sed parum: concupiscemus, sed temperate: irascemur, sed placabimur. Scis quare non possumus ista? quia nos posse non credimus. Imo mehercules, aliud est in re. Vitia nostra, quia amamus, defendimus, & malum excusare illa, quàm excutere. Satis natura homini dedit roboris, si illo utamur,

mur , si vires nostras colligamus , ac totas pro nobis , certe non contra nos concitemus. Nolle in caussa est : non posse prætenditur.

Ex Epistola 118.

Argumentatur contra professores suos.

Sapere bonum esse.

Multum mihi tibi que negotium concinnabis , & , dum nescis , in magnam me litem ac molestiam impinge ; qui mihi tales quæstiunculas ponis , in quibus nec ego dissentire à nostris salva gratia , nec consentire salva conscientia possum . Quæris , an verum sit , quod Stoicis placet , Sapientiam bonum esse , sapere bonum non esse ? Obsecro vos , cur tam necessariam curam majoribus melioribusque debitam , in re nescio an falsa , certe inutili , terimus ? Quid mihi profuturum est scire , an aliud sit sapientia , aliud sapere ? Potius id age , ut mihi viam monstres , qua ad ista perveniam . Dic mihi quid vitare debeam , quid appetere : quibus animum labentem studiis firmem : quemadmodum quæ me ex transverso ferunt aguntque , procul à me repellam . Quomodo par esse tot malis possim : quomodo

*Quale
erit stu-
dium
nostrum.*

*Fructus
mortis.*

istas calamitates removeam , quæ ad
me irruerunt : quomodo illas ad quas
ego irrupi. Doce , quomodo feram æ-
rumnam sine gemitu meo, felicitatem
sine alieno : quomodo ultimum & ne-
cessarium vitæ terminum non expe-
ctem, sed ipsemet, cum visum erit, pro-
fugiam. Deos vitam roga, & salutem :
si mori placuit , hic mortis est fructus,
optare desinere. Hæc , mi Lucili, tra-
ctemus , his formemus animum. Hæc
est sapientia, hoc est sapere, non dispu-
tatiunculis inanibus subtilitatem va-
nissimam agitare. Tot quæstiones tibi
fortuna posuit : nondum illas solvisti :
jam cavillaris. Quàm stultum est, cum
signum pugnae acceperis , ventilare.
Remove ista lusoria arma , decretoriis
opus est. Transcurramus solertissimas
nugas, & ad illa quæ nobis aliquam o-
pem sunt latura , properemus. Nemo
qui obstetricem parturienti filiaë soli-
citus accersit, edictum & ludorum or-
dinem perlegit : nemo qui ad incen-
dium domus suæ currit, tabulam la-
trunculariam perspicit, ut sciat quo-
modo alligatus exeat calculus. At me-
hercules omnia tibi undique nuntian-
tur, & incendium domus, & periculum
liberorum,

liberorum, & obsidium patriæ, & bonorum direptio : adjice istis naufragium, motusque terrarum, & quicquid aliud timeri potest. Inter ista districtus, rebus, nihil aliud quàm animum oblectantibus, vacas? Quid inter sapientiam, & sapere intersit, inquiris? nodos nectis ac solvis, tanta mole impendente capiti tuo? Non tam benignum ac liberale tempus natura nobis dedit, ut aliquid ex illo vacet perdere; & vide quàm multa etiam diligentissimis pereant. Aliud valetudo sua cuique abstulit, aliud suorum: aliud necessaria negotia, aliud publica occupaverunt. Vitam nobiscum dividit somnus. Ex hoc tempore tam angusto, & rapido, & nos auferente, quid juvat majorem partem mittere in vanum? Adjice nunc, quod assuescit animus delectare se potius, quàm sanare: & Philosophiam oblectamentum facere, cum remedium sit. Inter sapientiam, & sapere quid intersit, nescio. Scio mea non interesse, sciàm ista, an nesciam. Dic mihi, cum, quid inter sapientiam, & sapere intersit, didicero, sapiam? cur ergo potius inter vocabula me sapientiæ detines, quàm inter opera?

*Incommoda
vita
natura.*

*Tempus
nostrum
pretiosum.*

Fac me fortiozem, fac me securiozem,
fac fortunæ parem, fac superiozem.
Possum autem superior esse, si fecero
omne quod disco.

Ex Epistola 119.

*De mundanorum solitudine, & sapientis
securitate.*

*Mala
nostra
judican-
da.*

Sua satius est mala, quàm aliena
tractare: se excutere, & videre;
quàm multarum rerum candidatus sit;
& non suffragari. Hoc est, mi Lucili, e-
gregium, hoc securum ac liberum, ni-
hil petere, & tota fortunæ comitia
transire. Libet ergo hæc invicem scri-
bere, & hanc integram semper egere-
re materiam, circumspicientibus tot
millia hominum inquieta: qui ut ali-
quid pestiferi consequantur, per mala
nituntur in malum, petuntque mox
fugienda, aut etiam fastidienda. Cui
enim affecuto satis fuit, quod optanti
nimium videbatur? Non est, ut existi-
mant homines, avida felicitas, sed
pusilla: itaque neminem satiat. Tu
ista credis excelsa, quia longe ab illis
jaces: ei verò qui ad illa pervenit, hu-
milia sunt. Mentior, nisi adhuc quærit
ascendere. Istud quod tu summum pu-
tas, gradus est. Omnes autem male
habet.

habet ignorantia veri ; tanquam ad bona feruntur , decepti rumoribus. Deinde mala esse , aut inania , aut minora quàm speraverint , adepti ac multa passi vident : majorque pars miratur ex intervallo fallentia.

Ex Epistola 120.

De parsimonia victus & tormento infelicitis luxuria , & quod nunquam parum est quod sat est.

DOcebo quomodo dives fieri celerissime possis , quod valde cupis audire. Nec immerito : ad maximas *De contemptu divitiarum.* te divitias compendiaro ducam . Nihil enim interest , mi Lucili , utrum non desideres , an habeas . Summa rei in utroque est eadem : non torqueris . Nec illud præcipio , ut aliquid naturæ neques : contumax est , non potest vinci , suum poscit : sed ut quicquid naturam excedit , scias precarium esse , non necessarium . Esurio : edendum est . Utrū hic panis sit plebejus , an filigineus , ad naturam nihil pertinet . Illa ventrem non delectari vult , sed *Frugalitas hominis frugi.* impleri . Sitio : utrum hæc aqua sit ex lacu proximo excepta , an ea quam multa nive clusero , ut rigore refrigeretur alieno , ad naturam nihil pertinet ,

net. Illa hoc unum jubet , sitim extinguere. Utrum sit aureum poculum, an crystallinum , an murrhinum , an Tyburtinus calix , an manus concava , nihil refert. Finem omnium rerum specta , & supervacua dimittes. Fames me appellat : ad proxima quæque tendatur manus : nihil contemnit esuriens. Quid sit ergo , quod me delectaverit , quæris ? jam ego paraveram fiscos : circumspiciebam in quod me mare negotiaturus immitterem, quod publicum agitare , quas accerserem merces ? Decipere est istud , docere paupertatem , cum divitias promiseris . Ita tu pauperem judicas , cui nihil deest ? Suo , inquis , & patientiæ suæ beneficio , non fortunæ . Ideo ergo illum non judicas divitem , quia divitiæ ejus desinere non possunt ? Utrum malis habere multum , an satis ? qui multum habet , plus cupit ; quod est argumentum , nondum illum satis habere : qui satis habet , consecutus est , quod nunquam diviti contingit , finem. An has ideo non putas esse divitias , quia propter illas nemo proscriptus est ? quia propter illas nulli venenum filius , nulli uxor impegit ?

quia

Minimis contentus etiam dives est.

quia in bello tutæ sunt? quia in pace otiosæ? quia nec habere illas periculosum est, nec operosum disponere? An parum habet, qui tantum non alget, non elurit, non sitit? plus Iupiter non habet. Nunquam parum est, *Si fas* quod satis est: Nunquam multum est, *est, multum est.* quod satis non est. Post Darium & Indos pauper est Alexander Macedo: quærit quod suum faciat, scrutatur maria ignota, in Oceanum classes mittit novas, & (ut ita dicam) mundi claustra perumpit. Quod naturæ satis est, homini non est. Neminem pecunia divitem fecit: imo contra, nulli non maiorem sui cupiditatem incussit. Quæris, quæ sit huius rei causa; plus incipit habere posse, qui plus habet. Nihil ergo monuisse te malim, quam *Natura* hoc, quod nemo monetur satis: ut *minimo* omnia naturalibus desideriis metiaris, quibus aut gratis satisfiat, aut *parvo-* parvo. Tantum miscere vitia desideriis noli. Quæris, quali mensa, quali argento, quàm paribus ministeriis, & levibus, afferatur cibus? nihil præter cibum natura desiderat.

Num tibi, cum fauces urit sitis, aurea quaris

Pocula?

Pocula ? num esuriens fastidis omnia prater

Pavonem, rhombumque ?

Ambitiosa non est fames: contenta desinere est: quo desinat, non nimis curat. Infelicitis luxuriæ ista tormenta sunt: quærit quemadmodum post saturitatem quoque esuriat; quemadmodum non impleat ventrem, sed faciat; quemadmodum sitim prima portione sedatam revocet.

*Esuries
& sitis
apparatum
non
quærit.*

Egregie itaque Horatius negat ad sitim pertinere, quo poculo aqua, aut quàm eleganti manu ministretur. Nam si pertinere ad te judicas, quam crinitus puer, & quàm perlucidum tibi poculum porrigat, non sitis. Inter reliqua, hoc nobis natura præstitit præcipuum, quod necessitati fastidium excussit. Recipiunt supervacua delectum. Hoc parum decens, illud parum lautum, oculos hoc meos lædit. Id actum est ab illo mundi conditore, qui nobis vivendi jura præscripsit; ut salvi essemus, non delicati. Ad salutem omnia parata sunt, & in promptu: deliciis omnia misere ac sollicitè comparantur. Utamur ergo hoc naturæ beneficio inter magna numerando: & cogi-

*Alii o-
peran-
tur.*

cogitemus , nullo nomine melius illam meruisse de nobis , quàm quia quicquid ex necessitate desideratur, sine fastidio sumitur.

Ex Epistola 121.

Quomodo ad nos boni honestique notitia pervenerit , ubi notat eos , qui assidue suum statum variant.

NEcessario itaque magnus apparuit , qui nunquam malis ingemuit , nunquam de fato suo questus est. *Quis magnus est.* fecit multis intellectum sui, & non aliter quàm in tenebris lumen effulsit : advertitque in se omnium animos, cum esset placidus & lenis, & humanis divinisque rebus pariter æquus. Habebat perfectum animum, ad summam sui adductus , supra quàm nihil est nisi mens Dei, ex qua pars & in hoc pectus mortale defluxit : quod nunquam magis divinum est , quàm ubi mortalitatem suam cogitat, & scit in hoc natum hominem , ut vita defungeretur : nec domum esse hoc corpus , sed hospitium , & quidem breve hospitium : *Non habemus hic manentem civitatem.* quod relinquendum est , ubi te gravem esse hospiti videas. Maximum, inquam, mi Lucili, argumentum est animi ab altiori venientis sede, si hæc in quibus

*Fragili-
tas car-
nis no-
stra.*

quibus versatur, humilia judicat & angusta, si exire non metuit. Scit enim quo exiturus sit, qui unde venerit, meminit. Non videmus, quàm multa nos incommoda exagitant, quàm male nobis conveniat hoc corpus? Nunc de ventre, nunc de capite, nunc de pectore ac faucibus querimur: aliàs nervi nos, aliàs pedes vexant: nunc dejectio, nunc destillatio: aliquando deest sanguis: aliquando superest: hinc atque illinc tentamur, & expellimur. Hoc evenire solet in alieno habitantibus. At nos corpus tam putre sortiti, nihilominus æterna proponimus, & in quantum potest ætas humana protendi, tantum spe occupamus, nulla contenti pecunia, nulla potentia. Quid hac re fieri impudentius, quid stultius potest? nihil satis est morituris, imo morientibus: quotidie enim propius ab ultimo stamus, & illò, unde nobis cadendum est, hora nos omnis impellit. Vide in quanta cæcitate mens nostra sit!

*Peregrinatio est
vita no-
stra.*

Ideo magnus animus, conscius sibi melioris naturæ, dat quidem operam, ut in hac statione, qua positus est, honestè se atque industriè gerat: cæterum nihil

nihil horum quæ circa ipsum sunt, suum judicat, sed ut commodatis utitur, peregrinus & properans. Cum aliquem hujus viderimus constantiæ, quid ni subiret nos species non usitatae indolis? Utique si hanc, ut dixi, magnitudinem veram esse ostendebat. Qualitatis veræ tenor permanet, falsa non durant. Maximum indicium est malæ mentis, fluctuatio, & inter simulationem virtutum, amoremque vitiorum assidua jactatio.

———— habebat sæpe ducentos,
Sæpe decem servos: modo reges at-
que tetrarchas,

Omnia magna loquens: modo sit mi-
hi mensa tripes, &

Concha salis puri, & toga qua defen-
dere frigus,

Quamvis crassa, queat: decies cen-
tena dedisses

Huic parco paucis contento: quin-
que diebus

Nil erat in oculis.

Omnes isti tales sunt, qualem hunc Incon-
describit Horatius: nunquam cun- stantia
dem, nec similem quidem sibi: adeo homi-
in diversum aberrat. Multos dixi: pro- 71479.
pe est ut omnes sint. Nemo non quo-
tidie

Constan-
tia
hominis
lauda-
tur.

tidie & consilium mutat. & votum: modo uxorē vult habere, modo amicam: modo regnare vult, modo id agit: ne quis sit officiosior servus: modo dilatat se usque ad invidiam, modo subsidit, & contrahitur infra humilitatem verē jacentium: modo pecuniā spargit, nunc rapit. Sic maxime coarguitur animus imprudens: alius prodit atque alius, & (quo turpius nihil judico) impar sibi est. Magnam rem puta, unum hominem agere. Præter sapientem autem nemo unum agit: cæteri multifformes sumus. Modo frugi tibi videbimur & graves, modo prodigi & vani. Mutamus subinde personam, & contrariam ei sumimus, quàm exuimus. Hoc ergo à te exige, ut qualem institueris præstare te, talem usque ad exitum serves. Effice ut possis laudari: si minus, ut agnosci. De aliquo, quem vidisti heri, merito dici potest: Hic quis est? tanta mutatio est.

Ex Epistola 122.

*Quomodo omnibus animalibus sit constitutionis
sua tempus, & quod ex omnibus constitutio-
nibus suis sensus est.*

HÆc animalibus inest cunctis: nec
inferitur, sed innascitur. Produ-
cit

cit foetus suos natura, non abjicit: & quia tutela certissima ex proximo est, sibi quisque commissus est. Itaque ut in prioribus dixi, tenera quoque animalia è materno utero vel quoquo modo effusa, quid sit infestum ipsis, protinus norunt, & mortifera devitant: umbram quoque transvolantium reformidant, obnoxia avibus raptis viventibus. Nullum animal ad vitam prodit sine metu mortis. Quemadmodum, inquit, editum animal intellectum habere, aut salutaris aut mortiferæ rei, potest? Primum quaeritur, an intelligat, non quemadmodum intelligat. Esse autem illis intellectum, ex eo apparet, quod nihil amplius, si intellexerint, faciant. Quid est quare pavonem, quare anserem gallina non refugiat, cum tanto minorem, & ne notum quidem sibi, accipitrem fugiat? Quare pulli felem timent, canem non timent? Apparet illis inesse scientiam nocituri, non experimento collectam: nam antequam possint experiri, cavent. Deinde, ne hoc casu existimes fieri, nec metuunt alia, quam debent, nec unquam obliviscuntur hujus tutelæ & diligentiae: æqualis

Omnia æqualis est illis à pernicioso fuga. Præ-
anima- terea, non fiunt timidiora vivendo. Ex
lia salu- quo quidem apparet, non usu illa ad
tem pro- hoc pervenire, sed naturali amore sa-
priam lutis suæ. Et tardum est & varium,
quarūt.

quod usus docet: quicquid natura tra-
 dit, & æquale est omnibus, & statim.
 Si tamen exigis, dicam quomodo om-
 ne animal pernitiōsa intelligere con-
 tur. Sentit se carne constare: itaque
 sentit, quid sit, quo secari caro, quo uri,
 quo obteri possit. Quæ sunt animalia
 armata ad nocendum, horum spe-
 ciem trahit inimicam & hostilem. In-
 ter se ista conjuncta sunt. Simul enim
 conciliatur salutis suæ quidque & quæ
 juvant, illa petit; læsura formidat. Na-

Præce- tures à contrariis aspernationes sunt;
ptum sine ulla cogitatione, sine consilio fit,
natura quicquid natura præcipit. Non vides,
sine con- quanta subtilitas sit apibus ad fingen-
silio est. da domicilia? Quanta dividui laboris
 obeundi concordia? Non vides quàm
 nulli mortalium imitabilis sit illa ara-
 neæ textura? Quanti operis sit, fila
 disponere? alia in rectum immissa fir-
 mamenti loco, alia in orbem curren-
 tia ex denso rara, quæ minora anima-
 lia, in quorum perniciem illa tendun-
 tur,

tur, velut retibus implicata teneant. Nascitur ars ista, non discitur. Itaque nullum est animal altero doctius: Videbis aranearum pares telas, par in favis angulorum omnium foramen. Incertum est & inæquale, quicquid ars tradit: ex æquo venit, quod natura distribuit.

Ex Epistola 123.

De his qui officia lucis noctisque pervertunt: & quod naturam sequentibus omnia facilia sunt & expedita.

Turpis, qui alto sole semisomnis jacet, *De somnolentia.* cujus vigilia, medio die incipit, & adhuc multis hoc antelucanum est. Sunt qui officia lucis noctisque pervertunt: nec ante diducunt oculos hesternæ graves crapula, quàm appetere nox cœpit. Qualis illorum conditio dicitur, quos natura (ut ait Virgilius) pedibus nostris subditos è contrario posuit,

Nosque ubi primus equis oriens afflavit anhelis,

Illis sera rubens accendit lumina vesper:

Talis horum contraria omnibus non regio, sed vita est. Tam infauti omnis, quam nocturnæ aves sunt. Licet in

/vino unguentoque tenebras suas exigant, licet epulis, & in multa quidem fercula distinctis, totum perversum vigiliæ tempus diducant; non convivantur, sed iusta sibi faciunt. Mortuis certe interdium parentatur. At mehercules nullus agenti dies longus est. Extendamus vitam: hujus & officium, & argumentum, actus est. Circumscribatur nox, & aliquid ex illa in diem transferatur. Aves, quæ conviviis comparantur, ut immotæ facile pinguescant, in obscuro continentur: ita sine ulla exercitatione jacentibus, tumor pigrum corpus invadit, & super membra iners sagina succrescit. Ita istorum corpora, qui se tenebris dicaverunt, fœda visuntur. Quippe non speciosior illis, quàm morbo pallentibus, color est: languidi, & marcidi albet, & in vivis caro morticina est. Hoc tamen minimum in illis malorum dixerim: quanto plus tenebrarum in animo est? Ille in se stupet, ille caligat, invidet cæcis. Quis unquam oculos tenebrarum causa habuit? Interrogas, quomodo hæc animo pravitas fiat, averfandi diem, totam vitam in noctem transferendi? Omnia vitia contra naturam

*Aves
in obscuro im-
pingue-
scunt.*

turam pugnant : omnia debitum ordinem deferunt : hoc est luxuriæ propositum , gaudere perversis ; nectantum discedere à recto , sed quàm longissime abire , deinde etiam è contrario stare . Isti non videntur tibi contra naturam vivere , qui jejuni bibunt , qui vinum recipiunt inanibus venis , & ad cibum ebrii transeunt ? Atqui frequens *De potationibus.* hoc adolescentium vitium est , qui vires excolunt : in ipso pene balnei limine , inter nudos bibunt : imo potant : ut sudorem quem moverunt potionibus crebris ac ferventibus , subinde distringant . Post prandium aut cœnam bibere , vulgare est : hoc patres familiæ rustici faciunt , & veræ voluptatis ignari . Merum illud delectat , non quod innatat cibo , quod liberè penetrat ad nervos : illa ebrietas juvat , quæ in vacuum venit . Non videntur tibi contra naturam vivere , qui commutant cum fæminis vestem ? Non vivunt contra *Contra naturam vivere.* naturam , qui expectant , ut pueritia splendeat tempore alieno ? Quid fieri crudelius , vel miserius potest ? nunquam vir erit , ut diu virum pati possit ? & cum illum contumeliæ sexus eripuisse debuerat , ne ætas quidem eripiet ?

eripiet? Non vivunt contra naturam, qui hieme concupiscunt rosam; fomentoque aquarum calentium, & calorum apta mutatione, bruma lilium, florem vernum exprimunt? Non vivunt contra naturam, qui pomaria in summis turribus serunt? quorum siluæ in tectis domorum ac fastigiis nutant, inde ortis radicibus, quo improbe cacumina egissent? Cum instituerunt omnia contra naturæ consuetudinem velle, novissimè in totum ab illa de-

Omne sciscunt. Lucet: somni tempus: quies
tempus, est: nunc excerceamur, nunc geste-
sum mur, nunc prandeamus. Iam lux pro-
tempus pius accedit: tempus est cœnæ. Non
habeat. oportet id facere, quod populus: res sordida est, trita ac vulgari via vivere. Dies publicus relinquatur: proprium nobis, ac peculiare mane fiat. Isti verò mihi defunctorum loco sunt: quantum enim à funere absunt, & quidem acerbo, qui ad faces & cereos vivunt? Causa autem ita vivendi est quibusdam, non quia aliquid existiment noctem ipsam habere jucundius, sed quia nihil juvat obvium, & gravis malæ conscientiæ lux est: & omnia concupiscenti aut conteminenti, prout magno

magno aut parvo empta sunt, fastidium est lumen gratuitum. Præterea, luxuriosi, vitam suam esse in sermonibus, dum vivunt, volunt: nam si taceatur, perdere se putant operam. Itaque male habent, quoties non faciunt, quod excitet famam.

Non debes admirari, si tantas invenis vitiorum proprietates: varia sunt, *Vitia & peccata varia sunt.* & innumerabiles habent facies: comprehendendi eorum genera non possunt. Simplex recti cura est; multiplex pravi, & quantumvis novas declinationes capit. Idem moribus evenit: naturam sequentium, faciles sunt, soluti sunt, exiguas differentias habent: ab his distorti plurimum, & omnibus & inter se dissident. Causa tamen præcipua mihi videtur hujus morbi, vitæ communis fastidium. Ideo, Lucili, tenenda nobis via est, quam natura præscripsit, nec ab illa declinandum: illam sequentibus, omnia facilia & expedita sunt: contra illam nitentibus, non alia vita est, quam contra aquam remigantibus.

Ex Epistola 124.

De abstinentia & temperantia esus, & de adulatione vitanda, & duobus rerum generibus, quæ nos invitant aut fugant.

*Non esse
grave,
quod le-
viter
accipias.*

*Disce
pati.*

ITinere confectus incommodo magis, quàm longo, in Albanum meum nocte multa perveni. Nihil habeo paratum, nisi me. Itaque in lecto lassitudinem pono: hanc coqui, hanc pistoris moram boni consulo. Mecum enim de hoc ipso loquor, quàm nihil sit grave, quod leviter excipias: quàm indignandum nihil, nisi ipse indignando astruas. Non habet panem meus pistor: sed habet villicus, sed habet atrienfis, sed habet colonus. Malum panem, inquis. Expecta, bonus fiet: etiam illum tenerum tibi & siligineum fames reddet. Ideo non est ante edendum quàm illa imperet. Expectabo ergo: nec ante edam, quàm aut bonum panem habere cœperò, aut malum fastidire desiero. Necessarium est, parvo assuescere. Multæ difficultates locorum, multæ temporum, etiam locupletibus & instructis: à diis optantem prohibent, & occurrunt. Quicquid vult, habere nemo potest; illud potest, nolle quod non habet: rebus oblatiis

oblatis hilaris uti. Magna pars libertatis est, bene moratus venter, & con-
Venter bene moratus, pars libertatis est.
 umeliæ patiens. Æstimari non potest, quantam voluptatem capiam ex eo, quod lassitudo mea sibi ipsi acquiescit.

Non unctiões, non balneum, non ullum aliud remedium quàm temporis quæro. Multa quàm supervacua essent, non intelleximus, nisi cum deesse cœperunt. Utebamur enim illis, non quia debebamus, sed quia habebamus. Quàm multa autem paramus, quia alii paraverunt, quia apud plerosque sunt? Inter causas malorum nostrorum est, quod vivimus ad exempla: nec ratione componimur, sed consuetudine abducimur. Quod, si pauci facerent, nollemus imitari: cum plures facere cœperunt, quasi honestius sit, quia frequentius, sequimur: & recti apud nos locum tenet error, ubi publicus factus est.

Pessimum genus hominum videbatur, qui verba gestarent: sunt quidam qui vitia gestant. Horum sermo
De inani cantu & adulatione.
 multum nocet: nam etiamsi non statim officit, semina in animo relinquit, sequiturque nos etiam, cum ab illis discesserimus, resurrecturum postea malum.

malum. Quemadmodum qui audierunt symphoniam, ferunt secum in auribus modulationem illam ad dulcedinem cantus, quæ cogitationes impedit, nec ad seria patitur intendi: sic adulatorum, & prava laudantium sermo, diutius hæret quàm auditur: nec facile est, animo dulcem sonum excutere: prosequitur & durat, & ex intervallo recurrit. Ideo claudendæ sunt aures malis vocibus, & quidem primis. Nam cum initium fecerunt, admissæque sunt, plus audent. Inde ad hæc pervenitur verba: Virtus & philosophia, & Iustitia, verborum inanium crepitus est. Una felicitas est, bona vitæ, facere omnia libere, frui patrimonio: hoc est vivere, hoc est se mortalem esse meminisse. Fluunt dies, & irreparabilis vita decurrit. Dubitamus quod juvat facere, & ætati non semper voluptates decerpturæ, interim dum potest, dum poscit, ingerere? quid juvat frugalitate ultro mortem præcurrere, & quicquid illa ablatura est, jam sibi interdicere? Non est istud vivere, sed alienæ vitæ interesse. Quanta demencia est, hæredi suo procurare, & sibi negare omnia, ut tibi ex amico inimi-

cum

*Vnde
contem-
ptus
virtutis
& philo-
sophia.*

eum magna faciat hæreditas ? Plus enim gaudebit tua morte, quo plus acceperit. Istos tristes & superciliosos alienæ vitæ censores, suæ hostes, publicos pædagogos, assis ne feceris. Nec dubitaveris, bonam vitam, quàm opinionem bonam, malle. Hæ voces non aliter fugiendæ sunt, quàm illæ, quas Vlysses nisi alligatus, prætervehi noluit. Idem possunt: abducunt à patria, à parentibus, ab amicis, à virtutibus, & in turpem vitam miseros turpius illidunt. Quanto satius est, rectum sequi limitem, & eo se perducere, ut ea demum sint tibi jucunda, quæ honesta ? Quod assequi poterimus, si fecerimus duo esse genera rerum, quæ nos aut invitent, aut fugent. Invitent: ut divitiæ, voluptates, forma, ambitio, cetera blanda & arridentia. Fugent; labor, mors, dolor, ignominia, victus astrictior. Debemus itaque exerceri, ne hæc timeamus, ne illa cupiamus. In contrarium pugnemus, & ab invitantibus recedamus, adversus petentia concitemur. Non vides, quàm diversus sit ascendentium habitus, & descendentium? qui per pronum eunt, resupinant corpora: qui in arduum, incumbunt.

*Bona
vita
magis
quam o-
pinio de-
sideran-
da.*

*Duo re-
rum ge-
nera.*

*Volu-
ptas.*

Gloria.

*Super-
stitio.*

Nemo est casu bonus: discenda virtus est. Voluptas humilis res & pusilla est, & in nullo habenda pretio, communis cum brutis animalibus, ad quàm minima & contemptissima ad-
volant. Gloria vanum & volatile quid-
dam est, auraque mobilius. Paupertas nulli malum est, nisi repugnant. Mors malum non est: quid quereris? sola jus æquum est generis humani. Superstitio error insanus est, amandos timet: quos colit, violat. Quid enim interest, utrum deos neges, an infames? Hæc discenda, imo ediscenda sunt: non debet excusationes vitio Philosophia suggerere. Nullam habet spem salutis æger, quem ad intemperantiam medicus hortatur.

Ex Epistola 125.

*Quòd bonum non sensu, sed intellectu compre-
henditur: & quòd bonum in nullo est, nisi in
quo ratio.*

*Intelle-
ctus bo-
num
compre-
hendi-
s. 47.*

QUæritur, utrum sensu an intel-
lectu comprehendatur bonum. Huic adjunctum est, in mutis animalibus & infantibus non esse. Quicunque voluptatem in summo ponunt, sensibile judicant bonum: nos contra intelligibile, qui illud animo damus. Si
de

de bono sensus judicarent, nullam voluptatem rejiceremus: nulla enim non invitat, nulla non delectat. Et e contrario nullum dolorem volentes subiremus: nullus enim non offendit sensum. Præterea, non essent digni reprehensione, quibus nimium voluptas placet, quibusque summus est doloris timor. Atqui improbamus gulæ ac libidini addictos; & contemnimus illos qui nihil viriliter ausuri sunt doloris metu. Quid autem peccant, si sensibus, id est, judicibus boni ac mali, parent? • His enim tradidistis appetitionis & fugæ arbitrium. Sed videlicet ratio isti rei præposita est, quemadmodum debeat de vita, quemadmodum de virtute, de honesto, sic & de bono maloque constitui. Nam apud istos vilissimæ parti datur de meliore sententia, ut de bono pronunciet sensus, obtusa res & hebes, & in homine quàm in aliis animalibus tardior. Quid si quis velit non oculis, sed tactu minuta discernere? subtilior ad hoc nulla acies, quàm oculorum, & intentior daretur, *Ignorantia* bonum malumque dignoscere. Vides *veritas.* in quanta ignorantia veritatis versetur, & quàm humi divina ac sublimia

proiecit, apud quem de summo bono maloque judicat tactus. Quemadmodum, inquit, omnis scientia atque ars aliquid debet habere manifestum, sensu comprehensum, ex quo oriatur & crescat: sic beata vita fundamentum & initium à manifestis ducit, & eo, quod sub sensum cadit. Nempe vos à manifestis beatam vitam sui initium capere dicitis. Dicimus beata esse, quæ secundum naturam sunt: quid autem secundum naturam sit, palàm & protinus apparet, sicut quid sit integrum. Quid est secundum naturam? quod contingit & protinus nato, non dico bonum, sed initium boni. Tu summum bonum voluptatem infantiaæ donas, ut inde incipiat nascens, quo consummatus homo pervenit. Cacumen radicis loco ponis. Si quis diceret illum in materno utero jacentem vixque inceptum, tenerum, & imperfectum, & informem, jam in aliquo bono esse, aperte videretur errare: & non magis infans adhuc boni capax est, quàm arbor, aut mutum aliquod animal. Quare autem bonum in arbore animalique muto non est? quia nec ratio: ob hoc in infante quoque non est;

*Alii,
laten-
tem.*

est : nam & huic deest. Tunc ad bonum perveniet , cùm ad rationem pervenerit. In quo non potest beata vita esse , nec id potest quo beata vita efficitur : beata autem vita bonis efficitur : in muto animali non est quo beata vita efficitur : ergo in muto animali bonum non est. Mutum animal sensu comprehendit præsentia : præteritorum reminiscitur , cum id incidit , quo sensus admonetur : tanquam equus reminiscitur viæ , cum ad initium *Triplex* ejus admotus est. In stabulo quidem *tempus* nulla viæ , quamvis sæpe calcatæ , memoria est. Tertium verò tempus , id *hujus* *vita.* est futurum , ad muta non pertinet. Quomodo ergo potest eorum videri perfectæ natura , quibus usus perfecti temporis non est ? Tempus enim tribus partibus constat : præterito , præsentem , & futuro. Animalibus tantum quod brevissimum est , in transcurso datum , præsens : præteriti rara memoria est , nec unquam revocatur , nisi præsentium occurſu. Non potest ergo perfectæ naturæ bonum in imperfecta esse natura. Nec illud nego , ad ea quæ videntur secundum naturam , magnos esse mutis animalibus impetus & con-

K 7 citatos,

*Virtus
& viti-
um in
nos sunt.*

citatos , sed inordinatos ac turbidos .
Quid ergo, inquis, muta animalia per-
turbatè & indispositè moventur ? Di-
cerem illa perturbate & indisposite
moveri, si natura illorum ordinem ca-
peret: nunc moventur secundum natur-
am suam. Perturbatum enim id est
quod esse aliquando & non perturba-
tum potest. Sollicitum est, quod potest
esse securum. Nulli vitium est, nisi cui
virtus potest esse. Ita bonum in nullo
est, nisi in quo ratio. Quo nunc perti-
neat ista disputatio, quæris, & quid ani-
mo tuo profutura sit ? Dico: & exercet
illum, & acuit, & urique aliquid actu-
rum occupatione honesta tenet. Pro-
dest autem & quod moratur ad prava
properantem. Sed illud dico, nullo
modo prodesse tibi possum magis,
quàm si tibi bonum tuum ostendo, si
te à mutis animalibus separe, si cum
Deo pono. Quid, inquam, vires corpo-
ris alis & exeres ? Pecudibus istas ma-
jores ferisque natura concessit. Quid
excolis formam ? cum omnia feceris,
à multis animalibus decore vinceris.
Quid capillum ingenti diligentia co-
mis ? Cum illum vel effuderis more
Parthorum, vel Germanorum nodo
vinxeris,

*Nobilio-
res su-
mus
mutis a-
nimali-
bus.*

vinxeris , vel ut Scythæ solent, sparferis : in quolibet equo densior jactabitur juba , horrebit in leonum cervice formosior . Cùm te ad velocitatem paraveris , par lepusculo non eris . Vis tu, relictis in quibus vinci te necesse est, dum in aliena niteris , ad bonum reverti tuum ? Quid hoc est ? animus scilicet emendatus ac purus , æmulator Dei, super humana se extollens, nihil extra se sui ponens. Rationale animal es. Quod ergo in te bonum est ? *Perse-*
 Perfecta ratio . Hanc tu ad summum *ita ra-*
 finem evoca , in quantum potest *Plu-* *tio vi-*
 rimum crescere . Tunc beatum esse te *ra bo-*
 judica , cum tibi ex te gaudium omne *num est.*
 nascetur . Cum in his quæ homines eripiunt, optant, custodiunt , nihil inveneris, non dico quod malis, sed quod velis . Brevem tibi formulam dabo, qua te metiaris , qua perfectum esse jam sentias : bonum tunc habebis tuum , cum intelliges infelicissimos esse felices.

Ex

EX LIBRO DE
GUBERNATIONE
MUNDI,

Divinaque providentia.

Qualiter multa mala bonis accidunt.

*Amici-
tia in
Deum
& homi-
nes vir-
tute ac-
quiri-
tur.*

Quæstisti à me, Lucili, quid ita, si divina providentia mundus ageretur, multa bonis viris acciderent mala. Hoc commodius in contextu operis redderetur, cum præesse universis providentiam probaremus, & interesset nobis Deum. Inter bonos viros ac Deum amicitia est, conciliante virtute. Amicitia dico, imo etiam necessitudo & similitudo, quoniam quidem bonus tempore tantum à Deo differt, discipulus ejus æmulatorque & vera progenies, quem patens ille magnificus, virtutum non lenis exactor, sicut severi patres, durius educat. Itaque cum videris bonos viros acceptosque diis laborare, sudare, per arduum conscendere: malos autem lascivire, & voluptatibus fluere, cogita filiorum nos modestia delectari, vernularum licentia. Illos disciplina tristiori contineri,

tineri, horum ali audaciam. Idem tibi de Deo liqueat : bonum virum in deliciis non habet : experitur , indurat, sibi illum præparat.

De sustinendo impetu adversitatis.

Quare multa bonis viris mala eveniunt ? Nihil accidere bono viro mali potest. Non miscentur contraria. Omnia adversa exercitationes putat : quis autem vir , modò erectus ad honesta , non est laboris appetens justi, & ad officia cum periculo promptus ? Marcet sine adversario virtus. Tunc apparet quanta sit, quantum valeat polleatque, cum quid possit, patientia ostendit.

*Virtus
in tentatione
crescit.*

Quicquid accidit , boni consulant, in bonum vertant. Non quid, sed quæadmodum feras , interest. Non vides quanto aliter patres, aliter matres indulgeant ? Illi exercitari jubent liberos ad studia obeunda maturè, feriatis quoque diebus non patiuntur esse ociosos, & sudorem illis, & interdum lachrymas excutiunt. At matres fovere in sinu , continere in umbra volunt. Nunquam flere, nunquam contristari, nunquam laborare. Paternum Deus habet adversus bonos viros animum, & illos

*Deus
quos diligit, castigat.*

& illos fortius amat, & operibus, doloribus ac damnis exagitat, ut verum colligant robur. Languent per inertiam saginata, nec labore tantum, sed mole, & ipso sui onere deficiunt. Non fert ullum ictum illæsa felicitas.

Demetrii sententia.

Inter multa magnifica Demetrii nostri & hæc vox est: à qua recens sum, sonat adhuc & vibrat in auribus meis. Nihil, inquit, mihi videtur infelicius eo, cui nihil unquam aliquid evenit adversi. Quanto plus tormenti, tanto plus erit gloriæ.

De prosperitate.

Virtus periculum afficit.

Prospera in plebem ac vilia ingenia deveniunt. At calamitates terroresque mortalium sub jugum mittere, proprium magni viri est. Miserrime te judico, quod non fuisti miser: transigisti sine adversario vitam. Nemo sciet quid potueris, nec tu quidem ipse. Opus est enim ad notitiam sui experimento, quod quidem quisque posset, nisi tentando non didicit. Avida est periculi virtus, & quo tendat, non quid passura sit, cogitat, quoniam & quod passura est, gloriæ pars est. Gubernatorem in tempestate, in acie militem intelligas. Unde possum scire quantum
tum

tum adversus paupertatem tibi animi sit, si divitiis diffuis? Unde possum scire quantum adversus ignominiam, & infamiam, odiumque popolare constantiae habeas, si inter plausus senescis; si te inexpugnabilis, & inclinatione quadam mentium pronus favor sequitur? Calamitas virtutis occasio est. Hos itaque Deus, quos probat, quos amat, indurat, recognoscit, exercet. Eos autem, quibus indulgere videtur, quibus parcere, molles venturis malis servat. Quare Deus optimū quemq; aut mala

Exercitum bonorum hominum.

valetudine, aut luctu, aut incommodis afficit? Quare in castris quoque periculosa fortissimis imperantur? Dux letissimos mittit, qui nocturnis hostes aggrediantur insidiis, aut explorent iter, aut praesidiū loco deiciant. Nemo eorum qui exeunt dicit: male de me Imperator meruit, sed bene judicavit. Idem dicant quicunque jubentur pati, timidis ignavisque flebilia: Digni visum sumus Deo, in quibus experiretur, quantum humana natura posset pati. Fugite delitias, fugite enervatam felicitatem, qua animi marcescunt, & nisi aliquid intervenit, quod humane sortis admoneat, velut perpetua ebrietate sopiuntur.

Quidni

*Viri bo-
ni magis
proban-
tur.*

Quidni id satius sit , perpetuam infelicitatem, quæ advocat ad virtutem, sustinere , quàm infinitis atque immodicis bonis rumpi? Hanc itaque rationem dii sequuntur in bonis viris, quam in discipulis suis præceptores, qui plus laboris ab his exigunt , in quibus certior spes est . Nunquid tu invisos esse Lacedæmoniis liberos suos credis, quorum experiuntur indolem, publice verberibus admotis ? Ipsi illos patres adhortantur , ut ictus flagellorum fortiter perferant , & laceros ac semianimes rogant , perseverent vulnera præbere vulneribus. Quid mirum, si durè generosos spiritus Deus tentat ? Contemptum periculorum assiduitas periclitandi dabit. Sic sunt nautica corpora ferendo mari dura . Agricolis manus tritæ. Ad excutienda tela militares lacerti valent. Agilia sunt membra cursoribus. Id in quoque solidissimum est, quod exercuit . Non est arbor solida, nec fortis , nisi in quam frequens ventus incurSAT ; Ipsa enim vexatione constringitur, & radices certius figit. Hanc quoque animosam Demetrii fortissimi viri vocem audisse me , memini : hoc unum, inquit, Dii immortales, de vobis

*Rusticus
duros
habet
lacertos.*

*Demetrii me-
moranda sen-
tentia,*

vobis queri possum, quod non ante mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis offero. Vultis aliquam partem corporis? sumite. Non magnani rem promitto, cito totum relinquam. Vultis spiritum? Quidni? nullam moram faciam, quo minus recipiatis quod dedistis. A volente fere-
tis, quicquid petieritis. Quid ergo est? maluissem offerre, quam tradere. Quid opus fuit auferre? accipere potuistis, sed ne nunc quidem auferetis: quia nihil eripitur, nisi retinenti. Nihil cogor, nihil patior invitus, nec ser-
vio Deo, sed assentio. Ipse ignis aurum *Servit-
tus &
amor.* probat, miseria fortes viros. Quare tamen bonis viris patitur aliquid mali Deus fieri? Ille verò non patitur: omnia mala ab illis removet, scelera & flagitia, & cogitationes improbas, & avida consilia, & libidinem cæcam & alieno imminentem avaritiam. Ipsos tuetur & vindicat. Nunquid hæc quoque à Deo aliquis exigit, ut bonorum virorum etiam sarcinas servet? Remittunt ipsi hanc Deo curam, externa contemnunt. Democritus divitias projecit,

projecit, onus illas bonæ mentis existimans.

Bona peritura & mala. Puta itaque Deum dicere: Quid habetis, quod de me queri possitis vos, quibus recta placuerunt? Aliis bona falsa circumdedi, & animos inanes, velut longo fallacique somnio lusi. Auro illos & argento & ebore adornavi, intus boni nihil est. Isti, quos pro felicibus aspicitis, si non qua occurrunt, sed qua latent videritis, miseri sunt, sordidi, turpes, ad similitudinem parietum suorum extrinsecus culti. Non est illa solida & sincera felicitas, crusta est, & quidem tenuis. Itaque dum illis licet stare, & ad arbitrium suum ostendi, nitent & imponunt: cum aliquid incidere, quod disturbet ac detegat, tunc apparet, quantum altæ ac veræ fœditatis alienus splendor absconderit. Vobis dedi bona certa mensura, quanto magis versaveritis, & undique inspexeritis, meliora majoraque permisi vobis, metuenda contemnere, cupienda fastidire. Non fulgetis extrinsecus: bona vestra introrsus obversa sunt. Sic mundus exteriora contempsit, spectaculo sui lætus. Intus omne posuit bonū. Non egere felicitate, felicitas vestra est.

Ex

E X L I B R O

D E

P A U P E R T A T E.

Quòd læta paupertas honesta res sit.

HOnesta, inquit Epicurus, res est, læta paupertas. Illa verò non jam paupertas est, si læta est. Cui cum paupertate bene convenit, dives est. Non qui parum habet, sed qui plura cupit, pauper est. Quid enim refert, quantum illi in arca, quantum in horreis lateat, quantum pascat aut sceneretur, si alieno imminet, si non acquisita, sed acquirenda concupiscit? Quis sit modus divitiarum, quæris. Primò habere quod necesse est: secundò quod satis est. Nulli potest secura vita contingere, qui de re producenda nimis cogitat. Miser est, qui se beatissimum non judicat, licet toti mundo imperet. Multis divitias parasse, non finis miseriarum est, sed mutatio. Non in rebus vitium, sed in animo ipso est. Istud, quod paupertatem gravem nobis fecerat, & divitias graves fecit. Quare possessiones tibi non interdico, sed efficere volo, ut illas intrepide possideas.

*Vitium
non in
rebus sed
in ani-
mo.*

deas . Res inquieta felicitas est, ipsa se exagitat, movet cerebrum, non in uno grave . Alios in alium irritat, alios in potentiam: illos inflat, alios emollit. Si vis scire quòd nihil mali sit in paupertate, compara inter se multum pauperes & divites . Sæpius pauper & fidelius ridet, nulla solitudine concutitur, in alto est . Cura velut nubes levis transit . Horum, qui felices vocantur, hilaritas ficta est: hic enim gravis & sub purpura lucet, non palàm tristitia est, eò quidem gravior, quod interdum non licet palàm esse miseros, sed inter æumnas, cor ipsum exedentes, necesse est latere felicem. Abstrahunt à recto divitiæ, honores, potentia, & cetera, quæ opinione hominum cara sunt, pretio suo vilia . Quæ bona sunt, fiduciam faciunt, divitiæ audaciam . Quæ bona sunt, magnitudinem animi dant, divitiæ insolentiam.

Dignitates à Deo retrahunt.

EX LIBRO PRIMO

De Ira ad Novatum.

EXegisti à me Novate, ut scriberem, quemadmodum posset ira leniri, nec immerito mihi videris hunc præcipue affectum pertimuisse, maxime ex omnibus tetrum ac rabidum. Rationi consiliisque præclusa, vanis agitata causis, ad dispectum æqui verique inhabilis, ruinis simillima, quæ super id quod oppressere, franguntur. Ut autem scias non esse sanos; quos ira pos-

*Habitus
irati ho-
minis.*

Nam ut furentium certa indicia sunt, audax & minax vultus, tristis frons, torva facies, citatus gradus, inquietæ manus, color versus, crebra, & vehementius acta suspiria: ita irascentium eadem signa sunt. Flagrant & micant

Admo-

oculi, multus ore toto rubor, exæ-

nitio

stuate ab imis præcordiis sanguine;

cum ra-

labia quatiuntur, dentes compri-

tione

muntur, horrent ac subriguntur capil-

fiat.

li, spiritus coactus ac stridens, articu-
lorum seipso torquentium sonus, ge-
mitus, mugitusque, & parum explana-
tis vocibus sermo præruptus, & com-

L

plosæ

plœ sæpius manus, & pulsata humus
pedibus, & totum concitum corpus,
magnasque minas agens, fœda visu &
horrenda facies depravantium se, at-
que intumescantium. Nullum est ani-
mal tam horrendum tam pernicio-
sum natura, ut non appareat in illo,
ubi ira invasit, nova feritatis accessio.
Aspice nobilissimarum civitatum fun-
damenta vix notabilia: has ira dejecit.

*Ira quæ
mala o-
peratur.*

Aspice solitudines per multa millia si-
ne habitatione desertas, has ira ex-
hausit. Aspice tot memoriæ proditos
duces, mali exempla fati: alium ira in
cubili suo confodit; alium inter sacra
mensæ ira percussit; alium in cruces
membra dividere. Adhuc singulorum
supplicia narro. Quin si tibi libuerit,
relictis in quos ira viritim exarsit,
nunc quæramus, an ira secundum na-
turam sit, & an utilis, atque ex aliqua
parte retinenda? An secundum natu-
ram sit; manifestum erit, si hominem
inspexerimus: quoquid est mitius, dum
in recto animi habitu est? Quid autem
ira crudelius est? Homine quid alio-
rum amantius? quid ira infestius?
Homo in adjutorium mutuum gene-
ratus est: ira in exitium. Hic congre-
gari

*Ira nihil
crude-
lius.*

gari vult ; illa discedere : hic prodesse, illa nocere : hic etiam ignotis succurrere , illa etiam carissimos petere : hic aliorum commodis vel impendere se paratus est ; ira in periculum, dummodo deducat, descendere .

Ira, ut diximus, avida pœnæ est: cu-
jus cupidinem inesse pacatissimo ho-
minis pectori, minime secundum *Admo-
nitio* *cum ra-*
naturam est. Beneficiis enim humana *tione*
vita consistit, & concordia: nec terro-
re, sed mutuo amore, in fœdus auxili-
umque commune constringitur. Quid
ergo ? non aliquando castigatio ne-
cessaria est ? Quid ni ? sed hæc sincera,
cum ratione : non enim nocet, sed
medetur specie nocendi. Quemad-
modum quædam hastilia detorta, ut
corrigamus, adurimus, & adactis cu-
neis, non ut frangamus, sed ut explicemus,
elidimus: sic ingenia vitio prava,
dolore corporis animique corrigimus.
Nempe Medicus primò in levibus vi-
tiis tentat non multum ex quotidiana
consuetudine inflectere, & cibis, po-
tionibus, exercitationibus ordinem
ponere, ac valetudinem tantum mu-
tata vitæ dispositione firmare: proxi-
mum est, ut modus proficiat: si modus

fiat.

Comparatio

& ordo non proficit; subducit aliqua;
 & circuncidit: si ne adhuc quidem
 respondet; interdicit cibis, & absti-
 nentia corpus exonerat: si frustra mol-
 liora cesserunt; ferit venam, mem-
 brisque si adhærentia nocent, & mor-
 bum diffundunt, manus affert: nec
 ulla dura videtur curatio, cujus saluta-
 ris effectus est. Optimum est primum
 irritamentum iræ protinus spernere,
Alii, ipsisque repugnare seminibus, & dare
sensibus. operam, ne incidamus in iram: nam
 si cœperit ferre transversos, difficilis
Princi- ad salutem recursus est. Quoniam ni-
pius ob hil rationis est, ubi semel affectus in-
sta. ductus est, jusque illi aliquod voluntate
 nostra datum est. Faciet de cetero
 quantum volet, non quantum permi-
 seris. In confinibus hostis arcendus
 est: nam cum intravit, & portis se in-
 tulit, modum à captivis non accipit.
 Quid Cimbrorum, Theutonorumque
 tot millia superfusa Alpibus ita sustu-
 lit, ut tantæ cladis notitiam ad suos
 non nuntius, sed fama pertulerit, nisi
 quod erat illis ira pro virtute; quæ ut
 aliquando perculit, stravitque obvia,
 ita sæpius sibi exitio est. Germanis
 quid est animosius? Quid ad incursum
 acrius?

*Germa-
ni ani-
mosi.*

acrius? quid armorum cupidius? quibus innascuntur innutriunturque; quorum unica illis cura est, in alia negligentibus. Quid induratus ad omnem patientiam? ut quibus magna ex parte non tegumenta corporum provisâ sunt, non suffugia adversus perpetuum cæli rigorem. Hos tamen Hispani Gallique, & Asiæ Syriæque molles bello viri, antequam legio visatur, cædunt: ob nullam rem aliam opportunos, quàm ob iracundiam. Agedum, illis corporibus, illis animis delitias, luxum, opes ignorantibus, da rationem, da disciplinam. Ut nihil amplius dicam, necesse erit nobis certe mores Romanos repetere. Illa certissima est virtus, quæ se diu multumque circumspexit, & rexit, & ex lento ac destinato provexit. Peccantes verò quid habet cur oderit, cum error illos in hujusmodi delicta compellat? Non est autem prudentis, errantes odisse: alioquin ipse sibi odio erit. Cogitet quàm multa contra bonum morem faciat, quàm multa ex his quæ egit, veniam desiderent. Iam irascetur etiam sibi. Nemo, inquam, invenitur, qui se possit absolvere: & innocentem quis-

*Corre-
ctio sine
ira.*

que se dicit , respiciens testem , non conscientiam. Quanto humanius, mitem & paternum animum præstare peccantibus , & illos non persequi, sed revocare? Errantem per agros, ignorantia viæ , melius est ad rectum iter admovere, quàm expellere. Corrigen- dus est itaque qui peccat , & admoni- tione, & vi, & molliter, & aspere; me- liorque tam sibi quàm aliis faciendus, non sine castigatione , sed sine ira. Quis enim cui medetur , irascitur? At corrigi nequeunt , nihilque in illis spei bonæ capax est. Nil minus quàm irasci punientem decet : cum eò magis ad emendationem pœna proficiat , si ju- dicio lata est. Inde est , quod Socrates servo ait : Cæderem te , nisi irascerer. Admonitionem servi in tempus sanius distulit, illo tempore se admonuit. Cu- jus erit temperatus affectus , cum So- crates non sit ausus se iræ committere? Ergo ad coërcitionem errantium , sce- leratorumque , irato castigatore non opus est. Nam cum ira delictum animi sit , non oportet peccata corrigere peccantem . Sæpe infestâ patrono, reum damnat : etiam si ingeritur ocu- lis veritas , amat & tuetur errorem ;

coargui

*Socratis
dictum.*

coargui non vult : & in male cœptis ,
honestior illi pertinacia videtur , quàm
pœnitentia. Cn. Piso fuit memoria
nostra , vir à multis vitiis integer , sed ^{Rigor}
prævus , & cui placebat pro constantia , ^{judicis}
rigor , &c. Omnia ista non refert , in ^{nimius}
quantum procedant , extendantque se : ^{reprobatur.}
angusta sunt , misera , depressa. Sola
sublimis & excelsa virtus est : nec quic-
quam magnum est , nisi quod simul &
placidum.

EX LIBRO SECUNDO

DE IRA.

Quibus virtus est Ira.

Virtus , inquit , ut honestis rebus
propitia est , ita turpibus irata esse
debet. Atqui si irasci sapiens debet
turpiter factis , & concitari contrista-
rique ob scelera , nihil est ærumnosius
sapiente : omnis illi per iracundiam
mœroremque vita transibit. Quod e-
nim momentum erit , quo non impro-
banda videat ? Nusquam oculi ejus
flectentur , ut non quod indignentur ,
inveniant. Deficiet , si toties à se iram ,
quoties causa poscet , exegerit. Hæc

tot millia ad forum prima luce pro-
perantia, quàm turpes lites, quanto
turpiores advocatos habent? Alius ju-
dicia patris accusat, quæ mereri satius
fuit: alius cum matre consistit. Quil

*In foro
& judi-
cio nulla
pax.*

singula prosequor? cum videris forum
multitudine refertum, & Septa cor-
cursu omnis frequentia plena, & illū

Circum, in quo maximam sui partem
populus ostendit: hoc scito, istic tan-
tundem esse vitiorum, quantum ho-
minum. Inter istos, quos togatos
vides, nulla pax est: alter in alterius
exitium levi compendio ducitur. Nulli
nisi ex alterius damno quæstus est: fe-
licem oderunt, infelicem contem-
nunt: majore gravantur, minori gra-
ves sunt: diversis stimulantur cupidita-
tibus: omnia perdita ob levem volu-
ptatem prædamque cupiunt. Non alia
quàm in ludo gladiatorio vita est, cum
iisdem viventium pugnantiumque. Fe-
rarum iste conventus est: nisi quod
illæ inter se placidæ sunt, morsuque si-
milium abstinent, hi mutua laceratio-
ne satiantur. Hoc uno ab animalibus
mutis differunt: quòd illa mansuescunt
alentibus, horum rabies ipsos, à quibus
est nutrita, depascitur. Nunquam
irasci

irasci desinet sapiens, si semel cœperit; Totus
mundus
in mali-
gno posi-
tus.
omnia sceleribus ac vitiis plena sunt :
plus committitur, quàm quod possit
coercitione sanari. Certatur ingenti
quodam nequitiae certamine; major
quotidie peccandi cupiditas, minor
verecundia est. Expulso melioris æ-
quiorisque respectu, quocunque visum
est, libido se impingit, nec furtiva jam
scelera sunt: præter oculos eunt. Adeo-
que in publicum missa nequitia est, &
in omnium pectoribus evaluit, ut in-
nocentia non rara, sed nulla sit. Nun-
quid enim singuli aut pauci rupere le-
gem? undique, velut signo dato, ad fas
nefasque miscendum coorti sunt.

— *Non hospes ab hospite tutus ,
Non socer à genero : fratrum quoque
gratia rara est,*

Imminet exitio vir conjugis, illa ma- Mali e-
tiam u-
nicui-
riti,

Lurida terribiles miscent aconita quetole-
randi.
no verca.

*Filius ante diem patrios inquit in
annos .*

Et quota pars ista scelerum est? Si
tantum irasci vis sapientem, quantum
scelerum indignitas exigit: non ira-
scendum illi, sed insaniendum est. Illud

L 5 potius

potius cogitabis, non esse irascendum erroribus: quid enim, si quis irascatur in tenebris parum vestigia certa ponentibus? Quid si quis surdis, imperia non exaudientibus? quid si pueris, quod neglecto dispectu officiorum, ad lusus & ineptos æqualium jocos spectent? quid si illis irasci velis, qui ægrotant, senescunt, fatigantur? Inter cætera mortalitatis incommoda, & hæc est caligo mentium: nec tantum necessitas errandi, sed errorum amor. Ne singulis irascaris, universis ignoscendum: generi humano venia tribuenda est.

*Ignoscendum
& indulgendum
multis.*

*Severitas in
peccata
paucorum
exercenda.
Heraclitus.*

Hac conditione nati sumus, animalia obnoxia non paucioribus animi, quàm corporis morbis: non quidem obtusa nectarda, sed acuminè nostro male utentia. Altera alteri vitiorum exempla. Quisque sequitur priores, male iter ingressos: quidni habeant excusationem, cum publica via erraverint? In singulos severitas Imperatoris distringitur: at necessaria venia est, ubi totus deseruit exercitus. Quid tollit iram sapientis? turba peccantium. Intelligit quàm & iniquum sit, & periculosum, irasci publico vitio. Heraclitus quoties prodierat & tantum circa se
male

male viventium , imo male pereun-
 tium viderat , flebat , miserebatur o-
 mnium , qui sibi læti felicesque occur-
 rebant, miti animo, sed nimis imbecil-
 lo ; & ipse inter deplorandos erat. De- *Demo-*
 mocritum contrà ajunt, nunquam sine *critus.*
 risu in publico fuisse : adeo nihil illi
 videbatur serium eorum , quæ seriò
 gerebantur. Ubi istic iræ locus est? aut
 ridenda omnia , aut flenda sunt. Non
 irascetur sapiens peccantibus. Quare?
 quia scit neminem nasci sapientem,
 sed fieri : scit paucissimos omni ævo
 sapientes evadere , quia conditio-
 nem humanæ vitæ perspectam ha-
 bent: nemo autem naturæ sanus ira-
 scitur. Quid enim si mirari velit , non
 in silvestribus dumis poma pendere?
 quid si mîretur spineta sentesque , non
 utili aliqua fruge compleri ? Nemo
 irascitur , ubi vitium natura defendit.
 Placidus itaque sapiens & æquus erro-
 ribus, non hostis , sed corrector pec-
 cantium , hoc quotidie procedit ani- *Non ho-*
 mo. Multi mihi occurrent vino dediti, *stis, sed*
 multi libidinosi, multi ingrati, multi *corrector*
 avari, multi furiis ambitionis agitati. *simus,*
 Omnia ista tam propitius aspiciet,
 quàm ægros suos Medicus.

*Neceſſe eſt multos timeat , quem
multi timent.*

Ita natura conſtituit , ut quod alieno metu magnum eſt , à ſuo non vacet . Leoni quam pavida ſunt ad leviffimos ſtrepitus peſtora?acerrimas feras umbra , vox & odor inſolitus exagitat; quicquid terret, & trepidat. Non eſt ergo quare concupiſcat quiſquam ſapiēs timeri . Nec ideo iram magnum quid quisquam putet , quia formidini eſt: quoniam quędam etiam contemptiſſima timentur : venena, & offa mortifera, & morſus. Vanis enim vana terrori ſunt. Elephantes porcina vox terret. Sic itaque ira metuitur, quomodo umbra ab infantibus , à feris rubens pinna . Atqui nihil eſt tam difficile & arduum, quod non humana mens vincat , & in familiaritatem perducatur aſſidua meditatio : nullique ſunt tam feri & ſui juris affectus, ut non diſciplina perdomentur . Quodcunque ſibi imperavit animus, obtinuit . Quidam ne unquam riderent , conſecuti ſunt : vino quidam , alii venere , quidam omni humore interdixere corporibus . Alius contentus brevi ſomno , vigiliam indefatigabilem extendit : didicerunt.

*Nihil
difficile
eſt.*

cerunt alii tenuissimis & adversis funibus currere, & ingentia, vixque humanis toleranda viribus onera portare, & *Labor*
 in immensam altitudinem mergi, ac *impro-*
 sine ulla respirandi vice perpeti maria. *bis o-*
 Mille sunt alia, in quibus pertinacia *mnia*
 impedimentum omne transcendit, ostenditque nihil esse difficile, cujus sibi ipsa mens patientiam indiceret. Istis, quos paulò ante retuli, aut nulla tam pertinacis studii, aut indigna merces fuit. Quid enim magnificum consequitur ille, qui meditatus est per intensos funes ire? qui sarcinæ ingenti cervices supponere? qui somno non submittere oculos? qui penetrare in imum mare? & tamen ad finem operis, non magno auctoramento, labor pervenit. Nos non advocabimus patientiam, quos tantum præmium expectat, felicitis animi immota tranquillitas? Quantum est effugere maximum malum iram, & cum illa rabiem, sævitiam, crudelitatem, furorem, & alios comites ejus affectus?

Nec, ut quibusdam dictum est, ar- *Facilis*
 duum in virtutes, & asperum iter est: *ad vir-*
 plano adeuntur. Multo difficilius est, *tutes*
 facere ista quæ facitis: quid enim *via.*

quiete ociosius animi , quid ira laboriosius? quid clementia remissius, quid crudelitate negotiosius? Vacat pudicitia , libido occupatissima est. Omnium denique virtutum tutela faciliior est : vitia magno cumentur. Debet ira removeri.

De diversitate naturae hominum secundum elementa.

Opportunissima ad iracundiam fervidi animi natura est . Nam cum elementa sunt quatuor , ignis , aër , aqua , terra ; potestates pares his sunt , fervida , frigida , arida , atque humida . Et locorum itaque, & animalium, & corporum, & morum varietates mixtura elementorum facit : & proinde in aliquos magis incumbunt ingenia, prout alicujus elementi major vis abundavit. Inde quasdam humidas vocamus, aridasque regiones, & calidas, & frigidas . Eadem animalium & hominum discrimina sunt. Refert quantum quisque humidi in se calidique contineat : cujus in illo elementi portio praevaleret , inde mores erunt . Iracundos fervidi mixtura faciet : est enim actuosus & pertinax ignis. Frigidi mixtura timidos facit : pigrum est enim contractumque frigus . Volunt itaque quidam ex nostris iram in pectore moveri.

veri, effervescente circa cor sanguine. Causa cur hic potissimum assignetur iræ locus, non est alia, quàm quod in *Causa* toto corpore calidissimum pectus est. *ira.* Quibus humidi plus inest, eorum paulatim crescit ira, quia non est paratus illis calor, sed motu acquiritur. Itaque puerorum feminarumque iræ acres magis, quàm graves sunt, levioresque dum incipiunt. Siccis ætatibus vehemens robustaque ira est, sed sine incremento, non multum sibi adjiciens: quia inclinatum calorem frigus insequitur. Senes difficiles & queruli sunt. Vinum incendit iram: quia calorem auget pro cuiusque natura.

Naturam quidem mutare, difficile est: nec licet semel mixta nascentium elementa convertere. Sed in hoc nosse profuit, ut calentibus ingeniis subtrahatur vinum: quod pueris Plato *Vinum* negandum putat, & ignem vetat igne *negandum* incitari. Nec cibis quidem implendi *pueris.* sunt. Distendentur enim corpora, & animi cum corpore tumescent. Labor illos citra lassitudinem exerceat, ut minuatur, & non ut consumatur calor, nimiusque ille fervor despumet. Lusus quoque proderunt. Modica enim voluptas

luptas laxat animos, & temperat. Humidioribus, siccioribus & frigidis non est ab ira periculum: sed majora vitia metuenda sunt, pavor, difficultas, & desperatio, & suspiciones. Mollienda itaque, fovendaque talia ingenia, & in lætitiā avocanda sunt.

*De re-
gimine
puero-
rum.*

Plurimum, inquam, proderit pueros statim salubriter institui. Difficile autem regimen est: quia dare debemus operam, ne aut iram in illis nutriamus, aut indolem retundamus. Diligenti observatione res indiget. Dabimus aliquod laxamentum: in desidiā verò otiumque non resolvemus, & procul à contactu deliciarum retinebimus. Nihil enim magis facit iracundos, quàm educatio mollis & blanda. Ideo unicus quo plus indulgetur, pupillisque quò plus licet, eò corruptior animus est. Non resistet offensis, cui nihil unquam negatum est, cui lacrimas sollicita semper mater absterfit, cui de pædagogo satisfactum est.

Longè itaque ab assentatione pueritia removenda est. Audiat verum, & timeat interim, vereatur semper, majoribus assurgat. Nihil per iracundiam exoret. Quod flenti negatum fuerat, quieto

quieto offeratur, & divitias parentum in conspectu habeat, non in usu. Exprobrentur illi perperam facta. Pertinebit ad rem, præceptores pædagogosque pueris placidos dari. Proximis applicatur omne quod tenerum est; & in eorum similitudinem crescit. Nutricum ac pædagogorum retulere mox in adolescentiam mores. Apud Platonem educatus puer, cum ad parentes relatus, vociferantem videret patrem; Nunquam, inquit, hoc apud Platonem vidi.

Aliena vitia in oculis habemus, à tergo nostra sunt. Inde est, quod tempestiva filii convivium pater deterior filio castigat. Nihil alienæ luxuriæ ignoscit, qui nihil suæ negavit: & homicidæ tyrannus irascitur, & punit furta sacrilegus. Magna pars hominum est, quæ non peccatis irascitur, sed peccantibus. Faciet nos moderatiores respectus nostri, si consuluerimus nos. Nunquid & ipsi aliquid tale commisimus? nunquid sic erravimus? Expeditne nobis ista damnari? Maximum remedium est iræ, mora.

Ex

EX LIBRO TERTIO DE IRA.

*Pars superior
mundi
caret tumultu.*

*Democriti
præceptum
salutare.*

Non est magnus animus , quem incurvat injuria . Aut potentior te, aut imbecillior læsit: si imbecillior, parce illi: si potentior, tibi. Nullum est argumentum magnitudinis certius, quam nihil posse, quo instigeris, accidere. Pars superior mundi & ordinatior, ac propinqua sideribus, nec in nubem cogitur, nec in tempestatem impellitur , nec versatur in turbinem: omni tumultu caret : inferiora fulmigrant. Eodem modo sublimis animus, quietus semper, & in statione tranquilla collocatus, intra se premens, quibus ira contrahitur , modestus & venerabilis est & compositus: quorum nihil invenies in irato. Quis enim traditus dolori & furens , non primam rejecit verecundiam ? quis impetu turbidus, & in aliquem ruens, non quicquid in se verecundi habuit, abjecit : Cui officiorum numerus aut ordo constitit incitato? quis linguæ temperavit ? quis ullam partem corporis tenuit ? quis se regere potuit ? In immensum proderit nobis illud Democriti salutare præceptum:

ptum: non monstratur tranquillitas, si neque privatim, neque publicè multa, aut majora viribus nostris egerimus. Nunquam tam feliciter in multa discurrenti negotia dies transit, ut non aut ex homine, aut ex re offensa nascatur, quæ animum in iras paret. Quemadmodum per frequentia urbis loca properanti in multos incurritandum est, & alicubi labi necesse est, alicubi retineri, alicubi respergi: ita in hoc vitæ actu dissipato & vago, multa impedimenta, multæ querelæ incidunt. Alius spem nostram fefellit, alius distulit, alius interceptit: non ex destinato proposita fluxerunt. Nulli fortuna tam dedita est, ut multa tentanti ubique respondeat. Sequitur ergo, ut is cui contra quàm proposuerat, aliqua cesserunt, impatiens hominum rerumque sit, ex levissimis causis irascatur, nunc personæ, nunc negotio, nunc loco, nunc fortunæ, nunc sibi. Itaque ut quietus possit esse animus, non est iactandus, nec multarum, ut dixi, rerum actu fatigandus, nec magnarum supraque vires appetitarum. Facile est, levia aptare cervicibus, & in hanc aut in illam partem transferre
sine

*Vbi
 multi-
 tudo, ibi
 confusio*

sine lapsu: at quæ alienis in nos manibus imposita ægre sustinemus, victi in proximos effundimus, & dum stamus sub sarcina, impares oneri vacillamus. Idem accidere in rebus civilibus ac domesticis, scias. Negotia expedita & habilia sequuntur actorem: ingentia, & supra mensuram agentis: nec dant se facile, & si occupata sunt, premunt atque adducunt administrantem. Itaque fit, ut frequenter irrita sit ejus voluntas, qui non quæ facilia sunt, aggreditur, sed vult facilia esse, quæ aggressus est. Quoties aliquid conaberis, te simul & ea quæ paras, quibusque pararis, ipse metire. Faciet enim te asperum poenitentia operis infecti.

*Instrumenta
quibus
mens
reficitur.*

Et animus non inter plura versandus, sed artibus amœnis tradendus. Lectio illum carminum obleniat, & historia fabulis detineat; mollius delicatiusque tractetur. Pythagoras perturbationes animi lyra componebat. Quis autem ignorat, lituos & tubas concitamenta esse; sicut quosdam cantus blandimenta, quibus mens resolvatur? Confusis oculis profunt virentia, & quibusdam coloribus infirma acies acquiescit, quorundam splendore præstrin-

præstringitur : sic mentes ægras studia læta permulcent . Forum, advocationes, iudicia, fugere debemus, & omnia quæ exulcerant vitium, æque cavere lassitudinem corporis . Consumit enim, quicquid in nobis mite placidumque est, & acria concitat . Ideo quibus stomachus suspectus est, processuri ad res agendas majoris negotii, bilem cibo temperant: quam maxime movet fatigatio : sive quia calorem inedia compellit, & nocet sanguini, cursumque ejus, venis laborantibus, sistit : sive quia corpus attenuatum & infirmum incumbit animo : certe ob eandem causam iracundiores sunt valetudine aut ætate fessi . Fames quoque & sitis, ex eisdem causis, vitanda est: exasperat enim & incendit animos. Vetus dictum est, A lasso rixam quæri. Æque autem & ab esuriente, & à sitiente, & ab omni homine quem aliqua res urit . Nam ut ulcera ad levem tactum, deinde etiam ad suspicionem tactus condolescunt : ita animus affectus, minimis offenditur ; adeo, ut quosdam salutatio, epistola, oratio, & interrogatio in litem evocent . Nunquam sine querela ægra tanguntur .

Optimum

*Causa
ira.*

*Adagi-
um com-
mune.*

*Vitius in
principio
resisten-
dum.*

Optimum est itaque, ad primum mali sensum mederi sibi: tum verbis quoque suis minimum libertatis dare, & inhibere impetum. Facile est autem, affectus suos cum primum oriuntur,prehendere. Morbum signa præcurrunt. Quemadmodum tempestatis ac pluvie ante ipsas notæ veniunt: ita iræ, amoris, omniumque istarum procellarum animos vexantium, sunt quædam prænuncia.

*Remedia
ira.*

Non expedit omnia videre, omnia audire: multæ nos injuriæ transeant: ex quibus plerasque non accipit, qui nescit. Non vis esse iracundus? ne sis curiosus. Qui inquit quid in se dictū sit, qui malignos sermones etiam si secreto habiti sint, eruit, se ipse inquietat. Quædam interpretatio eò producit, ut videantur injuriæ. Itaque alia differenda sunt, alia deridenda, alia donanda. Circumscribenda multis modis ira est. Pleraque in lulum jocumque vertantur. Socratem ajunt, colapho percussum nihil amplius dixisse, quàm Molestum esse, quod nescirent homines quando cum galea prodire deberent. Non quemadmodum facta sit injuria refert, sed quemadmodum lata.

Quis

Quis sum, cujus aures lædi nefas sit?
Ignoverunt multi hostibus: ego non
ignoscam pigris, negligentibus, garru-
lis? Puerum ætas excuset, feminam *Dimittite & dimitte-
tur va-*
sexus, extraneum libertas, domesti-
cum familiaritas. Nunc primum of-
fendit? cogitemus quamdiu placuerit.
Sæpe & alias offendit? feramus quod
diu tulimus. Amicus est? fecit quod
noluit. Inimicus? fecit quod debuit.
Prudentiori cedamus: stultiori remit-
tamus: pro quocunque, illud respon-
deamus nobis, sapientissimos quoque
viros multa delinquere: neminem esse
tam circumspectum, cujus non dili-
gentia aliquando sibiipsi excidat: ne-
minem tam maturum, cujus non gra-
vitatem in aliquod fervidius factum
casus impingat: neminem tam timi-
dum offensarum, qui non in illas, dum
vitat, incidat. Sic animo æquiore feret
ab aliquo lædi, ab aliquo contemni,
cuicunque venit in mentem, nullam
esse tantam potentiam, in quam non
incurrat injuria.

Denique ad conditionem rerum
humanarum respiciendum est, ut o-
mnium accidentium æqui judices si-
mus: iniquus autem est, qui commune
vitium

mali ? quod aut dignitati ejus, aut patrimonio, aut corpori vulnus infligas ? cum id tibi contingere sine certamine ac periculo non possit, etiam si cum inferiore concurses.

Multos absolvemus, si cœperimus ante judicare, quàm irasci. Nunc autem primum impetum sequimur : *Omnia cum iudicio a-* deinde quamvis vana nos concitaverint, perseveramus, ne videamur cœpisse sine causa : & quod iniquissimum est, pertinaciores nos facit iniquitas iræ. Retinemus enim illam & augemus : quasi argumentum sit justè irascentis, graviter irasci. Quanto melius est, initia ipsa perspicere, quàm levia *Leviter suspiciose sumus.* sint, quàm innoxia ? Quod accidere vides in animalibus mutis, idem in homine deprehendes : frivolis turbamur, & inanibus. Taurum color rubicundus excitat, ad umbram aspis exurgit, ursos leonesque mappa proritat. Omnia, quæ natura fera ac rabida sunt, consternantur ad vana. Idem inquietis & stolidis ingeniis evenit : rerum suspitione feriuntur : adeò quidem, ut interdum injurias vocent modica beneficia : in quibus frequentissima, certe acerbissima iracundiæ materia est.

M

Nulli

*Pecunia
fons dis-
cordia-
rum.*

Nulli ad aliena respicienti, sua placent. Ego verò nihil magis suaferim, quàm sumere ingentem animum, & hæc propter quæ litigamus, discurremus, anhelamus, videre quàm humilia & abjecta sint, nulli qui altum quiddam aut magnificum cogitat, respicienda. Circa pecuniam plurimum vociferationis est: hæc fora defatigat, patres, liberosque committit, venena miscet, gladios tam percussoribus quàm legionibus tradit: hæc est sanguine nostro delibuta. Propter hanc uxorum maritorumque noctes strepunt litibus, & tribunalia magistratum premit turba: reges sæviunt, rapiuntque, & civitates longo seculorum labore constructas evertunt, ut aurum argentumque in cinere urbium scrutentur.

Crede mihi, levia sunt, propter quæ non leviter excandescimus; qualia quæ pueros in rixam & jurgium concitant.

*Exami-
natio
Sextij.*

Omnes sensus perducendi sunt ad firmitatem. Natura patientes sunt, si animus illos desit corrumpere: qui quotidie ad rationem reddendam vocandus est. Faciebat hoc Sextius, ut con-summato die cùm se ad nocturnam quietem

quietem recepisset, interrogaret animum suum: Quod hodie malum tuum sanasti? cui vitio obstitisti? qua parte melior es? Desinet ira, & erit moderatior, quæ sciet sibi quotidie ad iudicem esse veniendum. Quid ergo pulchrius hac consuetudine excutiendi totum diem? qualis ille somnus post recognitionem sui sequitur? quàm tranquillius, altus ac liber, cum aut laudatus est animus, aut admonitus, & speculator sui censorque secretus cognoscet de moribus suis? Utor hac potestate, & quotidie apud me causam dico: cum sublatum è conspectu lumen est, & conticuit uxor, moris jam mei conscia, totum diem meum scrutor, facta ac dicta mea remetior. Nihil mihi ipse abscondo, nihil transeo: quare enim quicquam ex erroribus meis timeam, cum possim dicere: Vide ne istud amplius facias, nunc tibi ignosco.

*Examb-
natio
Seneca
quoti-
diana*

Careamus hoc malo, purgemusque mentem, & extirpemus radicitus ea vitia, quæ quamvis tenuia undecunque exierint, renascentur: & iram non temperemus, sed ex toto removeamus. Quod enim malæ rei temperamentum est? Poterimus autem, adnitamur

*Vive
virtus ti-
dum
tempus
est.*

modò. Nec ulla res magis proderit, quàm cogitatio mortalitatis: sibi quisque ut alteri dicat: Quid juvat, tanquam in æternum genitos iras indicare, & brevissimam ætatem dissipare? quid juvat, dies, quos in voluptatem honestam impendere licet, in dolorem alicujus tormentumque transferre? Non capiunt res istæ jacturam, nec tempus vacat perdere. Quid ruimus in pugnam? Quid certamina nobis accersimus? Quid imbecillitatis obliti, ingētia odia suscipimus, & ad frangendum fragiles consurgimus? Iam istas inimicitias, quas implacabili gerimus animo, febris aut aliud malum corporis vetabit geri. Iam par acerrimum media mors dirimet. Quid tumultuamur, & vitam seditiosi conturbamus? stat super caput fatū, & pereuntis dies imputat, propiusque, ac propius accedit. Dum inter homines sumus, colamus humanitatem: non timori cuiquam, non periculo sinus, detrimenta, injurias, convitia, vellicationes contemnamus, & magno animo breviter feramus incommoda. Dum respicimus, quod ajunt, versamusque nos, jam mortalitas aderit.

*Mors for-
ribus
immi-
net,*

EX

EX LIBRO PRIMO

D E

C L E M E N T I A

A D N E R O N E M.

E St ergo, ut dicebam, clementia *Clemen-*
 omnibus quidem hominibus se- *tia Im-*
 cundum naturam, maxime tamen de- *perato-*
 cora Imperatoribus. *ribus*

Muliebres est, furere in ira. Magni *decora*
 autem animi est proprium, placidum *est.*
 esse, tranquillumque, & injurias atque
 offensiones superne despicere. Non
 decet regem sæva & inexorabilis ira.

Qui cædibus ac rapinis potentiam
 exercuit, qui suspecta sibi cuncta red-
 didit, tam externa quàm domestica:
 cum arma metuat, ad arma confu-
 giens: non amicorum fidei credens,
 non liberorum pietati. Qui ubi cir-
 cumspexit quæque fecit, quæque fa-
 cturus est, & conscientiam suam ple-
 nam sceleribus ac tormentis adape-
 ruit: sæpe mortem timet, sæpius optat,
 invisior sibi quàm servientibus. E con- *Quæ de-*
 trario, is cui curæ sunt universa, quia *cent*
 alia magis, alia minus tuetur, nullam *princi-*
 non Reipublicæ partem tanquam sui *pem cle-*
mentem.

nutrit, inclinatus ad mitiora, etiam si ex usu est animadvertere, ostendens quàm invitus aspero remedio manus admoveat; in cuius animo nihil hostile, nihil efferum est. Qui potentiam suam placide ac salutariter exercet, approbare imperia sua civibus cupiens: felix abunde sibi visus, si fortunam suam publicaverit; sermone affabilis, accessuque facilis, vultu, qui maximè populos demeretur, amabilis, æquis desideriis propensus, & iniquis acerbus, à tota civitate amatur, defenditur, colitur.

Excogitare nemo quicquam poterit, quod magis decorum regenti sit, quàm clementia: quocunque modo is, & quocunque jure præpositus ceteris erit. Eò scilicet formosius id esse, magnificentiusque fatebimur, quò in majori præstabitur potestate: quam non oportet noxiam esse, si ad naturæ legem componitur. Natura enim commenta est regem: & quod ex aliis animalibus licet cognoscere, & ex apibus: quatum regi amplissimum cubile est, medioque ac tutissimo loco. Præterea onere vacat, exactor alienorum operum, & amisso rege, totum dilabitur

Natura regem constituit. Apium natura describitur.

dilabitur examen : nec unquam plus unum patiuntur, melioremque pugna quærunt. Præterea insignis regi forma est, dissimilisque ceteris, tum magnitudine, tum nitore, hoc tamen maxime distinguitur. Iracundissimæ, ac pro corporis captu pugnacissimæ sunt apes, & aculeos in vulnere relinquunt : rex ipse sine aculeo est. Noluit illum ratura nec sævum esse, nec ultionem magno constaturam petere, telumque detraxit, & iram ejus inermem reliquit. Exemplar hoc magnis regibus ingens est. Est enim illi mos, exercere se in parvis, & ingentium rerum documenta minima agere. Pudeat ab exiguis animalibus non trahere mores : cum tanto hominum moderatior esse animus debeat, quanto vehementius nocet. Utinam quidem eadem homini lex esset : & ira cum telo suo frangeretur : nec sæpius liceret nocere quàm semel, nec alienis viribus exercere odia !

Errat enim, si quis existimat tutum esse ibi regem, ubi nihil à rege tutum est. Securitas securitate mutua paciscenda est. Non opus est instruere in altum editas arces ; nec in ascensum

*Clemen-
tia pa-
cem &
concor-
diam
servat.*

arduos colles emunire, nec latera montium abscindere, multiplicibus se muris turribusque sepire: saluum regem in aperto clementia præstabit. Unum est inexpugnabile munimentum, amor civium. Quid pulchrius est, quàm vivere optantibus cunctis?

Nihil esse cuiquam tam pretiosum, quod non pro salute præsidis sui commutatum velit? Omne quod illi contingit, sibi quoque evenire deputet. In hoc assiduis bonitatis argumentis probavit, non Rempub. suam esse, sed se Reipublicæ. Quis huic audeat struere aliquod periculum? quis ab hoc non, si possit, fortunam quoque avertere velit, sub quo iustitia, pax, pudicitia, securitas, dignitas florent? sub quo opulenta civitas copia bonorum omnium abundat?

*Tria
quæ
princeps
in anim-
adver-
sione
servare
debet.*

Transeamus ad alienas injurias, in quibus vindicandis hæc tria lex secuta est, quæ princeps quoque sequi debet: aut ut eum quem punit, emendat; aut ut poena ejus cæteros meliores reddat; aut ut sublati malis securiores ceteri vivāt. Ipsos facilius emendabis minore poena: diligentius enim vivit, cui aliquid integri superest. Nemo dignitati perditæ

perditæ parcit . Impunitatis genus est jam non habere pœnæ locum. Civitatis autem mores magis corrigit parcitas animadversionum: facit enim consuetudinem peccandi , multitudo peccantium.

Constituit bonos mores civitati Princeps , & vitia ejus facilius compescit, si patiens eorum est, non tanquam probet , sed tanquam invitus , & cum magno tormento ad castigandum veniat. Verecundiam peccandi facit ipsa clementia regentis . Gravior multò pœna videtur , quæ à miti viro constituitur. Præterea videbis ea sæpe committi , quæ sæpe vindicantur. Non minus principi turpia sunt multa supplicia , quàm medico multa funera . Remissius imperanti, melius paretur. Natura contumax est humanus animus, & in contrarium atque arduum nitens, sequiturque facilius, quàm ducitur. Et ut generosi atque nobiles equi, melius facili fræno reguntur: ita clementiam voluntaria innocentia impetu suo sequitur , & dignam putat civitas, quam servet sibi. Plus itaque hac via proficitur. Crudelitas minime humanum malum est , indignumque tam miti

*Patien-
tia boni
princi-
pis.*

*Homo
magis
duci
quàm
trahi
vult.*

M 5 animo,

animo. Ferina ista rabies est, sanguine gaudere ac vulneribus : & abjecto homine, in silvestre animal transire.

EX LIBRO DE VITA

B E A T A , A D

Gallionem fratrem.

*Vivere
beatè
omnes
volunt.*

VIvere, Gallio frater, omnes beatè volunt : sed ad pervidendum, quid sit, quod beatam vitam efficiat, caligant. Proponendum est itaque primum, quid sit quod appetamus : tunc circumspiciendum est, quà contendere illò celerrime possimus : intelleturi in ipso itinere, si modo rectum erit ; quantum quotidie profligetur, quantoque propius ab eo simus, ad quod nos cupiditas naturalis impellit. Quamdiu quidem passim vagamur, non ducem secuti, sed fremitum & clamorem dissonum in diversa vocantium, conteritur vita inter errores, brevis, etiam si dies noctesque bonæ menti laboremus. Decernatur itaque & quò tendamus, & quà : non sine perito aliquo, cui explorata sint ea, in quæ.

quæ procedimus . Quoniam quidem non eadem hic , quæ in ceteris peregrinationibus conditio est . In illis comprehensus aliquis limes , & interrogati incolæ , non patiuntur errare : at hic tritissima quæque via , & celeberrima , maxime decipit . Nihil ergo *Via ad* magis præstandum est , quàm ne , pe- *vitam* corum ritu , sequamur antecedentium *non est* gregem , pergentes , non quàm eundum *tritissi-* est , sed quàm itur . Atqui nulla res nos *ma &* majoribus malis implicat , quàm quod *commu-* ad rumorem componimur , optima *nis.* rati ea , quæ magno assensu recepta sunt , quorumque exempla nobis multa sunt : nec ad rationem , sed ad similitudinem vivimus .

Primi exitio sequentibus sunt : hoc in omni vita accidere , videas licet , nemo sibi tantummodo errat , sed alieni erroris & causa & author est . Versatque nos & præcipitat traditus per manus error , alienisque perimus exemplis . Sanabimur , si modo separemur à cœtu .

Non tam bene cum rebus humanis *Non ut* agitur , ut meliora pluribus placeant : *sitatum* argumentum pessimi , turba est . Quæ *sed opti-* ramus quid optimum factum sit , non *mum* *sequa-* *muri.*

quid usitatissimum; & quid nos in possessione felicitatis æternæ constituat.

*Omnis
virtus
in oculis
hominis
misera
est.*

Cum multis inimicitias gessi, & in gratiam ex odio (si modo ulla inter malos gratia est) redii: mihi ipsi nondum amicus sum. Omnem operam dedi, ut me multitudini educerem, & aliqua dote notabilem facerem: quid aliud quàm telis me opposui, & malevolentia quod morderet, ostendi? Vides tu istos, qui eloquentiam laudant, qui opes sequuntur, qui gratia adulantur, qui potentiam extollunt? Omnes aut sunt hostes, aut (quod in æquo est) esse possunt. Quàm magnus mirantium, tam magnus invidentium populus est. Quin potius quæro aliquid usu bonum, quod sentiam, non quod ostendam: ista quæ spectantur, ad quæ consistitur, quæ alter alteri stupens monstrat, foris nitent, introrsus misera sunt. Quæramus aliquid non in speciem bonum, sed solidum & æquabile, & à secretiore parte formosius. Scire tantum opus est, quò manum porrigas.

*Quid sit
summum
bonum.*

Summum bonum est, animus fortuita dispiciens, virtute lætus: aut, invicta vis animi, perita rerum, placida in actu, cum humanitate multa, & conversan-

versantium cura. Libet & ita definire, ut beatum dicamus hominem cum, cui nullum bonum malumque sit, nisi bonus malusque animus: honesti cultor, virtute contentus, quem nec extollant fortuita, nec frangunt: qui nullum majus bonum eo, quod sibi ipsi dare potest, noverit: cui vera voluptas erit, voluptatum contemptio.

Quo die infra voluptatem fuerit, & infra dolorem erit. Vides autem, quàm malam & noxiam servitutem serviturus sit, quem voluptates doloresque, incertissima dominia, impotentissimæque, alternis possidebunt. Ergo exeundum ad libertatem est.

Altum quiddam est virtus, excelsum, & regale, invictum, infatigabile. Voluptas, humile, servile, imbecillum, *Descri-* caducum, cujus statio ac domicilium *ptio vir-* fornices & popinæ sunt. Virtutem in *tutis &* templo invenies, in foro, in curia, pro *volu-* muris stantem, pulverulentam, colo- *ptatis.* ratam, callosas habentem manus: voluptatem latitantem sæpius, ac tenebras captantem; circa balnea ac sudatoria, ac loca ædilem metuentia, mollem, enervem, mero atque unguento madentem, pallidam, aut fucatam, &

medicamentis pollutam. Summum bonum immortale est, nescit exire: nec satietatem habet, nec pœnitentiam: nunquam enim recta mens vertitur: nec sibi odio est, nec quidquam mutavit optima: at voluptas tunc cum maximè delectat, extinguitur.

Concordia animi summum bonum.

Quare audacter licet profitearis, summum bonum esse, animi concordiam. Virtutes enim ibi esse debent, ubi consensus atque unitas erit: dissident vitia. Sed tu quoque, inquit, virtutem non ob aliud colis, quàm quia aliquam ex illa speras voluptatem. Primum, non si voluptatem præstatura virtus est, idè propter hanc peritur: non enim hanc præstat, sed & hanc: nec huic laborat, sed labor ejus, quamvis aliud petet, hoc quoque assequetur. Sicut in arvo, quod segeti proscissum est, aliqui flores internascuntur, non tamen huic herbulæ, quamvis delectet oculos, tantum operis insumptum est: aliud fuit serenti propositum, hoc supervenit: sic & voluptas non est merces, nec causa virtutis, sed accessio.

Voluntas inextinguibilis est.

Quisquis ad virtutem accessit, dedit generosæ indolis spem: qui voluptatem

tem sequitur, videtur enervis, fractus, degenerans vir, perventurus in turpia, nisi aliquis distinxerit illi voluptates, ut sciat, quæ ex eis intra naturale desiderium sistant, quæ in præceps ferantur, infinitæque sint, & quo magis implentur, eò magis inexplebiles. Ut feras cum labore periculoque venamur, & captarum quoque illarum sollicita possessio est; sæpe enim laniant dominos: ita habentes magnas voluptates, in magnum malum evasere, captæque cepere. Quæ quò plures majoresque sunt, eò ille minor, ac plurimum servus est, quem felicem vulgus appellat.

Et ut bonus miles, feret vulnera, enumerabit cicatrices, & transverberatus telis, moriens amabit eum, pro quo cadet, imperatorem: habebit in animo illud vetus præceptum: Deum sequere. Quisquis autem queritur, & plorat, & gemit: imperata facere vi cogitur, & invitus rapitur ad jussa nihilominus. Quæ autem dementia est, potius trahi quàm sequi? tam mehercule, quàm stultitia & ignorantia est conditionis suæ, dolere, quod aliquid tibi aut incidit durius; æquè mirari, aut indigne.

Mala omnibus hominibus communia. indigne ferre ea , quæ tam bonis accidunt quàm malis: morbos dico , funera , debilitates , & cetera ex transverso in vitam humanam incurrentia. Quicquid ex universi constitutione patiendum est, magno excipiat animo : ad hoc sacramentum adacti sumus , ferre mortalia: nec perturbari his, quæ vitare nostræ potestatis non est. In regno nati sumus : Deo parere , libertas est. Ergo in virtute posita est vera felicitas.

Nemo sine peccatis.

Si quis itaque ex istis qui Philosophiam conlatrant, quod solent , dixerit : Quare ergo tu fortius loqueris quàm vivis? Non perveni ad sanitatem , ne perveniam quidem : delinimenta magis quàm remedia podagræ meæ compono; contentus si rarius accedit , & si minus verminatur. Vestris quidem pedibus comparatus , debilis cursor sum. Hæc pro me non loquor: ego enim in alto vitiorum omnium sum . Aliter , inquit , loqueris : aliter vivis . Hoc , malignissima capita , & optimo cuique inimicissima , Platoni objectum est , objectum Epicuro , objectum Zenoni . Omnes enim isti dicebant , non quemadmodum ipsi viverent,

verent, sed quemadmodum vivendum esset. De virtute, non de me loquor: & cum vitiis convitium facio. Ne virus quidem istud, quo alios spargitis, vos necatis, me impedit, quo minus perseverem laudare vitam, non quam ago, sed quam agendam scio, quo minus virtutem adorem, & ex intervallo ingenti reptabundus sequar.

Non præstant Philosophi quæ lo-
quuntur? multum tamen præstant, *Bona*
quod loquuntur, quod honesta mente *verba*
concipiunt. Nam quidem si & paria *& do-*
dictis agerent, quid esset illis beatius? *ctrina*
Interim non est, quod contemnas *semper*
bona verba, & bonis cogitationibus *deside-*
plena præcordia. Studiorum saluta-
rium, etiam citra effectum, laudanda
tractatio est. Quid mirum, si non a-
scendunt in altum ardua aggressi? sed
viros suspice, etiam si decidunt, magna
conantes. Generosa res est, respicien-
tem non ad suas, sed ad naturæ suæ
vires, conari alta, tentare, & mente
majora concipere, quam quæ etiam
ingenti animo adornatis effici possint.

Nihil opinionis causa, omnia con-
scientiæ faciam: populo spectante fieri
credam, quicquid me conscio faciam.

Edendi

*Totus
mundus
patria
nostra
est.*

*De odio
malorum
in
bonos.*

Edendi erit bibendique finis, desideria naturæ reſtinguere, non implere alvum, & exinanire. Ego amicis jucundus, inimicis mitis & facilis, exorabor antequam roger, honeſtis precibus occurram. Patriam meam eſſe mundum ſciam, & præſides deos; hos ſupra me, circaque me ſtare, factorum dictorumque cenſores. Quandocunque autem natura ſpiritum repetet, aut ratio dimittet, teſtatus exhibo, bonam me conſcientiam amaſſe, bona ſtudia: nullius per me libertatem diminutam, mininiè meam. Qui hoc facere proponet, volet, tentabit, ad Deos iter faciet. Vos quidem, qui virtutem cultoremque ejus odiſtis, nihil novi facitis. Nam & ſolem lumina ægra formidant, & averſantur diem ſplendidum nocturna animalia, quæ ad primum ejus ortum ſtupent, & latibula ſua paſſim petunt, abduntur in aliquas rimas timida lucis. Gemite, & infelicem linguam bonorum exercete convitio. Inſtate, commordete: citius multo frangetis dentes, quàm imprimetis. Quare ille Philoſophiæ ſtudioſus eſt, & tam dives vitam agit? quare opes contemnendas dicit, & habet? vitam contem-

contemnendam putat, & tamen vivit? Valetudinem contemnendam, & tamen illam diligentissime tuetur, atque optima mavult? Et exsilium nomen vanum putat, & ait, quid est enim mali, mutare regiones? & tamen si licet senescit in patria? & inter longius tempus & brevius, nihil interesse iudicat: tamen si nihil prohibet, extendit ætatem, & in multa senectute placidus viret? Ait ista debere contemni: non, ne habeat, sed ne sollicitus habeat. Non abiget illa à se, sed abeuntia securus prosequetur. Divitias quidem ubi tutius fortuna deponet, quàm ibi, unde sine querela reddentis receptura est? Et si majores illi obvenissent opes, non sprevisset: nec enim se sapiens indignum ullis muneribus fortuitis putat. Non amat divitias, sed mavult: non in animum illas, sed in domum recipit, nec respuit possessas, sed continet, & maiorem virtuti suæ materiam subministrari vult. Quid autem dubii est, quin major materia sapienti viro sit, animum explicandi suum in divitiis, quàm in paupertate? cum in hac unum genus virtutis sit, non inclinari, nec deprimi. Desine ergo Philosophis

*Exsilium
vanum
nomen
est.*

*In divitiis sapiens
magis
exercetur,
quàm in
paupertate.*

*Divitiæ
serviunt
sapienti,
non im-
perant.*

sophis pecuniam interdicere : nemo sapientiam paupertate damnavit. Habebit Philosophus amplas opes : sed nulli detractas, nec alieno sanguine cruentas, sine cujusquam injuria partas, sine sordidis quæstibus, quarum tam honestus sit exitus quàm introitus. Divitiæ apud sapientem virum in servitute sunt : apud stultum in imperio. Sapiens divitiis nihil permittit; vobis divitiæ omnia. Vos, tanquam aliquis vobis æternam possessionem earum promiserit, assuescitis illis, & cohæretis : sapiens tunc maximè paupertatem meditatur, cum in mediis divitiis constitit. Nunquã Imperator ita paci credit, ut non se præparet bello; quod etiam si non geritur, indictum est. Vos domus formosa, tanquam nec ardere nec ruere possit, insolentes; vos opes, tanquam periculum omne transcenderint, majoresque sint, quàm quibus consumendis satis virium habeat fortuna, obstupefaciunt. Otiosi divitiis luditis, nec providetis illarum periculum : sicut barbari plerunque, inclusi, & ignari machinarum, segnes laborem obsidentium spectant, nec quò illa pertineant, quæ ex longinquo struuntur,

tur, intelligunt. Idem vobis evenit :
marcetis in vestris rebus: nec cogitatis,
quod casus undique immineant, jam
jamque pretiosa spolia laturi. Sapienti
quisquis abstulerit divitias, omnia illi
sua relinquet: vivit enim præsentibus
lætus, futuri securus.

E X L I B R O

D E

T R A N Q U I L L I T A T E

A N I M I .

Optimum erat (ut ait Athenodo-
rus) actione rerum & Reipub. *Semper*
tractatione, & officiis civilibus se de- *aliquid*
tinere. Nam ut quidam sole & exerci- *boni fa-*
tatione & cura corporis diem edu- *cito.*
cunt, athleticque utilissimum est, la-
certos suos, roburque, cui se uni dica-
verunt, majore temporis parte nu-
trire: ita nobis animus ad rerum ci-
vilium certamen parantibus, in opere
esse, longe pulcherrimum est. Nam
cum utilem se efficere civibus morta-
libusque propositum habeat, simul &
exercetur & proficit, qui in mediis se
officiis

officiis posuit, communia privataque pro facultate administrans. Sed quia in hac, inquit, tam infana hominum ambitione, tot calumniatoribus in deterius recta torquentibus, parum tuta simplicitas est, & plus futurum semper est quod obstet, quàm quod succedat, à foro quidem & publico recedendum est: sed habet, ubi se etiam in privato lare explicet magnus animus. Nec ut leonum animaliumque impetus caveis coercetur: sic hominum, quorum maxime in seductu actiones sunt. Ita tamen delituerit, ut ubicunque otium suum absconderit, prodesse velit & singulis & universis, ingenio, voce, consilio. Nec enim is solus Reip. prodest, qui candidatos extrahit, & tuetur reos, & de pace belloque censet: sed qui juventutem exhortatur, qui in tanta bonorum præceptorum inopia, virtute instruit animos, qui ad pecuniam luxuriamque cursu ruentes prensat ac retrahit, & si nihil aliud, certe moratur, in privato publicum negotium agit. An ille plus præstat, qui inter peregrinos & cives aut urbanus prætor adeuntibus assessoribus verba pronunciat: quàm qui docet,

*Quis
Reipub.
magis
prodest.*

docet, quid sit iustitia, quid pietas, quid patientia, quid fortitudo, quid mortis contemptus, quid deorum intellectus, quam gratuitum bonum sit bona conscientia? Neque enim ille solus militat, qui in acie stat, & cornu dextrum lævumque defendit, sed & qui portas tuetur, & statione minus periculosa, non ociosa tamen fungitur, vigiliasque servat, & armamentario præest.

Quæ ministeria, quamvis incruenta sint, in numerum stipendiorum veniunt. Si te ad studia revocaveris, omne vitæ fastidium effugeris, nec noctem fieri optabis tædio lucis, nec tibi gravis eris, nec aliis supervacuus: multos in amicitiam attrahes, affluetque ad te optimus quisque. Nunquam enim quamvis obscura virtus latet, sed mittit sui signa. Nunquam inutilis est opera civis boni: auditu enim, visu, vultu, nutu, obstinatione tacita, incessuque ipso prodest.

Nihil tamen æque oblectaverit animum, quàm amicitia fidelis & dulcis. Quantum bonum est, ubi sunt præparata pectora, in quæ tutò secretum omne descendat, quorum conscientiam minus quàm tuam timeas, quorum

*Stadium
laudabile.*

*De amicitia
juncunda.*

rum

*Pestis
morbus
contagiosus.*

rum sermo sollicitudinem leniat, sententia consilium expediat, hilaritas tristitiam dissipet, conspectus ipse delectet? Quos scilicet vacuos, quantum fieri poterit, à cupiditatibus, eligemus. Serpunt enim vitia, & in proximum quemque transiliunt, & contactu nocent. Itaque, ut in pestilentia curandum est, ne corruptis jam corporibus & morbo flagrantibus assideamus, quia pericula trahemus, afflatuque ipso in proximo laborabimus: ita in amicorum legendis ingeniis dabimus operam, ut quam minime inquinatos assumamus. Initium morbi est, ægris sana miscere. Nec hoc præceperim tibi, ut neminem nisi sapientem sequaris, aut attrahas: ubi enim istum invenies, quem tot seculis quærimus? Pro optimo, est minime malus. Vix tibi esset facultas delectus felicioris, si inter Platonas & Xenophontas, & illum Socratici foetus proventum bonos quæreres.

*Haberes
victum
& amicum
hunc
contenti
simus.*

Nunc vero in tanta bonorum egestate, minus fastidiosa fiat electio. Præcipue tamen vitentur tristes, & omnia deplorantes, quibus nulla non causa in querelas placet. Constet illi licet

licet fides & benevolentia, tranquillitati tamen inimicus est comes perturbatus, & omnia gemens.

Affueſcamus à nobis removeſſe pompam, & uſus rerum, non ornamenta metiri. Cibus famem domet, potio ſitim, libido qua neceſſe eſt fluat. Diſcamus membris noſtris inniti: cultum victumque non ad nova exempla componere, ſed ut majorum ſuadent mores. Diſcamus continentiam augere, luxuriam coërcere, gulam temperare, iracundiam lenire, paupertatem æquis oculis aſpicere, frugalitatem colere, etiam ſi ſimiles nos pudebit eſſe populo, deſideriis naturalibus parvo parata remedia adhibere: ſpes effrænatas, & animum in futura eminentem, velut ſub vinculis habere, id agere, ut divitias à nobis potius quàm à fortuna petamus.

Affueſcamus ergo cœnare poſſe ſine populo, & ſervis paucioribus ſerviri, & veſtes parare in quod inventæ ſunt. Studiorum quoque quæ liberaliſſima impenſa eſt, tam diu rationem *In ſtudio* habebo, quam diu modum. *modus* Quò mihi *ſervandus.* innumerabiles libros & bibliothecas, quarum dominus vix tota vita ſua in-

N

dices

dices perlegit? Onerat discentem turba, non instruit: multoque satius est paucis te authoribus tradere, quam errare per multos. Quadringenta milia librorum Alexandriae arserunt; pulcherrimum regiae opulentiae monumentum: alius laudaverit, sicut Livius, qui elegantiae regum, curaeque egregium id opus ait fuisse. Non fuit elegantia illud, aut cura, sed studiosa luxuria: imo ne studiosa quidem: quoniam non in studium, sed in spectaculum comparaverant: sicut plerisque ignaris etiam servilium literarum libri non studiorum instrumenta, sed coenationum ornamenta sunt. Paretur itaque librorum quantum satis sit, nihil in apparatus. Vitiosum est ubique quod nimium est. Quid habes cur ignoscas homini armaria cedro atque ebore aptanti, corpora conquirenti, aut ignotorum authorum, aut improbatorum, & inter tot millia librorum oscitanti? cui voluminum suorum frontes maxime placent, tituli que? Apud desidiosissimos ergo videbis, quicquid orationum historiarumque est, & tecto tenus extructa loculamenta. Iam enim inter balnearia & ther-

mas,

De curiosis bibliothecis.

mas , bibliotheca quoque , ut necessarium domus ornamentum expolitur . Ignoscerem plane , si è studiorum nimia cupidine oriretur : nunc ista exquisita , & cum imaginibus suis descripta sacrorum opera ingeniorum , in speciem & cultum parietū comparantur .

Cogita compeditos primò ægrè *De ad-*
ferre onera & impedimenta crurum : *versita-*
deinde ubi non indignari illa , sed pati *te feren-*
proposuerunt , necessitas fortiter ferre *da.*
docet , consuetudo facile . Invenis in quolibet genere vitæ oblectamenta , & remissiones , & voluptates , si nolueris malam putare vitam potius , quàm invidiosam facere . Nullo melius nomine de nobis natura meruit , quàm quod cum sciret , quibus ærumnis nasceremur , calamitatum mollimentum consuetudinem invenit , cito in familiaritatem gravissima adducens . Nemo duraret , si rerum adversarum eandem vim assiduitas haberet , quam primus ictus .

Omnis vita servitium est . Assuescendum itaque conditioni suæ , & quàm *Vita no-*
minimum de illa querendum : & quic- *stra ser-*
quid habet circa se commodi , apprehendendum est . Nihil tam acerbum *vitue*
est.

est, in quo non æquus animus solatium inveniat .

*Nil cer-
tium
morte.*

Male vivet, quisquis nesciet bene mori. Qui mortem timebit, nihil unquam pro homine vivo faciet. At qui scit, hoc sibi cum conciperetur, statim conditum, vivet ad formulam; & simul illud quoque eodem animi robore præstabit, ne quid ex his quæ eveniunt, subitum sit. Morbus, captivitas, ruina, ignis, nihil horum repentinum est. Sciebam in quàm tumultuosum me contubernium natura clusisset: toties in vicinia mea conclamatum est, toties præter limen immaturas exsequias fax cereusque præcessit: sæpe altius ruentis ædificii fragor sonuit: multos ex his, quos forum, curia, sermo, mecum contraxerat, nox abstulit, & vinctas ad sodalitium manus copulatas intercidit. Mirer aliquando ad me pericula accessisse, quæ circa me semper erraverunt? Magna pars hominum est, quæ navigatura, de tempestate non cogitat. Nunquam me in bona re mali pudebit authoris. Publius tragicis comicisque vehementior ingeniis, quotiens mimicas ineptias, & verba ad summam caveam spectantia reliquit,

*Signa
mortis.*

reliquit , inter multa alia cothurno,
non tantum sipario fortiora , & hoc
ait:

Cuius potest accidere , quod cui-
quam potest. *Quod i-*
ni , hoc

Hoc si quis in medullas demiserit, & *alteri*
accidere
poteft.
omnia aliena mala , quorum ingens
quotidiæ copia est , sic aspexerit, tan-
quam illis liberum & ad se iter sit,
multò antè se armabit , quàm petatur.
Serò animus ad periculorum patien-
tiam , post pericula , instruitur. Non
putavi hoc futurum ; nunquam hoc
eventurum credidissim. Quare autem
non ? Quæ sunt divitiæ , quas non ege-
stas , & fames , & mendicitas à tergo
sequatur ? Quæ dignitas , cuius non præ-
textam & augurale , & lora patricia , &
sordes comitentur , & exportatio , &
notæ , & mille maculæ , & extrema
contemptio ? Quod regnum est , cui
non parata sit ruina , & proculcatio , &
dominus , & carnifex ?

Utique animus ab omnibus exter-
nis in se revocandus est : sibi confidat , *Ani-*
mus as-
suefa-
ciendæ
ad om-
nia
adver-
sa.
se gaudeat , sua suspiciat ; recedat , quan-
tum potest , ab alienis , & se sibi appli-
cet , damna non sentiat , etiam adversa
benigne interpretetur. Nuntiato nau-
fragio ,

fragio, Zeno noster, cum omnia sua audiret submersa: Iubet, inquit, me fortuna expeditius philosophari.

*Recrea-
tio ani-
mi ali-
quando
necessa-
ria.*

Danda est remissio animis: meliores acrioresque requieti surgent. Ut fertilibus agris non est imperandum: cito enim exhauriet illos nunquam intermissa fœcunditas: Ita animorum impetus assiduus labor frangit. Vires recipient paululum resoluti, & remissi. Nascitur ex assiduitate laborum, animorum hebetatio quædam, & languor: nec ad hoc tanta hominum cupiditas tenderet, nisi naturalem quandam voluptatem haberet lusus joculæque, quorum frequens usus, omne animis pondus, omnemque vim eripiet. Nam & somnus refectioni necessarius est: hunc tamen si per diem noctemque continues, mors erit. Legum conditores festos instituerunt dies, ut ad hilaritatem homines publicè cogerentur: tanquam necessarium laboribus interponentes temperamentum. Indulgendum est animo: dandumque subinde otium, quod alimenti ac virium loco sit: & in ambulationibus apertis vagandum, ut cælo libero & multo spiritu augeat attollatque se
animus,

*Dies fe-
sti quare
instituti
sunt.*

animus. Nam, siue Græco poëtæ credimus, aliquando & insanire jucundum est; siue Platoni, frustra poëticas fores compos sui pepulit: siue Aristoteli, nullum magnum ingenium sine mixtura dementiæ fuit.

D I C T A
 SENECAE EX LIBRO
 D E
 BREUITATE
 V I T Æ.

MAior pars mortalium, Pauline, de naturæ malignitate conqueritur, quod in exiguum ævi gignimur, quòd hæc tam velociter, tam rapide dati nobis temporis spacia decurrant: adeo ut exceptis admodum paucis, ceteros in ipso vitæ apparatu vita destituat.

Non exiguum temporis habemus, *Tempus* sed multum perdimus. Satis longa *satis* vita, & in maximarum rerum consum- *longum* mationem largè data est, si tota bene *bene u-* collocaretur. Sed ubi per luxum ac *tentibus* negligentiam defluit, ubi nulli rei

bonæ impenditur; ultima demum necessitate cogente, quam ire non intelleximus, transiisse sentimus. Ita est: non accepimus brevem vitam, sed fecimus; nec inopes ejus, sed prodigii sumus. Sicut amplæ & regiæ opes, ubi ad malum dominum pervenerunt, momento dissipantur: at quamvis modicæ, si bono custodi traditæ sunt, usu crescunt: ita ætas nostra bene disponenti, multum patet. Quid de rerum natura querimus? illa se benigne gessit. Vita, si scias uti, longa est. Alium insatiabilis tenet avaritia: alium in supervacuis laboribus operosa sedulitas: alius vino madet: alius inertia torpet: alium defatigat ex alienis judiciis suspensa semper ambitio: alium mercandi præceps cupiditas circa omnes terras, omnia maria, spe lucri ducit. Quosdam torquet cupido militiæ, nunquam non aut alienis periculis intentos, aut suis anxios.

Quibusdam nihil quo cursum dirigant, placet, sed marcentes, oscitantesque fata deprehendunt: adeò ut quod apud maximum poëtarum, more oraculi dictum est, verum esse non dubitem:

Exigua

*Vita si
scias uti
longa
est.*

Exigua pars est vita quam nos vivimus :

Exigua pars est quam vivimus.

Cæterum quidem omne spatium, non vita, sed tempus est.

Vitam unusquisque quam multis distribuit? Astricti sunt in continendo patrimonio: simul ad temporis jacturam ventum est, profusissimi in eo, cujus unius honesta avaritia est. Libet itaque ex seniorum turba comprehendere aliquem. Pervenisse te ad ultimum ætatis humanæ videmus: centesimus tibi, vel supra, premitur annus. Agedum, ad computationem ætatem tuam revoca. Dic quantum ex isto tempore creditor, quantum amica, quantum rex, quantum cliens abstulerit: quantum lis uxoria, quantum servorum coercitio, quantum officiosa per urbem discursatio. Adjice morbos, quos manu fecimus: adjice, quod & sine usu jacuit: videbis te pauciores annos habere, quàm numeras. Repete memoria tecum, quando certus consilii fueris, quotusquisque dies ut destinaveras recesserit; qui tibi usus tui fuerit; quando in statu suo vultus quando animus intrepidus; quid tibi in tam longo ævo facti operis sit; quam multi

Multum temporis occupationibus variis amittimus.

vitam tuam diripuerint, te non sentiente quid perderes; quantum vanus dolor, stulta lætitia, avida cupiditas, blanda conversatio abstulerit, quàm exiguum tibi de tuo relictum sit: intel-

*Tanquã
semper
victuri
vivimus.*

liges, te immaturum mori. Quid ergo est in causa? Tanquam semper victuri vivitis: nunquam vobis fragilitas vestra succurrit. Non observatis quantum temporis transierit: velut ex pleno & abundanti perditis. Omnia, tanquam mortales, tenetis. Omnia, tanquam immortales, concupiscitis. Audies plerosque dicentes: à quinquagesimo in otium secedam: sexagesimus annus ab officiis me dimittet. Et quem tandem longiores vitæ prædem accipis? Quis ista, sicuti disponis ire patietur? Non pudet te reliquias vitæ tibi reservare, & id solum tempus bonæ menti destinare, quod in nullam rem conferri possit? Quàm serum est, tunc vivere incipere, cum desinendum est? quæ tam stulta mortalitatis oblivio, ad quinquagesimum annum differre sana consilia, & inde velle vitam inchoare, quo pauci perduxerunt? Potentissimis, & in altum sublati hominibus, excidere voces videbis, quibus otium optent,

ptent, laudent, omnibus bonis suis *Otium*
 præferant. Cupiunt interim ex illo fa- *querere*
 stigio suo, si tuto liceat, descendere. *& omni-*
 Divus Augustus, cui dii plura quam ulli *bus pra-*
 præstiterunt, non desit quietem sibi
 precari, vacationem à Repub. petere.
 Omnis ejus sermo ad hoc semper re-
 volutus est. Tanta visa est res otium,
 ut illam, quia usu non poterat, cogi-
 tatione præsumeret. Qui omnia vide-
 bāt ex se uno pendentia; qui homini-
 bus gentibusque fortunam dabat, il-
 lum diem lætissimus cogitabat, quo
 magnitudinem suam exueret. Expertus
 erat, quantum illa bona, per omnes
 terras fulgentia, sudoris exprimerent,
 quantum occultarum solitudinum
 tegerent. Supervacuum est comme-
 morare plures: qui, cum aliis felicissi-
 mi viderentur, ipsi in se verum testi-
 monium dixerunt, rodentes omnem
 actum annorum suorum. Sed his que-
 relis nec alios mutaverunt, nec seipſos.
 Nam cum verba erumperent, affectus
 ad consuetudinem relabebantur. Ve-
 stra mehercule vita, licet supra mille
 annos exeat, in arctissimum contra-
 hetur. Ista vitia nullum non sæculum
 devorabunt: hoc vero spatium, quod,

quamvis natura currit, ratio dilatat, cito nos effugiat necesse est. Non enim apprehenditis, nec retinetis, nec velocissimæ omnium rei moram facitis, sed abire ut rem supervacuum ac reparabilem finitis.

Discendum vivere.

Vivere tota vita discendum est: & quod magis fortasse miraberis, tota vita discendum est mori. Tot maximi viri, relictis omnibus impedimentis, cum divitiis, officiis, voluptatibus renuntiassent, hoc unum in extremam usque ætatem egerunt, ut vivere scirent: plures tamen ex his nondum se scire confessi, è vita abierunt. Præcipitat quisque vitam suam, & futuri desiderio laborat, præsentium tædio. At ille, qui nullum non tempus in usus suos confert, qui omnes dies tanquam vitam ordinat, nec optat crastinum, nec timet. Quid fiet? tu occupatus es, vita festinat: mors interim aderit, cui, velis nolis, vacandum est. Impendio vitæ vitam instruunt, cogitationes suas in longum ordinant: maxima porro vitæ jactura, dilatio est. Illa primum quemque extrahit diem, illa eripit præsentia, dum ulteriora promittit. Maximum vivendi impedimentum

Vive hodie crastinus apertus eris.

est.

est, expectatio, quæ pendet ex crastino. Perdis hodiernum, quod in manu fortunæ positum est, disponis: quod in tua, dimittis. Quò spectas, quò te extendis? Omnia quæ ventura sunt, in incerto jacent.

Denique vis scire, quam non diu vivant? Vide quàm cupiant diu vivere. *Desiderium vite.* Decrepiti senes paucorum annorum accessionem votis mendicant. Minores nati seipsos esse fingunt: mendacio sibi blandiuntur: & tam libenter fallunt, quàm si fata unà decipiant. Iam verò cum illos aliqua imbecillitas mortalitatis admonuit, quemadmodum paventes moriuntur, non tanquam exeant de vita, sed tanquam extrahantur. Stultos se fuisse, quod non vixerint, clamitant: & si modo evaserint ex illa valetudine, in otio victuros. Tunc quam frustra paraverint, quibus non fruerentur, quàm incassum omnis labor ceciderit, cogitant.

Soli omnium otiosi sunt, qui sapientiæ vacant: soli vivunt: nec enim suam tantum ætatem bene tuerentur: omne ævum suo adjiciunt. Quicquid annorum ante illos actum est, illis acquisitum est. *Qui soli vivunt.* Nisi ingrati sumus, illi

*Studia
diversa
Philoso-
phorum.*

clarissimi sacrarum opinionum conditores, nobis nati sunt, nobis vitam præparaverunt. Ad res pulcherrimas, ex tenebris ad lucem erutas, alieno labore deducimur: nullo nobis sæculo interdictum est: in omnia admittimur: & si magnitudine animi egredi humanæ imbecillitatis angustias libet, multum per quod spatiemur, temporis est. Disputare cum Socrate licet, dubitare cum Carneade, cum Epicuro quiescere, hominis naturam cum Stoicis vincere, cum Cynicis excedere, cum rerum natura in consortium omnis ævi pariter incedere. Quid ni ab hoc exiguo & caduco temporis transitu, in illa nos toto demus animo, quæ immensa, quæ æterna sunt, quæ cum melioribus communia? Isti qui per officia discursant, qui se aliosque inquietant, cum bene insanierint, cum omnium limina quotidie perambulaverint, nec ullas apertas fores præterierint, cum per diversas domos meritoriam salutationem circumtulerint: quotumquemque ex tam immensa, & variis cupiditatibus districta urbe poterunt videre? quàm multi erunt, quorum illos aut somnus, aut luxuria, aut inhumanitas

manitas submoveat? Hos in veris officiis morari licet dicamus, qui Zenonem, qui Pythagoram quotidie, & Democritum, ceterosque antistites bonarum artium, qui Aristotelem & Theophrastum volent habere quàm familiarissimos: nemo horum non vocabit, nemo non venientem ad se beatior, amantiorque sui dimittet, nemo quemquam vacuis à se manibus abire patietur.

Maximum ergo solatium est cogitare id sibi accidisse, quod ante se passum sunt omnes, omnesque passuri, & ideo mihi videtur rerum natura quod gravissimum fecit, commune fecisse, ut crudelitatem fati consolaretur æqualitas. *Æqualitas fati consolatior est omnibus.*

Omnes agendum mortales circumspice: larga ubique flendi, & assidua materia. Alium ambitio nunquam quieta sollicitat. Alium ad quotidianum opus laboriosa egestas vocat: alius divitias, quas optaverat, metuit, & voto laborat suo. Alium sollicitudo, alium labor torquet, alium super vestibulum obsidens turba. Hic habere se dolet liberos, hic perdidisse. Lachrymæ nobis decerunt, antequam causæ *Hominum largæ flendi materia est.*

causæ dolendi. Non vides qualem vitam nobis rerum natura promiserit, quæ primum nascentium hominum fletum esse voluit. Hoc principio edimur, huic omnium sequentium annorum ordo consentit, sic vitam agimus.

Omnia ista bona, quæ nos speciosa, sed fallaci voluptate delectant, pecunia, dignitas, potentia, aliaque complura, ad quæ generis humani cæca cupiditas obstupescit, cum labore possidentur, cum invidia conspiciuntur, eosque ipsos, quos exornant & premunt, plus morantur, quàm profunt. Lubrica & incerta sunt, nunquam bene tenentur: nam ut nihil de tempore futuro timeatur, ipsa tamen magnæ felicitatis tutela sollicita est. Si velis credere altius veritatem intuentibus, omnis vita supplicium est. In hoc profundum inquietumque projecti mare, alternis æstibus reciprocum, & modò allevans nos subjectis incrementis, modo majoribus damnis deferens, assidueque jactans, nunquam stabili consistimus loco, pendemus & fluctuamur, & alter in alterum illidimur, & aliquando naufragium facimus: semper timeamus. In hoc tam procelloso,

loso, & in omnes tempestates exposito mari navigantibus nullus portus, nisi mortis est.

Nimis angustat gaudia sua, qui eis *Portus* tantummodo quæ habet ac videt, frui *navigantium* se putat; & habuisse eadem, pro nihilo *mors.* ducit: cito enim nos omnis voluptas relinquit, quæ fluit ac transit; & penè antequam veniat, aufertur.

F I N I S.



VITA

V I T A

L U C I I A N N Æ I

S E N E C Æ ,

Incerto Authore ; nisi quod constat illum fuisse recentiore, ut qui subinde citat Petrarcham, Boccacium, & hujusmodi alios authores. Quisquis est, decerpfit ut plurimum ex Tacito & Suetonio.



Um permulta sint, vel ad mores, vel ad institutionem vitæ, à sapientissimis hominibus præclare & scripta, & præcepta, quæ nos ad rectam vivendi rationem facile inflammare, atque excitare debeant, vel præstantissimorum hominum autoritate, vel clarissimis exemplis adductos, tamen nescio quomodo obsurdescimus, & in tot tantisque bonarum artium disciplinis nihil proficientes, desidia quadam dormitamus, neque id animadvertimus, quanto in honore, & immortalis gloria semper floruerint hi, qui se totos ad ea studia contulerunt, quibus res secundæ ornantur, & adversæ æquo animo feruntur :

tur: quales fuerunt hi, qui multa, quæ vitam, aut meliorem facerent, aut beatam, non minus copiose, quàm graviter conscripserunt. Hi verò cum in altissimas rerum cogitationes animum suum demitterent, animadverterentque, hoc idem & alios sæpe antea fecisse, qui sapientis nomen adepti sunt, existimarunt necessariò à se quoque faciendum, ut non prius illa constituerent, quàm ab eis fuissent hominum mores, atque urbium constituti: qui quum in his elaborarint, quibus perspectis, atque cognitis, ex bonis meliores efficerentur, siquis sensus inferis, sane debent id graviter molesteque ferre, cum intelligant se nihil vigiliis suis, nihil curis, nihil denique cogitationibus tale quicquam peperisse, atque consequutos esse, quod ad horum temporum institutionem disciplinamque proficeret. Heu mentes ignaræ! ô vanæ hominum cogitationes! Nihil enim bonum putamus, nisi quod vulgi opinio judicat, quod in fortunæ temeritate positum est & collocatum. Ea verò, quorum gradibus homines in cælum ascendisse perhibentur, irrita atque inania putamus.

Quo

Quo fit, ut quum inde usque, ejusmodi prava cogitatio per hominum mentes serpsit, res nostræ semper in pejus collapsæ sint. Crevit enim libido, adaucta est avaritia, dominatur voluntas, quæ rationi inimica est, & mentis, ut ita dicam, præstringit oculos, ut quod verè bonum sit, nequeat internoscere, aut sincera à fucatis discernere. Quæ quum ita sint, viri optimi, illud recte factum censeo, & inprimis etiam atque etiam collaudo, ut sapientissimorum hominum præceptis pareamus, ne scriptura cum ipsis vaneſcat authoribus. Multa enim sunt ab ipsis accuratissime, ornatissimeque conscripta, atque illustrata, quæ si prosequi voluerimus, & fama, & immortalis nos afficient gloria. Quorum Solon, & Socrates, & Plato nobilissimi Philosophi, principes extiterunt. Multi præterea alii, & ipsi sapientes habiti, quos inter hic, de quo verba sum facturus, Lucius Annæus Seneca haud immerito commemorandus est. Quum enim omnis Philosophiæ ratio foret à nostris veteribus in treis partes distributa, naturalem videlicet, sive physicam, moralem, atque in eam dissec-

rendi

rendi rationem, quam dialecticam vocant ? illud certe constat, eam quoque partem, quæ de moribus erat, summo ingenio & maxima cura Aristotelem fuisse complexum, perfectissimeque de ejus partibus differuisse. Nam cum illis suis Ethicis, partem illam, quæ monastica dicitur, perfecisset, œconomica sunt ab eo, si famę credere est, tanta diligentia conscripta, ut neque aptius, neq; sanctius à quoquam in rem familiarem præcipi, conscribiq; potuerit. Quo genere philosophandi, nihil mihi videri solet admirabilius, quod in actione magis, quàm in cognitione repositum sit. Nam semper hoc animo fui, & mecum sentire doctissimos homines sæpe intellexi, nullam ex omnibus artibus, ac disciplinis esse, quæ societati hominum ad beate vivendum magis sit necessaria, quàm hæc una, quæ de ratione vivendi extat. Quum igitur inter eos, qui in primis numerantur, facile omnium princeps in his existat Aristoteles, neminem tamen habeo, neque ex nostris Latinis, neque ex Græcis, quem ad rationem earum actionum, quas à bono viro exposcimus, Lucio Senecæ comparem.

*Seneca
vita
magister
dictus.*

parem . Ut enim vir ille summus Græcorum Aristoteles , summum bonum in virtute constituit, ita hic noster Latinus , quales oportet ex virtute actiones prodire , mira exhortatione demonstravit . Non itaque immerito dictus, vitæ magister, ab omnibus nostræ ætatis hominibus. Quippe qui omnem Philosophiæ fructum , in actione constituit, ut ei difficile sit honeste vivere, qui hujus adhortationes, ac præcepta non legerit , quorum refertissimi sunt omnes ejus libri, quos cum legimus, quem Philosophum non contemnimus ? Sed quoniam de hujus hominis continentia, integritate, ac sapientia nunquam satis dici posset, pauca de ejus natione, vita, ac genere subjiciemus . Lucius Annæus Seneca, natione Hispanus, genere Cordubensis, professione verò Stoicus, non minus vita conspicuus, quàm scientia præclarus extitit. Hic à Cneo Domitio Ænobarbo, qui cum Romano exercitu missus fuerat, ad expugnandam validissimam civitatem Hispaniæ Cordubam, quæ à Romanorum imperio desciverat, captus cum duobus fratribus, Junio Annæo Gallione, & Lucio Annæo Mela, patre

patre Lucani poetæ, libertate donatus est. Hic se Romam, cum fratribus ac nepote, hortatu Domitii potissimum contulit. Ubi tanto in honore ab omnibus habitus est, ut à nonnullis creditum sit, Claudium Imperatorem inde causam indignationis, aut odii in Senecam traxisse. Proinde Claudius, siue ab invidis hominibus ita impulsus fuerit, siue naturæ vitio, Senecam in Corsicam exilio relegavit. Cujus rei meminit idem in Octavia, quando inquit

*Quid me potens fortuna, fallaci mihi
Blandita vultu, sorte contentum mea
Alte extulisti, gravius ut ruerem;
edita*

Receptus arce, totque perspicerem metus?

*Melius latebam, procul ab invidia
malis*

*Remotus, inter Corsici rupes maris:
Vbi liber animus, & sui juris, mihi
Semper vacabat, studia recolenti
mea.*

Posteaquam verò Claudius morte affecisset Messalinam uxorem, propter publicum ejus pellicatum, sibi assumpsit Agrippinam Germanici filiam, olim

olim Cnei Domitii uxorem , & Neronis matrem . Hæc à Claudio Senecæ restitutionem impetravit. Cui Neronis cura , cum efflet à Claudio atque Agrippina mandata , mortuo Claudio , tantum ejus potentia atque opes creverunt , multorum invidiam excitarent . Fuit enim consul , ac senator & Neronis præceptor , & diu apud eum potentissimus , ita , ut quamdiu Nero pietatem simulavit , & optimi Principis officio visus fungi , nihil sine consilio Senecæ ab Imperatore transigeretur . Postea verò , quàm Pompejam Sabinam , quæstorio patre natam , equiti Romano antea nuptam , prius occiso viro jussu ejus , duodecimo die , post divortium Octaviæ , quam sub sterilitatis nomine abdicavit , in matrimonium accepisset , creditum est , ab hac muliere conspiratum in mortem Senecæ : sive quia Neronem sæpe conatus erat ab amore hujus mulieris retrahere , cum adhuc vivente Octavia ipsam in concubinam haberet : sive quia sciebat non placere Senecæ , quæ cum Nerone diceret ac faceret . Quare cognita , sapientissimus vir Seneca statuit à Nerone otium & quietem
impe-

impetrare, & se prorsus ab omni procuratione civili, & cura abstinere, quod tutior senectus ejus foret. Oravit itaque Neronem, ut omneis fortunas & opes suas reciperet, & honores suos ad alterum deferret, fretus excusatione adversæ valetudinis & senectutis suæ, quæ indies magis ingravescebat. Pervagabatur itaque rura Campaniæ, & alia loca, urbi adjacentia, in quâ velut peregrinatione, bonam magnamque partem epistolarum ad Lucilium conscripsit. Reversus fortè illis diebus Seneca fuerat de Campania, ac in Nomentanum villam suam diverterat, ad quam Nero misit Syllanum tribunum prætoriæ cohortis, cum jam advesperasceret, & circumdedit villam militibus, intravitque domum Senecæ, ubi invenit eum cœnantem cum Paulina uxore, duobusque amicis, cui Neronis mandata exposuit, in quibus continebatur, quod vel spontaneam sibi mortem consciret, vel quod ipse sibi constitueret mortis genus, subiret. Causa verò mortis afferebatur, quòd Seneca odio Neronis se ab urbe abduxerat, neque amicis suis laborantibus aderat. Cui Seneca maxima animi constantia,

O

sic

fic respondit, neque se ab amicis ab-
fuisse, neque quenkum ab se destitu-
tum esse, aut negligentia, aut desidia,
sed se pluris otium suum facere, quàm
ullius hominis amicitiam; se olim
aliis, modò sibi & contemplationi na-
turæ vacare: quod autem Neronem
odio haberet, satis ei persuasum esse,
Neronem ista non credere, proinde &
de morte & vita ejus ita statueret, ut
sibi placuisset: se nihil habere, cur
mortem optaret, neque in morte
quicquam mali cognoscere, cur ipse
vitam desideraret: seque jam eò per-
venisse, ut neque pro hac, neque pro
illa votum ullum Diis aut hominibus
faceret. Tunc Syllanus, munita custo-
dibus villa & domo Senecæ, reversus
est ad Neronem, cui, præsentè Pom-
peja renunciavit quæ fecisset: qua re au-
dita interrogavit Nero Syllanum,
quo vultu sibi ea à se nuntiari audivis-
set: cui respondit, se nullum in Seneca
vidisse timoris vestigium. Remisit er-
go Nero tribunum ad Senecam, ut ea
maturaret, quæ paulo ante sibi man-
data essent. Sed tribunus veritus in
conspectum Senecæ prodire, misit
unum ex centurionibus suis, qui nun-
tiaret

tiaret extremam necessitatis horam :
quæ verba vir sapientissimus vultu &
corde immobili audivit, jussitque sibi
testamenti tabulas adferri . Sed ubi
necessarios omnes & amicos suos,
ægro nimis, & fracto animo mortem
ejus ferre vidit, convertit se ad eos, &
tenens manu tabulas testamenti, allo-
cutus est eos, & ibi in medio omnium
multum habuit cum eis de virtute ac
sapientia sermonem, egitque pluribus
verbis gratias omnibus, quod, quia
nondum satis cumulatè pro magnitu-
dine benevolentiae eorum in se face-
re potuerit, dixit se velle testamento
eis legare, quod apud se gratiosius &
pulchrius erat, quam rem si memoria
tenerent, sibi famam laudabilium ar-
tium, atque rerum retinerent. Illud
autem ait esse vitæ suæ imaginem, quo
non aliud significare videbatur, quam
ut vestigia vitæ suæ sequerentur. His
dictis, convertit se ab amicis ad uxo-
rem Paulinam, quæ præter cæteros
qui aderant, dolore affecta, neque
corpore, neque animo, constabat,
quam suavissime complexus, exhorta-
tus, ut hanc mortis injuriam vili ani-
mo perferret, inquit tempus illud

jam venisse, quo illæ sanctissimæ Philosophiæ suæ præcepta, jam non disputando, sed fortiter faciendo comprobaret, nullaque alia re meliorem posse immortalitatem consequi, quàm ubi mori necesse esset, non solum æquo animo, sed etiam avido complecti. Quare mea Paulina, cave hanc meam mortem amplius, ut contumeliosam defleas, ne vel te nimis amasse, vel gloriæ meæ invidisse videaris. Agens itaque jam annum ætatis suæ, prope centesimum decimumquartum, aut ultra, jussit venas brachiorum incidi & crurum, ut sanguis largior egrederetur, qui propter longam ætatem in venis congelatus, exire non poterat. Quare cum longius mortem sibi prorogari videret, rogavit Statium medicum, & amicum suum, ut sibi venenum daret præparatum, quod datum, ad cor, ex debilitate membrorum transire non potuit. Fecit itaque sibi fieri balneum, de consilio Statii, aquarum plus quàm mediocriter calidarum, in quod cum intrasset, audita sunt verba, licet pauca, jam voce attenuata, sua immortalitate dignissima. Sentiens deinde mortem appropinquare

quare , quo magis ostenderet eam sibi
 leviolem esse, nec homini timendam,
 primo velut ridens suos circumspexit ,
 deinde aquam illam accepit sanguine
 mixtam, & super se resperfit, inquit:
 Hunc liquorem sanguine & aqua mix-
 tum , Iovi liberatori consecro , per
 quem, ut arbitror, verum Deum intel-
 ligens, quo dicto, paulo post migravit.
 Funus autem maximo cum honore à
 suis paratum fuit . Composuit autem,
 cum in balneo esset, sepulchri sui, ut
 creditur , epitaphium, quod postea in
 marmore incisum fuit.

*Cura, labor, meritum , sumpti pro mu-
 nere honores ,*

*Ite , alias posthac sollicitate animas :
 Me procul à vobis Deus evocat , illicet
 actis*

*Rebus terrenis , hospita terra Vale.
 Corpus avara tamen , solennibus accipe
 saxis ;*

*Nanque animam calo reddimus ,
 ossa tibi .*

De ætate verò Senecæ potest illud cõ-
 jici , eum ad centesimum decimum
 quartum annum vel ultra potius per-
 venisse,quàm citra stetisse . Dicit enim
 se potuisse vivam vocem Ciceronis au-
 divisse.

divisse. Verisimile igitur est, cum fuisset tunc rationis & doctrinæ capacem. Nam cum ea tempora mecum computo, quæ à morte Ciceronis usque ad mortem Senecæ fluxerunt, illud notum omnibus mihi subit, Ciceronem Marci Antonii jussu cæsum esse circa exordia principatus triumvirorum, scilicet Octavii, Antonii, & Lepidi: illud constat, Octavium annos duodecim imperasse cum Antonio, diviso tamen imperio. Victo autem Antonio, solus tenuit monarchiam orbis annos quadraginta quatuor, vel circa. Tyberius vero successit Octavio, & regnavit is annos treis & viginti. Huic successit illa immanis fera C. Caligula. Is imperavit annos treis, & menses decem, & dies octo, post quem Claudius imperavit annos quatuor & decem, menses septem, dies octo & viginti. Cui truculentissima bestia Nero successit, adoptivus Claudii filius, qui orbem terrarum suo pressit imperio annos treis & decem, menses septem, dies novem & viginti, quæ tempora, si conferantur in unum, constituent annos centum quatuor & decem, dies treis. Mortuus autem Seneca anno undecimo

mo imperii Neronis, biennium antequam Pêtrus & Paulus martyrio coronarentur. Igitur à morte Ciceronis ad mortem Senecæ fluxerunt anni centum duodecim, vel propemodum. Nunc reliquum est videre, qua ætate fuisset Seneca, juxta extrema Ciceronis tempora. Nam cum scribat se idoneum jam fuisse ad audiendum Ciceronis eloquentiam, non alienum est arbitrari, eum fuisse annorum duodecim, quare constet necesse est, Senecam annos centum quatuor & viginti supergressum esse. Non ergo mentiens sum, si ad centesimum & decimum-quartum annum dixi Senecam ætate processisse. Postremò sunt qui asserant Senecam moralem authorem fuisse Tragœdiarum. Franciscus Petrarcha in quadam epistola, opus fuisse hujus Senecæ aperte confirmat. Bocatius verò negat, cui vir disertissimus Collucius assentitur, hoc opus ascribens fratri Senecæ, de qua quidem re non nostrum est judicium ferre, quòd adhuc sub judice lis est: sed utcunque sese res habeat, nos tamen quod institutum, aggrediamur.

SENTENTIAE
ILLUSTRES

EX

TRAGÆDIIS SENECAE.

*Ex Hercule furente, Tragœdia prima.**Ex act.
E.*

NOvit paucos
 Secura quies: qui velocis
 Memores ævi, tempora nunquam
 Reditura tenent; dum fata sinunt,
 Vivite læti: properat cursu
 Vita citato, volucrique die
 Rota præcipitis vertitur anni:
 Duræ peragunt pensâ sorores,
 Nec sua retro fila revolvunt.

At gens hominum fertur rapidis
 Obvia fatis, incerta sui:
 Stygias ultro quærimus undas.

Certo veniunt ordine Parcæ:
 Nulli jussu cessare licet:
 Nulli scriptum proferre diem:
 Recipit populos urna citatos.

Venit ad pigros cana senectus:
 Humilique loco, sed certa sedet,
 Sordida parvæ fortunæ domus:
 Alte virtus animosa cadit.

Ex act.

• 2.

— Finis alterius mali,
 Gradus est futuri.

— Pro-

--- Prosperum ac felix scelus,

Virtus vocatur : fontibus parent boni :

Jus est in armis, opprimit leges timor.

--- Quod nimis miseri volunt,

Hoc facile credunt. A M. imo quod
metuunt nimis,

Nunquam amoveri posse, nectolli
putant.

- M E. Prona est timori semper in pejus
fides.

- Iniqua rarò maximis virtutibus
Fortuna parcat : nemo se tutò diu
Periculis offerre tam crebris potest.

- Quem sæpe transit casus, aliquando
invenit.

- --- Qui genus jactat suum,
Aliena laudat ; rapta, sed trepida manu
Sceptra obtinentur : omnis in ferto est
salus.

Quod civibus tenetur invitis, scias.

Strictus tuetur ensis, alieno in loco -

Haud stabile regnum est.

Invidia fastum ac sermo popularis
premet.

- Ars prima regni est, posse invidiam
pati.

- Sequitur superbos ultor à tergo
Deus.

Cum victor arma posuit, & victū decet

Deponere odia.

Cogi qui potest, nescit mori.

Virtutis est, domare quæ cuncti pa-
vent.

Non est ad astra mollis è terris via.
Quemcunque miserum videris, homi-
nem scias.

A M. Quemcunque fortem videris,
miserum neges.

Post multa virtus opera laxari solet.

Ex Cho-
ro.

Immites potuit flectere cantibus
Umbrarum dominos, & prece supplici
Orpheus, Eurydicè dum recipit suam.
Quæ sylvas & aves, saxaque traxerat
Ars, quæ præbuerat fluminibus moras.
Ad cuius tonitum constiterant feræ,
Mulcet non solitis vocibus inferos,
Et surdis resonat clarius in locis:

Ex. 3.
ast.

Odit verus amor, nec patitur moras.
Votum secundet qui potest no-
strum Deus,
Rebusque lassis adsit.

--- Quod fuit durum pati,
Meminisse dulce est.

--- Ipsaque morte peior est mortis lo-
cus.

--- Quisquis est placide potens,
Dominusque vitæ, servat innocu-
manus.

Et i

Et incruentum mitis imperium regit,
 Animoque parcit: longa permēsus diu
 Felicis ævi spatia, vel cælum petit,
 Vel læta felix nemoris Elysi loca
 Judex futurus.

Nemo ad id serò venit, unde nūquā,
 Cum semel vēnit, potuit reverti.

— Tuque ô domitor

Somme malorum, requies animi,
 Pars humanæ melior vitæ.

Ex Choro.

Ex Choro.

4. actus.

Pectora tantis obseſſa malis,
 Non sunt ictu ferienda levi.

Sæpe vindicta obfuit.

Ex 5.

act.

Ex Thyeste, Tragædia 2.

Quos cogit metus
 Laudare, eosdem reddit inimicos
 metus.

At qui favoris gloriam veri petit,
 Animo laudari magis quā voce valet.
 Laus vera humili sæpe contingit viro.

Ex 2.

act.

Rex velit honesta: nemo non eadem velit.

— Ubi non est pudor,

Nec cura juris, sanctitas, pietas, fides,
 Instabile regnum est.

Jam tempus ille fecit ærūnas leves.

A τ. Malorum sensus accrescit die.

Leve est misérias ferre: perferre est
 grave.

— Sæpe in magistrum scelera redierunt sua.

— A T. Ut nemo doceat fraudis & sceleris viam,

Regnum docebit.

--- Tacita jam rudibus fides

Non est in annis : detegent forsan dolos.

Multa, sed trepidus, solet

Detegere vultus : magna nolentum quoque

Consilia produnt.

Ex choro. Rex est, qui posuit metus,

Et diri mala pectoris :

• Quem non ambitio impotens

Et nunquam stabilis favor

• Vulgi præcipitis movet.

— Mens regnum bona possidet.

--- Non capit regnum duos.

Ex 3. act. • Mihi crede, falsis magna nominibus placent.

— --- Dum excelsus steti,

Nunquam pavere destiti, atque ipsum mei

Ferrum timere lateris. O quantum bonum est

Obstare nulli, capere securas dapes :

Humi jacentem, scelera non intrant casam :

Tutus-

Tutusque mensa capitur angusta cibus.

Venenum in auro bibitur: expertus
loquor.

— Nec abnuendum, si dat imperium
Deus,

Nec appetendum.

— Serum est cavendi tempus in me- *Ex choro.*
diis malis.

Nulla vis major pietate vera est.

— Nulla fors longa est: dolor, ac vo-
luptas

Invicem cedunt: brevior voluptas.

— Imma permutat brevis hora summis.

— Omne, sub regno graviore, regnum
est.

Quem dies vidit veniens superbum,

Hunc dies vidit fugiens jacentem.

Nemo confidat nimium secundis:

Nemo desperet meliora lapsis.

Miscet hæc illis: prohibetque Clotho —

Stare fortunam: rotat omne fatum.

Nemo tam Divos habuit faventes,

Crastinum ut posset sibi polliceri;

— Res Deus nostras celeri citatas,

Turbine versat.

Fugiat trepidi comes exilii

Tristis egestas, rebusque gravis

— Pudor afflictis, magis unde cadas *

Quàm quo, refert.

*Ex S.
alt.*

O 7

Pro.

Proprium hoc miseros sequitur vitium,

Nunquam rebus credere lætis :

Redeat felix fortuna licet.

Tamen afflictos gaudere piget.

Mittit luctus signa futuri,

Mens ante sui præfaga mali.

Ex Thebaida, Tragedia 3.

N --- On est, ut putas, virtus pater
Timere vitam : sed malis ingentibus

Obstare, nec se vertere, ac retro dare.

Ex I.

act.

— Vitam contempsit, mori

Qui concupiscit.

Quotiens necesse est fallere, aut
falli, à suis,

Patiare porius ipse, quàm facias scelus.

— In servitutem cadere de regno, grave est.

— Regna cum scelere omnibus

Sunt exiliis graviora.

Fortuna belli sæper ancipiti in loco est.

— Iniqua nunquam imperia retinentur diu.

Ex Hippolyto, Tragedia 4.

Ex I.

act.

Quiscunque in primo obstitit,

Pepulitque amorem, tutus ac victor fuit.

— Qui blandiēdo dulce nutrit vitium,
Serò,

Serò recusat ferre , quod subit jugum.

Dum quis secundis rebus exultat
nimis,

Fluitque luxu semper insolita appetēs :

Tunc illū magnæ dira fortunæ comes

Subit libido: non placent suetæ dapes,

Non testæ sani moris , aut vilis cibus.

Pars sanitatis velle sanari multis *Ex Cho-
ro.*
fuit.

Vincit sævas cura novercas.

Ex 2.

Non levat miseros dolor.

act.

--- Verum iusta, qui reges timet,

Deponat: òne pellat ex animo decus.

Malus est minister regii imperii pudor.

Quem fata cogunt , hic quidem vi-
vat miser.

At si quis ultro se malis offert volens,

Seque ipse torquet , perdere est dignus
bona,

Qui nescit ūti.

Ætate fruire , mobili cursu fugit.

--- Propria describit Deus

Officia: & ævum per suos ducit gradus.

--- Lætitia juvenem , frons decet tristis
senem.

Sepe obstinatis induit frēnos amor,

Et odia mutat.

--- Qui timide rogat,

Docet negare.

Ancep̃

Ex choro. Anceps forma bonum mortalibus,
Exigui donum breve temporis.
Ut velox celeri pede laberis.

Res es forma fugax ; quis sapiens
bono

Confidat fragili? dum licet utere:
Tempus, sed tacitum subruet, horaque
Semper præterita deterior subit.

Raris forma viris (secula prospice)
Impunita fuit.

* Alium filere quod voles, primus file.

Ex 3. Minus in parvis fortuna furit.

alt. --- Humida vallis

Ex Choro. Raros patitur fulminis ictus.

ro. Tremittelo Jovis altisoni.

Caucasus ingens: Phrygiumque nemus

Matris Cybeles, metuens cælo

Juppiter alto vicina petit.

Non capit unquam magnos motus

Humilis tecti plebeja domus;

- Circa regna tonat.

Volat ambiguis mobilis aliis

Hora: nec ulli præstat velox

Fortuna fidem.

Ex Oedipo, Tragædia 5.

Ex 1. **N**ullus est miseris pudor.

alt. Haud est virile terga fortunæ
dare.

Ex choro
4. altus. - Labimur sævo rapiente fato :

Ducitur.

Ducitur semper nova pompa morti.

— Dubiam salutem qui dat, afflictis
negat.

— Facere solent extrema securos mala. *En 3.*

-- Iners malorum remedium igno-
rantia est.

— Ubi turpis est medicina, sanari pi-
get.

— Certissima est regnare cupienti via,
Laudare modica.

— Ab inquieto sæpe simulatur quies.
Aditū nocendi perfido præstat dies.

— Res secundæ non habent unquam
modum.

Quisquis in culpa fuit

Dimissus, omne odit quod dubium
purat;

Sic odia fiunt.

— —Odia quia nimium timet,

Regnare nescit, regna custodit metus.

— CRE. Qui sceptrâ duro sævus imperio
regit,

Timet timentes: metus in authorem
redit.

— Prima languescit senum

Memoria, longo lassâ sublabens situ.

Quid verba quæris? veritas odit
moras.

Fatere, ne te cogat ad verum dolor,
Prohi-

Prohibet fides.

Quicquid excessit modum ,
Pendet instabili loco.

Ex Troade , Tragedia 6.

— Nulla dies

Ex choro Mœrore caret : sed nova fletus

mulie- Causa ministrat.

rum . — Juvenile vitium est , regere non
Ex 2. posse impetum .
act.

— Violenta nemo imperia continuit
diu :

— Moderata durant , quoq; fortuna altius
Evexit ac levavit humanas opes .

Hoc se magis suppressere felicem de-
cet :

Variosque casus tremere , metuentem
Deos

Nimum faventes.

* Qui non vetat peccare , cum possit ,
jubet .

Et regis alii spiritum regi dare

Præferre patriam liberis regem de-
cet.

Miserrimum est timere , cum spe-
res nihil.

Victor feroces impetus primus ha-
bet .

Levius solet timere qui proprius ti-
met.

Simu-

Ex 3.
act.

— Simulata remove verba : non facile
est tibi

Decipere Vlyſſem .

Magnifica verba mors propè a-
mota excutit .

— — Veritas nunquam latet .

Dediscit animus ſerò , quod didicit diu .

— Fletus ærumnas levat .

— Durum & inviſum & grave eſt ,
Servitia ferre .

Dulce mœrenti eſt populo dolentū : *En choro*
Dulce lamentis reſonare gentes .

— Ferre quā fortem patiuntur omnes ,
Nemo recuſat .

Nemo ſe credit miſerum , licet ſit .

Tolle felices : removeto multo

Divites auro : removeto centum

Rura qui ſcindat opulenta bobus :

Pauperi ſurgent animi jacentes .

— Eſt miſer nemo , niſi comparatus .

Ex Medea , Tragædia 7 .

— Ira quæ tegitur , nocet .

Ex 1 .

— Profeſſa perdunt odia vindictæ locum .

act .

ME. Levis eſt dolor , qui capere conſi-
lium poteſt ,

Ex 2 .

Et clepere ſeſe ; magna non latitant
mala ,

act .

Fortuna fortes metuit , ignavos pre-
mit .

Nun-

Nunquam potest non esse virtuti
locus.

Spes nulla rebus monstrat afflictis
viam.

- ME. Qui nihil potest sperare, desperat
nihil.

Compesce verba, parce jam de-
mens nimis,

Animosque minue : tempori aptari
debet.

Fortuna opes auferre, non animum
potest.

- Æquum atque iniquum regis impe-
rium feras.

- ME. Iniqua nunquam regna perpetuò
manent.

Difficile quàm sit animum ab ira
flectere

Jam concitatum, quamque regale
hoc putet,

Sceptra superbas quisquis admovit
manus,

Qua cœpit ire, regia didici mea,

Rapida fortuna, ac levis,

Præceptisque regno eripuit, & exilio
dedit.

Cōfide regnis: cum levis magnas opes
Huc ferat, & illuc casus: hoc reges ha-
bent

Magni -

Magnificum & ingens: nulla quod rapiet dies,
Prodesse miseris, supplices fido lare
Protegere.

— Nullum ad nocendum tempus angustum est malis. *Ex 3. act.*

— Amor timere neminem verus potest.

Nemo potentes aggredi tutus potest.
Gravis ira regum est semper.

— Suspecta ne sint, longa colloquia amputa.

Nulla vis flammæ, tumidique venti
Tanta, nec teli metuenda torti,
Quanta cum conjux viduata tædis
Ardet & odit.

Ex choro.

Cæcus est ignis stimulatus ira,
Nec tegi curat patiturve frænos:
Haud timet mortem, cupit ire in ipsos
Obvius enses.

Ex Agamemnone, Tragædia 8.

Regnorum magnis fallax
Fortuna bonis, in præcipiti
Dubioque nimis excelsa loco,

Ex choro.

— Nunquam placidam sceptrâ quietem,
Certumve sui tenuere diem:
Alia ex aliis cura fatigat,
Vexatque animos nova tempestas.

* — Quicquid in altum

Fortuna

* O quàm miserum est nescire mori. *Ex alio-
ro.*
Magis exurunt, quos secretæ
Lacerant curæ.

Ex Octavia, Tragedia 9.

Iuvenilis ardor impetu primo furit: *Ex 1.
alt.*
Languescit idē facile: nec durat diu

In venere turpi, ceu levis flāmæ vapor.
Amor perennis conjugis castæ manet.

NE — Quicquid excelsum est, cadat.
Se. Pulchrum eminere est inter illu-
stres viros,

Consulere patriæ, parcere afflictis, fera
Cede abstinere, tempus atque iræ dare:
Orbi quietem, seculo pacem suo.

Hæc summa virtus, petitur hac cælum
via.

Probitas, fidesque conjugis, mores,
pudor,

Placeant marito; sola perpetuò manēt
Subjecta nulli, mentis atque animi
bona.

— Florem decoris singuli carpunt dies.

Vis magna mentis, blandus atque
animi calor

Amor est.

— Bene paupertas

Humili tecto contexta latet.

— Quatiunt altas sæpe procellæ,
Aut evertit fortuna domos.

*Ex 5.
alt.*

Ex

Ex Hercule Oetheo, Tragædia 10.

Ex 1. act. * Nunquam est ille miser, cui facile
est mori.

Ex 2. act. Illicita amantur: excidit quicquid
licet.

Haud est nocens, quicumque non
sponte est nocens.

Ex 5. act. Virtus in astra tendit, in mortem
timor.

Ex choro.

Nunquam Strygias fertur ad umbras
Inclyta virtus: vivite fortes,
Nec letheos sæva per amnes
Vos fata trahent: sed cum summas
Exigit auras consumpta dies,
Iter ad superos gloria pandet.

F I N I S.



A01 1454335

